



## RELATION

DE CE QVI S'EST PASSE'

és Missions des Peres de la Compagnie de I Es v s,

NOVVELLE FRANCE,

ES ANNEES 1645. & 1646.

Enuoyée au R.P. Prouincial de la Prouince de France.

Par le Superieur des Missions de la mesme Compagnie.



A PARIS,

SEBASTIEN CRAMOISY, Imprimeur ordinaire du Roy, & de la Reyne Regente,

Chez <

GABRIEL CRAMOISY.

ruë S. Iacques, aux Cicognes.

M. DC. XLVII. AVEC PRIVILEGE DV ROY. JOHN CARTER BROWN

#### के ति ति विविध्या स्थाप के ति वि

### TABLE DES CHAPITRES CONTENVS EN CE

Liure.

Elation de ce qui s'est passé en la Nouuelle France, sur le grand fleune S. Laurens, en l'année 1646. page I CHAP.I. De ce qui s'est passé entre les François, les Hurons & les Algonquins, pour la conclusion de la paix auec les Iroquois. II. De la venue de sept Ambassadeurs Proquois vers les François, & de leur negociation. III. De l'heureuse mort du Pere Anne de Noue, & dn P. Enemond Masse. 27 IV. De la Mission des Martyrs commencée au pays des Iroquois. De la residence de S. Ioseph à Sil-60 lery. VI. De la residence de la Conception aux 31 trois Rinieres. VII. De la Mission de saincte Croix à 102 Tadoussac. VIII. De l'habitation de Ville-Marie, en 118l'Isle de Montreal. ā III

T	ab	le	des	Cha	pitr	es

IX. De quelques bonnes actions, & de quelques bons sentimens des Sauuages Chrestiens. 146
X. De quelques particularitez du pays,
& autres choses qui n'ont pli estre

cautres choses qui n'ont pli estre rapportées sous les Chapitres precedens. 166

Elation de ce qui s'est passé de plus remarquable en la Mission des Peres de la Compagnie de I ESVS au : Hurons pays de la Nouvelle France, depu is le mos de May de l'année 1645. iusques au mois de May de l'année 1646. CHAP.I. De l'estat du pays. II. De l'estat du Christianisme. III. Actions remarquables du zele de quelques Chrestiens. IS IV. Espreuue de la constance & du courage de cette Eglise parmy les oppositions des Insideles. V. Bons sentimens de quelques chrestiens. VI. Prouidence de Dieu sur quelques particuliers. VII. De la Mission du Sainet-Esprit. 102 VIII. De ce qui s'est passé à Miskou. 116 Fin de la Table des Chapitres.

## Extraict du Privilege du Roy.

DAR grace & privilege du Roy, il est permis à Sebastien Cramoisy Marchand Libraire Iuré en l'Vniuersité de Paris, & Imprimeur ordinaire du Roy & de la Reyne Regente, Bourgeois de Paris, d'imprimer ou faire imprimer vn Liure intitule, Relation de ce qui s'est pasé de plus remarquable és Missions des Peres de la Compagnie de l'Esys, en la Nouvelle France, és années 1645. & 1646. enuoyée au R. P. Prouincial de la Prouince de France, par le Superieur des Missions de la mesme Compagnie. Et ce, pendant le temps & espace de dix années consecutiues, auec deffenses à tous Libraires & Imprimeurs d'imprimer ou faire imprimer ledit Liure, sous pretexte de deguisement ou changement qu'ils y pourroient faire, à peine de confiscation & de l'amende portée par ledit Privilege. Donné à Paris le 6. Decembre 1646.

Par le Royen son Conseil,

CRAMOISY.

## Permission du P. Prouincial.

TOvs Estienne Charlet Prouincial de la Compagnie de I e s v s en la Prouince de France, auons accordé pour l'aduenir au sieur Sebastien Cramoisy Marchand Libraire, Imprimeur ordinaire du Roy, l'impression des Relations de la Nouvelle France. Fait à Paris ce 8. Ianuier 1647.

ESTIENNE CHARLET.

RELATION



# RELATION DECEQUISEST

PASSE' EN LA NOVVELLE FRANCE SUR LE GRAND Fleuue de S. Laurens, en l'année mil six cens quarante-six.

AV. R. P. ESTIENNE CHARLET Prouincial de la Compagnie de IESVS, en la Prouince de France.



Me trouuant obligé de rendre d'oresnauant vn compte plus particulier à Vostre Reuer. des choses qui se passent és Missions d'icy bas, ie luy diray qu'après auoir conferé ce que i'y ay veu depuis vn an, auec ce que i'ay remarqué là haut, aux 2 Relation de la Nouvelle France, Missions Huronnes dans l'espace de plusieurs années, ie ne puis que ie ne me consirme en la creance que digitus Dei est hîc, que c'est l'ouurage d'vne prouidence toute particuliere, & d'vne bonté verita-

blement infinie.

l'aurois bien de la peine d'expliquer les raisons qui causent en moy ce sentiment: il y a des secrets cachez aussi bien dans les ouurages de la prouidence, que dans les merueilles de la nature, on les conoist moins qu'on ne les admire. Peutestre que la face du pays, qui me parut toute affreuse dans la guerre, quand ie le vis pour la premiere fois, s'estant changée & deuenue toute belle dans la douceur de la paix, forme en moy cette pensée & me donne ce sentiment: mais cét ouurage, quoy qu'excellent, surpassant toutes nos esperances, ne seroit pas suffisant de me donner tant de satisfaction, s'il n'estoit accompagné de sa fin principale, l'establissement & l'aduancement du Royaume de Dieu.

Ensuite donc les Sauuages des autres nations attirez par l'odeur des premiers Chrestiens de la reduction de S. Ioseph à Sillery, abordent de toutes parts, pour se faire instruire, & pendant que les vns cherchent la Foy, les autres croissent & s'augmentent dans la charité: en vn mot ceux qui suyoient Iesvs-Christ, & qui le regardoient comme la cause de leur mort en la terre, le viennent maintenant chercher en leurs maladies, comme la source de leur vie dans le Ciel, & ceux qui l'ont trouué, sont dans des ressentimens & des reconnoissances toutes particulieres du bon-heur qu'ils ont rencontré.

Or ayant veules mesmes benedictions sur les nations plus hautes & plus éloignées, c'est ce qui me fait penser que le temps ensin est venu de la conuersion de ce nouveau monde, que l'Esprit de Dieu veut conduire ces pauures peuples à la sin pour laquelle il les a creés, & qu'appres vne nuit de tant de siecles, la lumiere a paru sur ces contrées, la Foy y est dans son Aurore, elle aura son ascendant, & ceux qui viendront apres nous, la vertont en son Midy.

Plusieurs choses à ce que ie puis reconnoistre de plus prés, ont contribué à ce bon-heur. Le bon estat dans lequel Messieurs de la Compagnie de la nouuelle France, ont mis le pays & la Colonie, le secours & l'assistance qu'ont donné Messieurs de Montreal; la pieté & le bon exemple des habitans, & particulièrement le courage, le zele & la charité des deux familles Religieuses de l'Hospital & des Vrsulines, qui apres auoir surpassé le commun de leur condition, en passant la mer, semblent tous les iours se surmonter elles mesmes dans tous les exercices de charité enuers Dieu & le prochain, qu'on peut attendre d'elles.

l'ay quelquefois pris plaisir de comparer la charité des vnes à assister iour & nuit de pauures Barbares tous chancreux & mourans, mettans en cela tout leur plaisir & contentement; & le zele des autres à apprendre les langues & ramasser de tous costez en leur Seminaire des filles & des femmes Sauuages, pour leur exposer & debiter les marchandises du Ciel: mais l'aduoue que ie n'en ay pû conclure autre chose, sinon que ces spe-Stacles estoient dignes d'attirer les yeux du Paradis sur ce pauure pays, & de le luy rendre fauorable. Dieu benisse à iamais les personnes qui fauorisent & qui soustiennent de si sainctes entreprises.

Monsieur le Cheualier de Montmagny nostre Gouuerneur a aussi esté l'vn des principaux instrumens, dont la Diuine Prouidence s'est seruse, pour mettre les affaires dans le poinct& dans le iour qu'elles paroissent: le trauail de dix ans n'a point ébranlé sa constance, ny diminué ses soins pour tout ce qui regarde l'auancement de la Religion, & du bien public.

Ie ne parle point de la premiere & principale roue qui fait mouvoir ce nouveau monde, aussi bien que l'ancien, ny des autres roues qui luy sont coniointes, & qui luy donnant & receuant d'elle vn sainct mouvemet, l'impriment sur ce grand ouvrage: il n'y a que Dieu qui puisse estre le prix & la recompense de ces belles & grandes ames, qui seront bien aises d'apprendre que nous auons cette année augmenté nos petites Eglises de trois cens Neophytes nouvellement baptizez.

Au reste, mon R. Pere, voicy la Relation des choses principales qui se sont passées depuis vnan: elle y verra la mort de deux des plus anciens ouuriers qu'ait eu nostre Compagnie en ces contrées, c'est le Pere Anne de Noue, & le Pere Enemond Masse: ie ne voy icy personne

Alij

de ceux qui les ont connus qui ne die de bon cœur, viuat & moriatur anima mea vità & morte iustorum istorum. Or jaçoit que leur mort doiue donner plus d'enuie que de compassion, ie ne laisse pas de les recommander aux suffrages & aux sain- ces prieres de vostre Reuer. & de toute la Prouince, come aussi toutes nos Missions.

L'arriuée des trois Peres qu'il luy a pleu nous enuoyer de renfort, nous a bien confolé; mais ce nombre estant dessa au dessous de celuy que l'auois demandé pour les Missions Huronnes, elle peut voir le besoin que nous en auons d'autres, & le verra encore dauantage dans la Relation, y rencontrant les nouvelles Missios dont Dieu nous a donné les ouvertures: c'est ce que nous esperons de sa charité, & du zele de nos Peres pour ces petites Eglises naissantes, que ie ne puis assez recommander aux sainces Sacrisices & aux sainces prières de tous en general, & de chacun en particulier.

De Vostre Reuerence,

De Quebek ce 28.08 bre 1646.

Tres humble & tres obeilfant seruiteur, selon Dieu, HIEROSME LALEMANT. De ce qui s'est passé entre les François, les Hurons & les Algonquins, pour la conclusion de la paix auec les Iroquois.

#### CHAPITRE I.

IL est à propos de faire quelques remarques à l'entrée de ce Chapitre, pour auoir vne idée plus nette & vne connoissance plus particuliere des affaires

qu'on a traitées auec ces peuples.

le nom d'Iroquois nous auons iusques à maintenant compris plusieurs Nations confederées, toutes ennemies des Sauuages qui nous sont Alliez: ces Nations ont leurs noms particuliers, les Annierronnons, les Oniontcheronons, les Onontagueronons, les Sonontsaëronons, & autres. Nous n'auons encor proprement la paix qu'auec les Annierronnons, qui sont les plus voisins de nos habitations, & ceux qui nous donnoient plus de peine, d'oresnauant nous les distinguerons par

8 Relation de la Nouvelle France, leurs noms propres & particuliers, asin d'éuiter la confusion.

Ensecondlieu, outre ces Iroquois il y a d'autres Nations plus au Nord qui semblent vouloir entrer en guerre auec nos Sauuages, comme les Sokoquiois que nos Sauuages appellent Assokuekik, les Mahingas, ou Mahinganak, auec les quels les Algonquins ont eu autrefois de grandes alliances; mais les Iroquois Annierronnons les ayans domtez, ils se sont iettez de seur party: il yen a d'autres, comme les Abnaquiois, qui nous sont amis.

le remarqueray en troisséme lieu, que lan passé au depart de la flotte, comme nous goustions la douceur de la paix encommencée, on nous vint apporter la nouvelle que trois Sauvages de la bourgade de S. Ioseph ou de Sillery, avoient esté tuez, & quelques autres fort blessez; ce bruit détrempa nostre ioye d'absynthe sur le doute que les Annierronons n'eusent agy de mauvaise foy avec nous. Enfin apres toutes les perquisitions possibles, nous trouvasmes que l'un des plus fervens Chrestiens de Sillery ou de sainct Ioseph, avoit esté trairreusement massacré, avec deux ieunes garçons baptizez,

que le fils de François Xauier Nenasksmat, l'vne des deux premières colomnes de la reduction des Sauuages, auoit esté blesse amort: en effet il est venu rendre l'ame tres-sainctement entre nos bras, apres auoir receu en l'Hospital de Kebec tous les charitables traitemens dont vn pauure malade peutestre assisté. Sa femme dans cette trahison fut laissée pour morte, on luy enleua vne partie de la peau & des cheueux de la teste, mais Nostre Seigneur luy a rendu la santé. Ce nous fut vne consolation que ces deux derniers n'expirerent pas sur la place: car ils nous asseurerent que le langage des meurtriers estoit entieremet different du langage des Iroquois: cela arresta les haches des Algonquins, qui n'auroiet point manqué d'assommer quelques Annierronnons qui se trouuoient pour lors parmy eux & parmy nous : enfin on a découuert que cétassassinat auoit esté commis par les Sokoquiois, deux desquels s'estans rencontrez quelques années auparauant dans les confins des Iroquois, auoient esté tuez par quelques soldats montagnars, & vn autre auoit esté fort mal traité des Algonquins, mais racheté

Relation de la Nouvelle France, & renuoyé de son païs par Monsieur nostre Gouverneur.

Le Diable preuoyant que la paix troubleroit son royaume, s'estoit esforcé de la rompre: mais l'Ange de l'Eglise de Dieu l'a tenu à la cadene, il a fait conclure auec benediction ce qu'on a souhaité depuistant d'années, auec vne considente humilité & vne patience Chrestienne.

Les Iroquois Annierronnons ont chasses de la contre liberté dans les confins des Algonquins, & ceux-cy les ont veu & receu de bon œil, les ont amenez en nos habitations: il n'y a lieu en tous ces quartiers où on n'ait veu de temps en temps quelques Annierronnons. Ceux qui sçauent l'antipathie de ces peuples, & les épouuentables inclinations qu'ils ont à la vengeance, pensent voir autant de miracles qu'ils voyent de bonne intelligence entre vn Algonquin & vn Iroquois.

On escriuit l'an passé comme les Ambassadeurs Annierronnons ayans negocié auec les François sur la paix vniuerselle, s'estoient retirez en leur pais pour reporter la parole & la voix d'Onontio, c'est à dire les pensées de Monsieur nostre Gouuerneur. Le François qui auoit esté longtemps captif en leur pais, les accompagnoit, auec ordre de se trouver en toutes leurs assemblées: voicy ce qu'il en a re-

marqué.

Ayant quitté les François, ils furent dix-huictiours en chemin, & trois iours apres leur arriuée dans le pais, les principaux s'estant assemblez de diuers endroits, se comporterent en cette sorte.

Auant que ces Ambassadeurs parlassent, on leur sit vn present pour adoueir le
conduit de leur voix, asin que les paroles
d'Onontio qu'ils auoient receu par leurs
oreilles, sortissent sas peine & sans rudesse
de leur bouche. Ce present fait, le Fraçois
qui a connoissance de leur langue, & ces
Ambassadeurs déployeret les presens dot
ils estoient chargez, & en suite haranguerent auec la satisfaction de tout le monde, leurs discours sinis, les Capitaines
sirent aussi d'autres presens pour estre apportez à Onontio & à ses confederez.

Le premier seruit comme d'vn bain, dans lequel ces Ambassadeurs recrus du chemin se pouuoient delasser; ou comme d'vn onguent qui gueriroit les blesseures que les pierres, les ronces & les halliers qu'on rencontre en vn si long voyage, auqu'on rencontre en vn si long voyage, au-

12 Relation de la Nouvelle France,

roient pû faire à leurs pieds.

Lesecond publioit que leur hache d'armes suspendue en l'air sans ramener son coup iusques à la response des Hurons & des Algonquins suivant le desir d'Onontio, avoit perdu son vsage, qu'on l'avoit iettée si loin qu'homme du monde ne la pourroit iamais retrouver, c'est à dire que les Hurons & les Algonquins estans entrez dans la paix, les Annierronnons n'avoient plus d'armes que pour la chasse.

Le troisième tesmoignoit la douleur que receuoient les Annierronnons de leur miserable fille onnieste, laquelle méprisoit la voix de sa mere & le conseil de son pere, qu'elle estoit si insolente d'auoir encor enuoyé de ses enfans vers Montreal, pour surprendre ceux qui se trouueroient en cette contrée. Onnieste est vne bourgade dont la plus grande partie des hommes ayant esté decousis en guerre par les hauts Algonquins, elle fut contrainte d'appeller des Annierronnons pour se repeupler; de la vient que les-Annierronnons l'appellent leur fille. Monsieur le Gouuerneur l'ayant inuitée comme son enfant à entrer dans vne paix generale par l'entremise des Annierronnons, disent qu'elle est rebelle à son pere & à sa mere. Le temps amenera tout, & Dieu donnera des fruicts en sa saison.

Le quatrieme sut vn tesmoignage public de la reconnoissance de toutes les bourgades des Annierronnons, de ce qu Onontio auoit aplany la terre & reü-

ny les cœurs.

Le cinquieme estoit vne action de graces au mesme Onontio, qu'ils reconnoissoient comme le pere commun de toutes ces Nations, suy donnant mille souanges de ce qu'il auoit rendu l'esprit aux Algonquins; ce que nul autre n'auoit pû

faire deuant luy.

Le sixième estoit vne requeste qu'ils luy presentoient à ce qu'il sit allumer des feux dans toutes les habitations de son gouvernement, afin que toutes les Nations s'y venans chausser en asseurance, puissent escouter sa voix & jouir de son amitié; & en cas qu'il arrive quelque different, qu'il soit l'arbitre des Iroquois, des Hurons & des Algonquins.

Ces presens faits, on ne parla plus que de festins, que de danses, & que de resjouissances publiques: on employa dix iours en ces bals & en ces festes, & puis

nrenuoya le François auec sept Ambassadeurs pour porter ces presens, & pour se resiouir auec les François & auec leurs

alliez sur la paix conclue.

Ces Ambassadeurs estans venus par terre iusques au lac où il se faut embatquer, ne trouverent point leurs canots ou leurs bateaux d'écorces, quelque mécontent ou quelque larron les auoit brisez ou enleuez, si bien qu'ils furent contraints de retourner sur leurs pas, pour pour uoir àleur voyage: ce retour fut vn coup du Ciel, qui nous voulut donner des preuues de la sincerité des Iroquois Annierronnons; car à mesme temps que le François entra dans leur principale bourgade, arriverent quelques Ambassadeurs Sokoquiois deleguez de leur nation pour faire rompre la paix entre les Annierronnons & les Algonquins: l'audience leur estant donnée celuy qui portoit la parole harangua en ces termes: Il y a long-temps que ie vous ay entendu direque les Algonquins estoient vos ennemis irreconciliables, & que vous les haissez au de là du tombeau, en sorte que si vous les pouuioz rencontrer en l'autre vie que vostre guerre seroit eternelle, comme nous sommes vos alliez, nous entrons dans vos palsions & dans vos interests: voila les testes
de quelques-vns que nous auons massacrez, & vn lien que nous vous presentons pour en garoter auec nous autant
qu'il nous sera possible. Là dessus ils presentent les cheuelures des Chrestiens de
S. Ioseph tuez l'Automne derniere, comme i'ay dit au commencement de ce Chapitre, & vn grand collier de porcelaine
qui deuroit seruir de fers pour les mettre
à la cadene.

Les Iroquois respondirent auec indignation: Nous nous estonnons de vostre hardiesse, ou plustost de vostre temerité, vous nous iettez la honte sur le visage, vous nous faites passer pour des sourbes. Onontio auec lequel nous auons traité la paix n'est point vn enfant, si nous vous regardions de bon œil, il auroit sujet de dire, les Annierronnons n'ont pas tué mes alliez, mais bien leurs haches, ie pensois agir auec de vrays hommes, & i'ay traité auec des trompeurs & auec des fourbes.

Ce n'est pas tout, les Algonquins apprenans que les testes de leurs freres sont en nos cabanes couperont celles de nos Relation de la Nouvelle France, compatriotes qui sont en leur pais, voila les desordres de vostre temerité, retirez vous, cachez ces testes, emportez ces liens, comme nous n'auons qu'vn cœur,

nous ne voulons qu'vne langue.

S'il y a de la tromperie dans cette action, elle est plus que tres-raffinée, & il semble que la raison conuie ces peuples à embrasser la paix, Dieu leur a donné vn sentiment que le demon de la guerre qui les auoit toûjours fauorisez, les alloit quitter, la resolution de quelques Algonquins & Hurons qui ayas sur la sin genereusement combatu auoient pris quelques-vns d'eux captifs, soustenoit cette pensée. En second lieu, comme ils sont chasseurs & que la pluspart des animaux sont sur les marches des Algonquins, ils ont vne passion d'en tirer à leur aise & sans crainte: en effet ils ne s'y sont pas épargnez: car on dit qu'ils ont tué plus de deux mille cerfs cét hyuer.

Troissémement, le prisonnier Annierronnon que les Hurons auoient pris proche de Richelieu, & qu'ils auoient emmené en leur pais, estant de retour en sa patrie, a parlé hautement des François; ila fait entendre à ses compatriotes que si

**Onontio** 

Onontio preste la main aux Hurons, le mal-heur tombera sur leurs testes.

Apres tout, le grand Dieu des armées est le seul & vnique autheur de cette paix, ie le prie qu'il en soit le conservateur: nos raisonnemens estoiet trop cours dans vne si grande barbarie, la fureur estoit trop allumée pour estre assonpie ou esteinte par vne conduite humaine, & nous confessons ingenuement que si celuy qui a fait la paix, ne la conserve, nous n'auons pas assez d'industrie pour retenir l'inconstance de ces Barbares dans la fermeté.

I E S V S-C H R I S T Veut sauuer quelques-vns de ces peuples, & enuoye dessa ses precurseurs ou ses auant-couriers, les maladies pestilentielles, les afflictions, & la mort mesme: ce sont des sleaux qui humilient les ames, & qui les sont recourir à celuy qui a la force en main: les Iroquois nous croiront bien-tost, & que les Magiciens causent ces mal-heurs, mais ce seroit vne folie de chercher vn autre chemin, que celuy de la Croix pour faire connoistre les grandeurs du Crucisié.

De la venue de sept Ambassadeurs Iroquois vers les François, et) de leur negociation.

#### CHAPITRE II.

le 22. de Feurier, de cette année prefente 1646. sept Iroquois Annierronnons & deux Hurons, accompagnez du
François dont i'ay fait mention cy-dessus,
parurent à Montreal, apres auoir resiouy
cette habitation, ils descendent aux trois
Riuieres. De là on enuoye donner aduis
à Monsieur nostre Gouverneur de leur
venue: or comme ce chemin s'estoit fait
sur les neiges, & que le froid faisoit encor
rouler les glaces sur nostre grand sleuve,
les Annierronnons s'en allerent à la chasse qui deçà qui delà, en attendant le mois
de May, que Monsieur le Gouverneur
monta en cette habitation.

Le septiéme de ce mois il leur donna audiance: voicy ce qui se passa dans cette

assemblée.

Le plus considerable éleuant sa voix, en-

connavne chanson d'actio de graces: Nous cîtios morts, disoit-il, & nous voila viuans, nous apportions nos testes pour estre sacrifiées aux ombres des Algonquins ou des montagnais qui ont esté massacrez l'Automne dernier, nous doutans bien qu'on nous feroit coupables de cet assassinat; mais Onontio arrestant la cholere des Algonquins, a doné iour à nostre innocence. Là dessus ils tirent vn present, le iettent aux pieds des parens & des alliez des defuncts, disant que c'estoit pour nettoyer la place toute sanglante d'vn meurtre commis par trahison, protestans qu'ils n'en auoient eu aucune connoissance qu'apres le coup donné, que tous les Capitaines du pays auoient condamné cet attentat.

C'est la coustume des peuples de ces contrées, quand quelque personne de consideration parmy eux, est morre, d'essuyer les larmes de leurs parens par quelque present. Ce Capitaine ayant apris à son arriuée la mort autant glorieuse que funeste du Pere Anne de Noue de nostre Compagnie, voulut garder la loy de son pays: il éleue les yeux au Ciel, comme se plaignant de sa rigueur, puis se tournant

vers les robes noires, ietta des brasselets de Porcelaine: voila, dit-il, pour rechausser la place où le froid a fait mourir ce bon Pere: mettez ce petit present en vostre sein pour vous diuertir des pensées qui

vous pourroient atrister.

Ils firent en suite les presens qu'on leur auoit confiez dans leur pays, desquels i'ay fait mention au Chapitre precedent, tesmoignant leur ioye de se voir vnis & alliez des François, des Hurons & des Algonquins, qui sont les trois plus considerables Nations aueclesquelles ils ont traité la paix, toutes les autres estant comprises sous ces trois chefs. Ils firent quelques autres presens aux Hurons, pour leur donner aduis de se tenir sur leurs gardes, dans les chemins, iusques à ce que les hauts Iroquois, les Onontagueronons, les Sonontseronons, & quelques autres eussent les oreilles percées, c'està dire ouvertes à la douceur de la paix.

Bref ils offrirent vne brasse de Porcelaine pour allumer vn seu de coseil aux trois Riuieres, & vn grand collier de trois mille grains pour seruir de bois ou d'aliment à ce seu. Les Sauuages ne sont quasi ausune assemblée que le calumet aucc le petun en la bouche, & comme le feu est necessaire pour prendre le tabac, ils en allument quasi tousiours en toutes leurs assemblées, si bien que c'est vne mesme chose chez eux allumer vn seu de conseil ou tenir vne place propre pour s'assembler, ou vne maison pour s'entreuisiter, comme sont les parens & les amis.

Deux iours apres cette assemblée Monsieur nostre Gouverneur s'accommodant fort prudemment aux façons de faire de ces peuples, sit venir ces deputez: il agist auec eux selon leurs coustumes, les Hurons qui estoient là & les Algonquins, ne

manquerent pas de s'y trouuer.

Le François qui entend la langue Iroquoise, offrit vn present de la part d'Onontio, pour gratuler les Iroquois Annierronnons, & pour marque de l'estime qu'il faisoit de leur nation, d'auoir tenu sa parole.

Il en sit vn autre pour tesmoigner le contentement qu'il receuoit, voyant la terre aplanie & la hache leuée & éloignée des testes des Hurons & des Algonquins: car pour les François leur paix fut faite dés la première entreueuë.

En troisième lieu, on offrit vn collier de

Relation de la Nouvelle France, mille grains de Porcelaine, pour asseurer qu'on tiendroit allumé ce seu de conseil qu'ils auoient demandé aux trois Riuieres, & que le bois n'y manqueroit pas, c'est à dire qu'ils seroient tousiours les bienvenus, & qu'on presteroit l'oreille aux Capitaines qui viendroient pour traiter d'affaires.

On sit vn quatriéme present, pour donner à entendre qu'Onontio desiroit voir le petit François qui seul estoit resté pri-

sonnier en leur pais.

Et vn cinquième, pour faire reuenir sa fille nommée Therese, asin qu'elle preparast du bled d'Inde à leur saçon, pour les festiner, quand ils nous voudroient visiter.

Il a esté souvent par lé dans les Relations de cette sille: c'est vne Huronne, la quelle ayant esté instruite au Seminaire des Vr-sulines, sut prise auec ses parens par les Iroquois, lors qu'ils la remenoient en son pays. Les Meres Vrsulines ne pouvant supporter que cette pauvre petite creature demeurast dans cette captivité éloignée de tous les secours qui luy pouvoient ouvrir les portes du salut, n'ont rien épargné, & ont remué Ciel & terre pour luy procurer sa liberté.

Monsieur nostre Gouverneur approuuant ce grand zele & cette grande charité, n'a perdu aucune occasion de la tirer de cetesclauage, & d'y contribuer de tout

son pouuoir.

Tesouëhat, appellé des Hurons & des Iroquois Ondesson, & des François le Borgne de l'Isle, voyant que nostre Interprete ne parloit plus, entonna vne chanson assez lugubre, puis leuant ses yeux au Ciel pria le Soleil d'estre le spectateur & de seruir de tesmoin de tout ce qui se passoit dans cette action, & de découurir auec sa lumiere, la sincerité de son cœur & de ses intentions. Il entonne derechef vne autre chanson, & puis éleuat sa voix il harangue au nom de tous les Algonquins, dont il portoit la parole. La premiere fut vne protestation que la rupture de la paix ne prouiendroit point de son costé, & pour resmoignage de cette verité, il presente deux robes de peaux d'Elan, adioustant qu'il auoit quelque dessiance des Annierronnos qu'il vouloit banir par ce present.

Le second present sut aussi de deux robes, sur lesquelles se deuoient reposer ces Ambassadeurs, pour se delasser du trauail

de leur chemin.

24 Relation de la Nouvelle France,

Le troisième portoit une humble priere à Onontio à ce qu'il ne marchast point tout seul en asseurance dans les chemins qu'il auoit applanis & frayez; mais que ce bon-heur sut aussi commun aux Algonquins & aux Hurons: en vn mot cet homme dessiant & soupçonneux au possible, auoit peur que les François ne sissent leur paix en particulier, sans se mettre en peine des Sauuages leurs alliez.

Le quatriéme present asseuroit que les Algonquins auoient aussi posé les armes & ietté leurs haches en vne terre incon-

nuë à tous les hommes.

Le cinquiéme demandoit qu'on ne donnast point de fausses alarmes, que la chasse fut libre par tout, que les bornes & les limites de toutes ces grandes contrées fussent leuées, & qu'vn chacun se trou-

uast par tout, dans son pais,

Le sixieme asseuroit les Annierronnons qu'ils pouvoiet librement se venir chauffer au seu qu'Onontio leur auoit allumé, aux trois Rivieres, que les Algonquins & les Iroquois y petunneroient auec plaisir, & que leurs pipes ou leurs calumets ne bruleroient point, c'est à dire que la peur n'y feroit trembler personne. Tous ces

presens estoiet composez chacun de deux robes d'Elan, bien peintes & bien passe-

mentées à leur mode.

Le dernier comprenoit douze de ces belles robes, quatre pour chacune des trois bourgades des Annierronnons, suppliant ces peuples de donner la liberté aux enfans des Algonquins, ou mesme aux grandes personnes qui seroient encor en leur pais, auec asseurance qu'on n'épargneroit point la graisse aux estomacs de ceux qui les rameneroient, & qu'ils trouueroient des onguents pour oindre leur teste : en vn mot il vouloit dire qu'on leur feroit bonne chere, & que leur peine seroit amplement recompensée.

Ces presens acceptez, Kigtsacton principal Ambassadeur des Annierronnons, apostrophant les Hurons, leur sit vn present d'action de graces de ce qu'ils n'au uoient fait aucun mal aux prisonniers Annierronnons qu'ils auoient pris l'an passé: il leur dist comme par parenthese, qu'ils eussent bien fait de distribuer ces prisonniers aux autres nations Iroquoises leurs alliées, qu'ils les auroient obligées par cette dessernce d'entrer das vne paix vniuerselle, qu'auec le temps on pourroit

26 Relation de la Nouvelle France, obtenir ce bon-heur, mais qu'ils se deuoient encor dessier d'eux sur leurs chemins.

Il leur sit vn second present, pour les inuiter à dresser vn festin aux Annierronnons qui les iroient visiter en leur pays comme leurs vrays amis, & que s'ils tardoient quelque temps, qu'ils mangeassent ce qu'ils auroient preparé, à condition de remettre incontinent le pot au seu de peur d'estre surpris, puisque l'on se disposoit à ce voyage.

Le treizième du mesme mois de May Monsseur nostre Gouverneur traita ces Deputezen la cabane d'vn Capitaine Algonquin; on seur porta deux paroles par deux presens, la premiere n'estoit qu'vn remerciement de ce qu'ils n'auoient pas voulu accepter les testes ou les cheueleu-

res de ses alliez par les Sokoquiois.

La seconde leur significit qu'il auoit resolu d'enuoyer deux François en seur païs,
& qu'ils pouuoient partir dans trois iours.
Ce qui sit resoudre les Algonquins de
leur donner deux de seur nation pour
estre de la partie.

La conclusion de ces assemblées se faisoit tousiours auec des resiouissances publiques, mais ceux qui penetroient plus auant que l'écorce, admiroient la conduite de Dieu, & luy donnoient mille benedictions de ses bontez: car il faut auoüer qu'à luy seul appartient de donner le poids aux vents, de changer le poison en medecine, la maladie en la santé, la mort en la vie, & la fureur de la guerre en la douceur de la paix. Sa bonté vueille accorder cette benediction à nostre France.

De l'heureuse mort du Pere Anne de Noise, et du Pere Enemond Masse.

CHAPITRE III.

DV 1 s que dans le Chapitre precedent nous auons fait mention de la mort du Pere de Noue, nous en parlerons icy plus au long; & tout ensemble de celle du Pere Masse, arriuée cette mesme année. L'vne des grandes faueurs que Dieu ait faite aux saincts Apostres & aux saincts Martyrs, a esté de les ietter dans les occasions, & comme dans vne heureuse

28 Relation de la Nouvelle France, necessité d'agir & de soussir fortement pour leur Maistre; les deux Peres dont ie vay parler, semblent auoir participé à cette benediction.

Le 30. de Ianuier de cette presente année 1646, le Pere Anne de Noue partit de la residence des trois Rivieres, en la compagnie de deux soldats & d'vn Huron pour s'en aller à Richelieu, éloigné de douze lieuës des trois Rivieres, pour dire la Messe & pour administrer les Sacremens de Penitence & de l'Eucharistie aux François qui sont là. Toutes les riuieres & tous les lacs n'estoient qu'vne glace, & la terre estoit couverte par tout de trois ou quatre pieds de neige à son ordinaire, pendant l'hyuer. Ce bon Pere & ses compagnons marchans sur des raquettes pour ne point enfoncer dans les neiges, ne firent que six lieues la premiere iournée, & encor auec bien de la peine: car jaçoit que les raquettes soient vn soulagement, elles ne laissent pas d'estre comme des entraues à ceux qui n'en ont pas vn si grand vsage.

Ils se bastirent vne petite maison dans la neige, abriée des arbres & couuerte du Ciel, pour passer la nuich. Le Pere ayant remarqué que les deux soldats qui l'ac-

compagnoient pour estre nouveaux dans le pais, audient bien de la peine de marcher auec des pieds bridez, & de traisner encor auec cela tout leur bagage apres eux, se leuc enuiron les deux heures apres minuit pour gagner le deuant & donner aduis aux soldats de Richelieu de venir secourir leurs camarades. Cette charité luy a osté la vie, heureux martyre de mourir des mains de la charité l'il quitte sa compagnie, luy donne aduis de suiure ses pistes, l'asseurant qu'on les viendroit bientost secourir, il ne prit ny son fusil pour battre du feu, ny sa couuerture, ny autres viures qu'vn peu de pain & cinq ou six pruneaux, qu'on a encor trouué sur luy apres sa mort. Il faut porter en ce payscy, les hostelleries auec soy, c'est à dire son lict & ses viures, pour la maison, on la trouue par tout où la nuit se rencontre.

Comme cét homme de feu marchoit sur les glaces du Lac sainct Pierre qui se rencontre entre les trois Riuieres & Richelieu, n'ayant pour guide que son bon Ange & la clarté de la Lune, le Ciel se couurit, & les nuées luy dérobant son flambeau, se changerent en neige, mais si abondante que les tenebres de la nuit

30 Relation de la Nouvelle France, tousiours affreuses, l'estoient au double; on ne voyoit ny les bords du Lac, ny les Isles dont il est parsemé en quelques endroits. Le pauure Pere n'ayant point de bousole ny de quadran pour se guider, s'égara'; il marcha beaucoup & auança peu. Les soldats qu'il auoit quittez, se leuant pour se mettre en chemin, furent bien estonnez quandils ne virent point les traces ou les vestiges du Pere, la neige qui estoit tombée de nouveau les avoit dérobé; nesçachant quelle route tenir, l'vn d'eux qui auoit esté vne seule fois à Richelieu, tire vn quadran & se guide à peu prés sur le rumb ou rayon de vent sur lequel il le croyoit estably: ils cheminent tout le iour, sans qu'on leur vienne au secours; enfin recrus du trauail, ils passent la nuit dans l'Isle de S. Ignace, non pas bien loin du lieu où estoit le Pere, mais ils n'ensçauoient rien; le Huron plus fait à ces fatigues que les François, se reconnoissant, donne iusques à Richelieu, il demande si le Pere n'est point arrivé, on dit que non, le voila bien estonné, & le Capitaine de cette place encor plus, apprenant qu'il estoit party si matin pour faire seulement six lieues; comme il estoit nuit; on attend au lendemain matin pour enuoyer au deuant de luy, les soldats de la garnison courent, ils le cherchent du costé Sud, & il estoit du costé du Nord; ils crient, ils appellent, ils tirent des coups d'arquebuses, mais en vain, le pauure Pere estoit bien loin de là; pour les deux soldats qu'on attendoit, le Huron ayant dit le lieu où ils estoient, furent bien-tost trouvez & amenez au fort, tout ce iour se passa à courir deçà & delà, à crier, & à chercher, sans rien trouver

Enfin le 2. iour de Feurier, vn soldat assez adroit prend deux Hurons de quatre qui se trouuoient pour lors en cette habitarion, il s'en va chercher le giste où le Pere & ses compagnons auoient passéleur premiere nuit, l'ayant trouué, ces Hurons bien versez à demesser les pistes cachées sous la neige, suiuent les traces du pauure Pere, remarquant les tours & les destours qu'il auoit fait, trouvent le lieu où il auoit passé la seconde nuit depuis son depart; c'estoit vn trou dedans la neige, au fonds duquel il auoit mis quelques branches de sapin sur lesquelles il auoit pris son repos, sans feu, sans maison, sans couuerture, n'ayant qu'vne simple sotan-

32 Relation de la Nouvelle France, ne & vne vieille camisolle. Comme ce lieu n'est pas bien frequenté des François, le Pere ne s'y pût reconnoistre, de là il trauerse la riviere devant l'habitation de Richelieu qu'il n'apperceut point, soit qu'il neigeast fort, ou que le trauail & les neiges luy eussent affoibly la veuë. Ce soldat suivant tousiours les pistes que les Hurons découuroient, vid au Cap nommé de massacre à vne lieuë plus haut que Richelieu, vn endroit où ce bon Pere s'estoit reposé, & trois lieuës plus haut vis à vis de l'Isle platte & la terre-ferme, entre deux petits ruisseaux, ils trouuerent son corps à genoux tout roide & engelé sur la terre qu'il auoit découuerte, en ayant vuidé la neige en rond ou en cercle, son chapeau & ses raquettes estoient auprés de luy, il estoit panché sur le bord de la neige releuée: il est croyable qu'ayant expiré à genoux, le poids de son corps l'auoit fait pancher sur cette muraille de neige, il auoit les yeux ouuerts regardant vers le Ciel le lieu de sa demeure, & les bras en croix sur la poitrine. Le soldat le voyant en cette posture, tou-

ché d'vn sainct respect, se iette à genoux,

fair sa priere à Dieu, honore ce sacré de-

post, entaille vne croix sur l'arbre le plus proche, enueloppe ce corps toutroide & tout glace das vne couverture qu'il avoit portée, le met sur vne traisne & le conduit à Richelieu, & de là aux trois Riuieres: il croit qu'il rendit l'ame le jour de la Purification de la Vierge, à laquelle il auoit vne deuotion tres-particuliere. Il ieusnoit tous les Samedis en son honeur, recitoit tous les jours yn petit office pour honorer son immaculée Conception, il ne parloit d'elle qu'auec vn langage tout de cœur: il est croyable que cette grande & tres-sidelle Maistresse luy a obtenu cette mort si purisiante, si saincte & si éloignée de tous les secours de la terre, pour le receuoir plus hautement au Ciel.

Les soldats de Richelieu & les habitans des trois Rivieres, ne sçauoient à qui donner leur cœur, ou à l'admiration d'vne si heureuse mort, ou à la tristesse, se voyans privez d'vn homme qui estoit tout aux autres & rien à soy. Il sut enterré avec le concours de tous les François & de tous les Sauvages qui estoient aux trois Rivieres. Quelques ames vicerées ne purent cacher plus long-temps leurs playes à la veue de ces sainctes dépoüilles, ils se vinrent

Relation de la Nouvelle France, confesser au plustost, disans qu'il leur sembloit que ce bon Pere les en pressoit; d'autres ne pouuoient prier pour luy, mais bien se recommander à ses prieres.

En vn mot cette belle mort est le terme d'vne saincte vie : ce bon Pere estoit fils d'vn honneste Gentil-homme Seigneur de Villers en Priere, ou pour mieux dire, en Prairie, qui est vn Chasteau & vn village ou vn bourg distant six ou sept lieuës. de la ville de Rheims en Champagne; En sa ieunesse il fut fait Page, & se trouuant en la Cour il fut sollicité par des courtisanes pour sa beauté, mais sa bonne Maistresse le conserua vierge trente ans dans le monde, & trente-trois ans en Religion; il estoit rude & seuere en son endroit, tout de cœur pour les autres; les choses les plus basses & les plus viles luy estoient grandes & releuées, & tout ce qui est dans l'éclat luy sembloit remply de tenebres: il a trauailléseize ans en la Mission de la nouuelle France tousiours auec courage, toûjours auec ferueur, & tousiours dans vne profonde humilité. Comme il vid que sa memoire ne luy permettoit pas d'apprendre les langues, il se donna & dedia tout entierement au seruice des pauures Saubaissant auec vne ardeur nompareille aux offices les plus rudes & les plus raualez. Nos François & nos Peres s'estans rencontrez certain temps dans vne grande necessité de viures, il alloit chercher des racines par les bois: il apprit si bien à pescher qu'il soulageoit toute vne maison par son trauail, autant innocent que charitable.

Il estoit extremement delicat en l'obeissance, quelque empressement qu'il eut dans les affaires occurrentes, quelque difficulté qui se presentast à ses yeux, il estoit prest de tout quitter & de tout embrasser à la voix de son Supérieur, sans examiner son pounoir ou son industrie, desirant que la seule voloté de Dieu donnast le branle à ses actions, rebutant ie ne sçay quelle prudence qui à force d'ouurir les yeux aux raisons trop humaines, les ferme à la beauté de l'obeissance, que s'il choquoit tant soit peu cette vertu, on luy voyoit à l'âge de soixante ans, des larmes & des tendresses d'vn ieune enfant, qui auroit desagrée en quelque chose à fon perc.

Quelqu'vn le voyant entrer dans la ca-

36 Relation de la Nouvelle France, ducité, luy proposa de retourner en France pour y passer plus doucement sa vieillesse: Ie sçay bien, repartit-il, que la Mission est chargée & que le tiens la place d'vn bon ouurier, ie suis prest de la soulager & d'obeir en tout; mais ie serois bien aise de mourir dans le champ de bataille: ce n'est pas que ie n'approuue la charité de ceux qui se voyans infirmes ou trop âgez pour apprendre à parler Sauuage, font place à quelque bon ouurier Euangelique. Mais pour moy iesenscette inclination d'employericy ma vie au seruice des pauures Sauuages, & de ceux qui les couertissent, & au secours que ie peux rendre aux François. Cette benediction luy a esté accordée, le desir de souffrir a fait de son corps vne victime, l'obeissance l'a égorgé, & la charité en a fait vn holocauste qu'elle a brûlé & consommé en l'honneur de son Dieu, qui seul auec ses Anges fut spectateur de ce grand sacrisice; A tant du Pere de Noue.

Pour le Pere Enemond Masse, il estoit natif de la ville de Lion; il entra en nostre Compagnie à l'âge de vingt ans, il y a trauaillé cinquante-deux, en suite desquels il est mort le douziesme de May de cette presente année, en la residence de S. Ioseph, âgé de 72. ans. Il s'est trouué dans vne grande varieté de temps & d'occupations bien differentes, mais rien n'a paru dans le cours de sa vie, que l'ardeur qu'il auoit de souffrir dans les Missions estrangeres: c'est ce desir qui le sit entrer en nostre Compagnie; ayant receu les Ordressacrez, on le donna pour compagnon au R. P. Pierre Coton, Confesseur pour lors & Predicateur du Roy Henry le Grand Le zele de conuertir les Sauuages luy faisoit preferer leurs grandes forests à l'air de la Cour, il pressa auec tant d'amour qu'enfin il fut enuoyé en l'Acadie, auec le P. Pierre Biart. Ils s'embarquerent à Dieppe l'an 1611. & furent les deux premiers de tous les Ordres Religieux qui entrerent dans cette partie de l'Amerique, qui porte le nom de la Nouuelle France. Il n'est pas croyable combien ces deux pauures Peres souffrirent en ce nouveau monde: le gland fut quelques mois leur nourriture, ceux qui les deuoient proteger, les couuroient d'iniures; ils furent emprisonnez & calomniez par ceux-là mesmes ausquels ils rendoient tous les deuoirs d'amour & de charité;

Relation de la Nouvelle France, l'vn des principaux d'entre ceux qui les ont mal traitez, mourant par apres sans le secours d'aucun Ecclesiastique, disoit auec regret & auec douleur, qu'il payoit bien rudement les tourmens qu'il auoit

fait souffrir à ces pauures Peres.

S'estans écartez de cette habitation, vn pirate Anglois les prit, & les ayant pillez, les amena dans son vaisseau; ce nauire estant contraint d'entrer dans vn port Catholique, fut pris pour vn ecumeur de mer, les Officiers de la marine y entrent, le visitent, vue seule parole de ces deux prisonniers eut fait prendre le vaisseau & pendre tous les nautonniers; mais non seulement ils ne parlerent point, mais se cacherent si bien qu'ils ne furent iamais apperceus; quand les visiteurs estoient d'vn costé, les Peres se glissoiet de l'autre; les Heretiques voyant cette action s'écrierent tout haut qu'ils auroient fait vn grand crime de tuer ces deux Innocens, comme ils l'auoient pensé faire, quand la tempeste les ietta dans ce port habité par des Catholiques.

Ausortir de là, ces pirates se retirent en Angleterre, où ils furent accusez de quelques vols; mais eux ayant esprouue la bonté de leurs prisonniers, ils les produisirent pour tesmoins, les Peres asseurent qu'ils n'auoient point veu commettre l'action dont on les blasmoit.

Enfin ils repasserent en France en l'equipage de deux pauures gueux tout delabrez, le Pere Enemond Masse ayant veu le pays de la Croix & les pauures Sauuages sans secours, ne pouuoit viure. Son corps estoit en l'ancienne France, & son cœur en la nouvelle; voyant que les portes luy estoient fermées du costé de la terre, il prendle chemin du Ciel, commè le plus seur en toutes bonnes entreprises. Il appelle les Croix & les souffrances de ce nouveau monde sa Rachel, & dit que pour la rauoir, il s'en va seruir Dieu aussi fidellement & aussi long-temps que lacobseruit Laban, & pour mieux affermir ses resolutions, il les escriuit dans vn papier qu'on a veu & leu à son deceu. En voicy les principaux articles.

chel, à combien plus forte raison dois-ie seruir mon cher Maistre deux fois 7: ans pour la nouvelle France, mon cher Canadas, embelly d'une grade varieté de Groix tres aymables & tres-adorables y n si

grand bien, vn si grand employ, vne vocation si sublime: en vn mot, le Canadas & ses delices qui sont la Croix, ne se peuuent obtenir que par des dispositions conformes à la Croix, c'est pour quoy il se faut resoudre à garder inviolablement ce qui suit,

1. Iamais ne coucher que sur la dure, c'està dire sans draps, sans mattelas, sans paillasse, il en faut neantmoins auoir en sa chambre pour n'estre veu que des yeux,

ausquels on ne se peut cacher.

2. Ne porter point de linge, sinon au

col.

3. Ne dire jamais la saincte Messe sans estre reuestu d'une haire : ces armes te se-ront souuenir de la Passion de ton Maistre, dont ce Sacrifice est le grand memorial.

4. Prendre tous les jours la discipline.

Toutes les fois que tu disneras sans auoir fait au prealable ton examen de conscience, quelque empeschement d'affaires que tu ayes, tu ne mangeras qu'vn dessert comme on peut faire à la collation és iours de seusnes.

6. Tune donneras iamais à ton goust ce

qu'il appeteroit par delices.

en l'année 1646.

7. Tu ieusnerastrois sois la semaine sans que personne s'en apperçoiue, sinon celuy qui en doit auoir connoissance; comme tu ne prends ordinairement ton repas qu'à la seconde table, tu peux facilement cacher ces petites mortifica-

tions.

8. Si tulaisses sortir de ta bouche quelque parole qui choque tant soit peu la charité, tu ramasseras secrettement aucc ta langue les crachas & les slegmes sortis

de la bouche d'autruy.

Voila les brebis que gardoit ce Iacob pour espouser la belle Rachel, voila la monnoye auec laquelle il a achepté les Croix de la nouuelle France; Dieu ne pût resister à tant de desirs, ny éconduire vne si fidelle perseuerance, il fut renuoyé en Canadas l'an 1629, il y trouua sa Rachel, c'està dire les Croix en abondance, les vaisseaux manquans de venir, la famine accueillit les François qui estoient en ce pays cy. C'est en ce temps-là que le Pere Enemond Masse & le Pere Anne de Noue son compagnon cherchoient des racines pour conseruer leur vie, & qu'ils se firent l'vn Iardinier & Laboureur, & l'autre Pescheur & Bucheron, pour pouuoir subsister en ce bout du monde, où les ames ont cousté aussi cher à I E s y s-Christ, que les ames des Princes &

des Monarques.

La fin de cette Croix fut le commencement d'vne autre. Vn François Anglisé ayant pris Kebec sit repasser ce pauvre Pere en France; que sera-il : tous ces rebuts seront-ils pas capables de luy oster la pensée & l'amour d'vne Rachel qui luy auoit paru si belle & qui estoit si laide, si dissorme, & si affreuse: Les yeux & les esprits des hommes sont bien disserents: ce que l'vn appelle grandeur, l'autre l'appelle bassesse ces rigueurs estoient la douceur & la beauté de sa Rachel: le poltron suit sentant les coups, & le bon soldat s'anime à la veue de son sang.

banny dans son pays natal, fait vne promesse & vn vœu à Dieu tout solemnel de faire tous ses essorts pour mourir en la Croix de la nouvelle France. Dieu est le plus grand guerrier du monde, l'amour neantmoins & la perseuerance le desarment, le Pere emporta ce qu'il demandoit, il rentre dans son pays de benediction l'an 1633, il y meurt l'an 1646, tout Sauuages, au salut desquels il auoit consacré toute sa vie & tous ses trauaux; il receut tous les Sacremens de l'Eglise, &
donna des preuues à sa mort de la tendresse qu'il auoit pour sa saincte Maistresse: car ne pouuant pour son extreme debilité ny parler, ny ouurir les yeux, ny se
mouuoir qu'auec de grandes peines, si tost
qu'on luy parloit de la saincte Vierge ou
de son cher Epoux S. Ioseph, il donnoit
des indices que cela luy agreoit extremement, priant qu'on luy donnast souuent
cette douce nourriture, & ce restaurant
qui le faisoit viure.

Ceux qui l'ent connu plus particulierement, ont remarqué en luy deux ou trois choses fort notables: il auoit vn naturel vis, prompt, & ardent; ce luy sut vn exercice de vertu tout le cours de sa vie; cette ardeur donoit vn seu & vne promptitude admirable à son obeissance & à sa charité, & les cheutes qu'il faisoit par fragilité, engendroient dans son ame vne profonde humilité & vn si grand mépris de soymesme, qu'il se reputoit moins qu'vn chien, quand la nature luy faisoit faire quelque saillie. Il naquit auec l'amour de

14 Relation de la Nouuelle France, la mortification: car des sa petite ieunesse il faisoit du mal à son corps, notamment quand quelque petit bouillon de cholere vouloit échausser son cœur.

Ayantoüy parler des trauaux du grand saince François Xauier dans les Indes, il cut quelque pensée de répandre son sang, ou du moins d'employer sa vie en quelque pays estranger pour le salut des ames. Cette pensée se change en desir, ce desir en resolution, cette resolution croissant auec l'âge, luy sit demander l'entrée en nostre Compagnie, en laquelle il fut admis; mais comme il auoit la veue extremement foible, on parla de le renuoyer de la maison de probation: cela l'épouuente, il a recours à sa saincte Mere, la coniure auec vne simplicité d'enfant de luy donner vne marque de la volonté qu'elle a de sa perseuerance en la Compagnie, il prie auec ardeur, prend vn Liure, l'ouure, lit sans difficulté les plus petits caracteres; cela le console & le surprend, & efface de l'esprit de ses Superieurs la pensée de le réuoyer. Comme c'est l'vne des espreuues que nostre Compagnie prend de ceux qui s'y veulent enrooller, de les enuoyer en quelques pelerinages demandans l'aumosne,

en l'année 1646.

le bon Enemond Massey fut enuoyé aussi bien que les autres, auec les desirs du mépris & des peines qui accompagnent cette espreuue. Or il luy arriua dans son pelerinage qu'vn Ecclessastique de pieté & de condition le receut & ses compagnons aussi, auec des tesmoignages d'vn respect & d'vn amour extraordinaire : luy qui ne cherchoit que le mépris & la Croix fut d'abord saisi de crainte, s'imaginant que les rebuts du monde deuoiet estre la marque de l'vnion qu'il vouloit auoir auco Dieu, il rentre dans sa simplicité ordinaire, a recours à la saincte Vierge, la coniure de changer les caresses de cet honneste homme en des froideurs, & sa charité en des rebuts, & qu'il prendroit ce changement pour vn signe de sa perseuerance en la compagnie de son Fils: cette priere peut-estre moins discrete & moins reglée qu'innocente, fut ouve de la saince Vierge: les paroles tarissent en la bouche de cet homme, son feu se change en glace, il renuoye ces pelerins par procureur sans leur ietter aucun regard. Depuis ce temps ce bon Nouice se tint asseuré de sa perseuerance au seruice de son Seigneur & de sa bonne Maistresse, laquelle luy a fait vn

present tres-particulier & tres-rare de la pureté. Les Peres qui l'ont frequenté & communiqué plus intimement, asseurent que iamais il n'a ressenty aucune rebellion en la chair. Ceux qui combattent & qui domtent cet aiguillon, come S. Paul, ne sont pas moindres, mais il faut auouer que c'est vne grande douceur d'estre de liuré de l'importunité de ces mouches d'Enfer.

Si sa pureté sut grande, sa charité ne sut pas moindre: elle le sit scieur d'aix & charpentier de nauire, auec le Pere Biart son compagnon, ils sirent des planches & bassirent vne chaloupe ou vn batteau pour aller pescher de la moluë, asin de secourir l'habitation où ils estoient pressez d'vne extreme necessité. Ce bon Pere a fait toute sorte de mestiers, mais notamment celuy auec lequel on gagne le Paradis: il a si bien couru qu'il a emporté le prix ou la couronne, il a nauigé si heureusement, qu'il est ensin arriué mal-gré toutes les tempestes, au port d'vne glorieuse eternité.

De la Mission des Martyrs commencée au pays des Iroquois.

## CHAPITRE IV.

V'AND ie parle d'vne Mission aux Iroquois, il me semble que ie parle d'vn songe, & neantmoins c'est vne verité: c'est à bon droit qu'on luy fait porter le nom des Martyrs: car outre les cruautez que ces Barbares ont desia fait souffrir à quelques personnes amoureuses du salut des ames, outre les peines & les fatigues que ceux qui sont destinez à cette Mission doiuentencourir, nous pouuons dire auec verité qu'elle a desia esté empourprée du sang d'vn Martyr:car le Frãçois qui fut tué aux pieds du Pere Isaac Iogues, perdit la vie pour auoir fait exprimer le signe de nostre creance à quelques petits enfans Iroquois: ce qui choqua tellement leurs parens, que s'imaginant qu'il y pouuoit auoit quelque sort dans cette action, ils en firent vn crime & vn martyre tout ensemble.

48 Relation de la Nouvelle France,

Adioustez que s'il est permis de coniecturer en des choses qui donnent de
grandes apparences, il est croyable (si cette entreprise reussit) que les desseins que
nous auons contre l'empire de Satan pour
le salut de ces peuples, ne porteront point
leurs fruicts qu'ils ne soient arrousez du
sang de quelques autres Martyrs. Le dessein toutes sois principal de cette denomination, est que cette Mission soit assistée
du credit & saueur de ces sainctes & sacrées victimes qui ont l'honneur d'approcher de plus prés l'Agneau & de le suiure
par tout: mais entrons en discours.

Monsieur nostre Gouverneur ayant resolu d'enuoyer deux François au pays des
Annierronnons, pour leur porter sa parole & pour leur tesmoigner sa ioye & son
contentement sur la paix heureusement
conclue. Le Pere Isaac Iogues luy sut presenté pour estre de la partie, comme il
auoit desia acheté la connoissance de ces
peuples & de leur langue auec vne monnoye plus precieuse que l'or & que l'arget,
il sur bien tost acceptés, les Iroquois l'agréeret, & suy qui auoit soustenu le poids
de la guerre, n'estoit pas pour reculer dans
la paix. Il sur bien aise de sonder leur amitiés

tié, apres auoir éprouué la rage de leur inimitie : il n'ignoroit pas neantmoins l'inconstance de ces Barbares, la difficulté des chemins luy estoit presente, comme à vn homme qui l'auoit experimentée, il voyoit les dangers où il se iettoit: mais qui ne risque iamais pour Dieu, ne sera iamais gros marchand des richesses du Ciel. Il fut plustost prest qu'on ne luy eut fait la proposition. Monsieur le Gouverneur iugea à propos d'enuoyer de plus le sieur Bourdon habitant du pays, qui monstra d'autant plus de courage pour le bien public, qu'il abandonna sa famille, pour se ietter dans des hazards qui ne sont iamais petits parmy ces Barbares.

Les Algonquins voyant qu'vn Pere s'embarquoit, luy donnent aduis de ne point parler de la Foy de prime-abord: car il n'y a rien, disoient-ils, de si rebutant au commencement que nostre doctrine, qui semble exterminer tout ce que les hommes ont de plus cher, & pource que vostre longue robe préche aussi bien que vostre bouche, il seroit à propos de marcher en habit plus court. Cét aduis sur écouté, & l'on crût qu'il falloit traiter les malades en malades, & se se comporter par

my les impies comme on fait parmy les heretiques, qu'il falloitse faire tout à tous, pour les gagner tous à les vs-Christ.

Ils partirent le 16. de May des trois Riuieres, & le 18. veille de la Pentecoste, ils
s'embarquerent à Richelieu sur la riuiere
des Iroquois: ils estoient conduits par
quatre Iroquois Annierronons, deux icunes Algonquins les accompagnoiet dans
leur canot particulier chargé des presens
qu'ils alloient faire pour la confirmation
de la paix. Le Sainct Esprit auquel est dedié le plus grand bourg des Iroquois, la
feste duquel s'alloit commencer en l'Eglise, au moment de leur depart, leur donnoit dessa vn auant-goust du bon-heur
de leur voyage.

Ils arriverent la veille du S. Sacrement au bout du lac qui est ioint au grand lac de Camplain. Les Iroquois le nomment Andiatarocté, comme qui diroit là où le lacse ferme. Le Pere le nomma le lac du

S.Sacrement.

Ils le quitterent le iour de cette grande Feste, poursuiuans seur chemin par terre auec de grandes fatigues : car il falloit porter sur leur dos seurs pacquets & leur bagage, les Algonquins surent conen l'année 1646.

trains d'en laisser sur le bord de ce lac vne

grande partie.

A six lieues de ce lac, ils passerent vne petite riuiere que les Iroquois appellent Oiogué, les Hollandois qui sont placez dessus, mais plus bas, la nomment Riuier

van Maurice.

Le premier jour de Iuin, leurs guides accablez sous leur faix & sous le trauail, quitterent le chemin qui conduit à leurs bourgs, pour passer par vn certain endroit appellé en leur langue Ossaragué: ce lieu (au rapport du Pere) est fort remarquable pour la pesche d'vn petit poisson gros comme le harang. Ils esperoient trouuer là quelque secours: en effet on leur presta des canots pour porter leur bagage iusques à la premiere habitation des Hollandois, éloignée de cette pesche d'enuiron dix-huict ou vingt lieuës.

Dieu a vne conduite toute pleine d'amour: sa bonte sit faire ce destour pour donner quelque secours à la pauure Therese, jadis Seminariste des Vrsulines: ils la rencontrerent en cet endroit. Le Pére luy rafraichist la memoire de son deuoir, & la confessa, aucc vne grande satisfa-

ation de son ame.

52 Relation de la Nouvelle France,

Le 4. de Iuin, ils mirent pied à terre à la premiere habitation des Hollandois, où ils furent Fort bien receus par le Capitaine du fort d'Orange : ils en sortirent le seiziéme du mesme mois, accompagnez & søulagez des Iroquois qui se trouuerent en ce quartier là. Le lendemain au soir ils arriverent en leur premiere bourgade appellée Oneugieré, jadis Osserrion. Là il fallut demeurer deux iours pour estre considerez & bien-veignez de ces peuples qui venoient de toutes parts pour, les voir: ceux qui auoient autresfois maltraité le Pere, n'en faisoient plus aucun femblant, & ceux que la compassion naturelle auoit touchez à la veuë de ses tourmens, receuoient vne ioyesensible de le voir dans vne autre posture, & dans vn employ considerable.

Le 10. de Iuin, honoré par la feste de la saincte Trinité, il donna ce nom Sacro-sainct à cette bourgade. Il se sit à mesme temps vne assemblée generale de tous les principaux Capitaines & des anciens du pays: là surent exhibez les presens que le sieur Bourdon portoit auec le Pere: là se trouverent aussi les deux Algonquins

qui les accompagnoient.

Le silence fait, le Pere expose la parole d'Onontio & de tous les François, marquée par les presens, dont l'ay donné l'explication au Chapitre precedent: il tesmoigne la ioye qu'on a receuë à la veuë des Ambassadeurs, & le contentement de tout le monde pour la conclusion de la paix entre les François, les Iroquois, les Hurons & les'Algonquins: il asseure que le feu de conseil estalluméaux trois Riuieres, il presente vn collier de 5000. grains de Porcelaine, pour briser les liens du petit François captif en leur pais,& autant pour la deliurance de Therese: il les remercie de ce qu'ils auoient refusé les testes des montagnais ou des Algonquins massacrez par les Sokoquiois. Il sit en particulier yn present de 3000. grains de Porcelaine à l'yne des grosses familles des Annierronnons répandue dans leurs trois bourgades, pour tenir vn feu tousiours allumé, quand les François les viendroient visiter.

Sa harangue fut bien écoutée & les presens tres-bien receus, il patla en suite pour les Algonquins, qui n'auoient pas connoissance de la langue Iroquoise, & qui estoient vn peu honteux pour le defaut d'vne grande partie de leurs presens: car de 24. robes de peaux d'Elan, ils en auoiet laissé 14. en chemin, comme nous auons remarqué, le Pere les excusa sur la blesseure de l'vn de ces deux ieunes hommes, sur la pesanteur du fardeau, & sur la dissi-culté des chemins: il ne laissa pas de donner le sens de toutes ces paroles, de specifier tous ces presens, en sorte que l'assemblée en sur satisfaite; si bien que par apres les Iroquois respondirent par deux presens qu'ils sirent aux Algonquins, & en enuoyerent deux autres aux Hurons.

Pour ce qui concernoit Onontio & les François, en faueur desquels ils auoient fait la paix auec leurs alliez, ils respondirent auec plus de pompe & auec vn grand

tesmoignage d'affection.

A la demande du petit François, ils tirerent vn collier de 2000 grains: Voila, dirent-ils, le lien qui le tenoit captif, prenez le prisonnier & sa cadene, & en faites selon la volonté d'Onontio.

Pour Therese, qu'ils auoient mariée depuis sa captiuité, ils respondirent qu'elle seroit rendué, si tost qu'elle seroit de retour dans leur pays, & pour tesmoignage de la verité de leur parole, ils offrirent vn famille dont nous auos parlé, qui se nomme la famille des Loups, asseura les Francois par vn beau present de 36. palmes de Porcelaine, qu'ils auroient tousiours vne demeure asseurée parmy eux, & que le Pere en particulier trouueroit tousiours sa petite natte toute preste pour le receuoir, & yn seu allumé pour le chausser: tout cela se sit auec de grands tesmoignages de bienueillance.

Mais quelques esprits dessians ne regardoient pas de bon œil vn petit cossire que le Pere auoit laissé pour asseurance de son retour : ils s'imaginoient que quelque mal-heur suneste à tout le pais estoit renfermé dans cette cassette : le Pere pour les des-abuser, l'ouurit, & seur sit voir qu'il ne contenoit autre mystère que quelques petits besoins dont il pourroit auoir af-

faire.

Ie m'oubliois quasi de dire que le Pere ayant remarqué dans l'assemblée quelques Iroquois du pais des Onondaëron-nons, il leur sit publiquement vn present de 2000. grains de Porcelaine, pour leur faire entendre le dessein qu'auoient les François de les aller voir en leur pais, &

36 Relation de la Nouvelle France, que par auance il leur faisoit ce present, afin qu'ils ne fussent point surpris à la veuë de leurs visages. Qu'au reste les François auoient trois chemins pour les aller visiter, l'vn par les Annierronnons, l'autre par le grand Lac qu'ils nomment Ontario, ou Lac de S. Louys; le troisième par le pays des Hurons. Quelques-vns des anciens firent paroistre de la surprise à cette proposition, il faut, dirent-ils, prendre le chemin qu'a frayé Onontio, les autres sont trop dangereux: on n'y rencontre que des gens de guerre, des homes peints & figurez par le visage, des masses & des haches d'armes qui ne demandent qu'à tuer, que la voye qui conduit en leur pais estoit maintenant toute belle & toute applanie, & bien asseurée; mais le Pere poursuivit sa pointe, ne croyant pas qu'il fut à propos de dépendre des Annierronnons, pour monter dans les Nations plus hautes il mit son present entre les mains des Iroquois, qui promirent en presence des Onondaëronnons de l'aller presenter aux Capitaines & aux anciens de leur pays. Voila comme les affaires publiques se terminerent, dans lesquelles le Pere ne s'oublioit pas des plus sécretes & des plus imChrestiens qui sont encor là, les instruisit & seur administra le Sacrement de Penitence, il sit souvent la ronde par les cabanes, visitales malades, & enuoya au Ciel par les eaux du Baptesme quelques pau-ures creatures mourantes, mais des riches

predestinez.

Apres toutes ces assemblées les Annierronnons pressert le depart des François, disans qu'vne troupe d'Iroquois d'enlaut estoit partie pour attendre au passage les Hurons qui deuoient descendre aux François, & que ces guerriers tireroient de là à Montreal pour venir passer deuant Richelieu, & remonter en leur pais par la riviere des Iroquois: Nous ne croyons pas, disoient ils, qu'ils vous fassent aucun mal quand ils vous rencontreront, mais nous craignons pour les deux Algonquins qui sont auec vous.

Le Pere leur dist là dessus fort à propos, qu'il s'estonnoit comme ils permettoient à ces hauts Iroquois de descendre dans leur district, & de venir faire la guerre dans leurs limites, descendans les sauts & les cheutes d'eau qui estoient du ressort & dans les marches des Annierronnons.

Nous leur en auons donné aduis, respondent-ils. Quoy donc, siele Pere, méprisent-ils vostre parole ! ne voyez-vous pas qu'on vous imputera tous les desordres qu'ils pourroient commettre? Ils ouurirent les yeux à cette raison, & promirent d'y apporter vn remede efficace.

Pour conclusion, le Pere, nos François & leurs guides partirent du bourg de la saince Trinité, le 16. de Iuin, ils cheminerent quelques iours par terre, non sans peine: car il faut faire comme les cheuaux d'Arabie, porter ses viures & son bagage, les ruisseaux sont les hostelleries qu'on rencontre. Estans arrivez sur le bord du Lac du S. Sacrement, ils sirent des canots ou de petits batteaux d'écorces, dans lesquels s'estansembarquez, ils ramerent & voguerentiusques au 27. du mesme mois de Iuin, qu'ils mirent pied à terre à la premiere habitation des François située sur la décharge de la riuiere des Iroquois dans le grand fleuue de.S. Laurens.

Voila le commencement d'vne Mission qui doit donner de l'ouuerture à quantité d'autres parmy des Nations bien peuplées. Si ces chemins sont parsemez de Croix, aussi sont-ils tous remplis de miracles: car il n'y a point d'industrie ny de puissance humaine qui ait pû changer la face des affaires si soudainement, & nous tirer du dernier desespoir où nous estions reduits: il n'y a ny presens ny eloquence qui ait pû conuertir en si peu de temps des cœurs enragez depuis tant d'années: ie ne sçay ce qu'on ne doit point esperer apres ces coups de la main du Tout-puissant, qu'il soit beny au delà des siecles, & au delà de l'eternité.

Le Pere Isaac Iogues entierement appliqué & affecté à cette Mission, apres auoirrendu compte de sa commission, ne songeoit qu'à renouer vn second voyage, pour s'y en retourner, & sur tout auparauant l'hyuer, ne pouuant souffrir d'estre si long-temps absent de son épouse de sang. Ensin il sit si bien qu'il en trouua l'occasion sur la fin de Septembre, & partit des trois Riuieres le 24. de ce mois, en compagnie d'vn ieune homme François & de quelques Iroquois, & autres Sauuages; nous auons appris qu'il auoit esté abandonné en chemin de la pluspart de ses compagnons, & qu'il continuoit son voyage: il va à dessein d'y passer l'hyuer, & dans routes les occasions qui se presenceront, ménager l'esprit & l'affection des Sauuages, mais sur tout les affaires de Dieu, & les richesses du Paradis, il a bien besoin de bonnes prieres, pour le succez d'vne entreprise si difficile.

De la Residence de Sainct Ioseph à Sillery.

## CHAPITRE V.

I ly les premiers fruicts de la graine de l'Euangile semée en ce nouveau monde, elle a imité les choses bonnes qui se communiquent d'autant plus qu'elles ont de bonté. Son flambeau a répandu sa lumiere bien loin au deçà & au delà des riues du grand fleuue, son ardeur & son feu ont fait ressentir leur chaleur dans des regions quasi inconnuës à l'Esté, où l'Hyuer tient toûjours vn magazin de neige & de glace.

Les superstitios & les Sorciers sont bannis de cette Residence, il ne reste quasi plus personne à baptiser de ceux qui s'y retirent ordinairement, le peu de Chre-

stiens qui la composent, fait vn escadron merueilleusement puissant deuant Dieu. Leur course a porté la Foy en diuers endroits, & leur bon exemple a gagné quantité de Sauuages. Ceux de Tadoussac se moequans d'eux au commencement, furentenfin touchez de leur patience & de leur constance; si bien qu'ils vinrent demanderà Kebec qu'on leur enuoyast des Peres pour les instruire. Cela leur fut accordé l'an 1641. depuis ce temps-là, on a tousiours continué de les visiter & de leur enseigner la vraye doctrine de IEsvs-CHRIST. Ils l'ont embrassée auec tant de ferueur, & l'ont publiée auec tant de zele dans les Nations du Nord, que ces grandes forests qui n'entendoient que les hurlemens des loups, retentissent maintenant des voix & des Cantiques de IESVS-CHRIST.

Les Attikamegues qui habitent au Nord des trois Rivieres, ont receu la Foy des Chrestiens de S. Ioseph: l'vn des Capitaines de cette residence a tiré son origine de cette nation, les visites qu'ils ont sait de part & d'autre leur ont donné vne nouvelle alliance qui regarde l'Eternité.

Vne bone vefue desia biemágée a fait des

62 Relation de la Nouvelle France, merueilles en ce pais-là, allant visiter ses neueux & ses nieces, elle se mit à précher auectant de succez, & à instruire ses compatriottes auec tant de bon-heur, que plusieurs venans par apres en nos habitations pour demander le Baptesme, sçauoient non seulement les principaux articles de nostre creance; mais encor les prieres & les petits exercices d'vn bon Chrestien. Cette pauure femme a fair trois voyages parmy ces peuples, non pas tant pour voir ses parens & ses Alliez, que pour les engendrer en Iesvs-Christ. l'ayme bien mes parens & mes enfans, disoit-elle, mais ie les quitterois tous tresvolotiers, & toutes les richesses des François, pour la conversion d'vne seule ame. Ces fruiets sont sortis du parterre du glorieux S. Iosepha

Ce n'est pas tout, les Abnaquiois que nous auons entre l'Orient & le Midy, ont fait vne telle alliance auec nos Neophytes, que quelques-vns d'entr'eux s'estans fait baptiser demeurent maintenant à Sa Ioseph; & pour autant que le seu est toûjours seu, c'est à dire tousiours agissant, ces nouneaux Chrestiens prirent resolution ce Printemps dernier de saire vne

course en leur pais, d'y publier la Foy, & de sçauoir des principaux de leur nation, s'ils n'auroient point pour agreable de prester l'oreille aux Predicateurs de l'Euangile: ils ont tenu leur parole, & enfin sont retournez le 14. du mois d'Aoust, & le quinzième, apresauoir assisté à vne solennelle procession qu'on fait à Kebec ce iour là en l'honneur de la saincte Vierge, pour luy presenter la personne du Roy & tous ses Estats, le plus considerable d'entr'eux nous parla en ces termes. Ie vous auois promis ce Printemps que ie me transporterois en mon pais, que i'y porrerois les bonnes nouuelles de l'Euangile, & que ie sçaurois des anciens quel amour ils pourroient auoir pour nostre creance. Comme ils ont beaucoup d'inclination pour mon frere Noël Negabamat que voila, i'ay ietté dans leurs oreilles, les paroles qu'il m'auoit mises en bouche, ie leur ay dit que mon frere faisoit grand estat de leur amitie, mais que cette amitié estoit bien courte qui se terminoit auec la vie, qu'il se falloitencor aymer apres la mort, & que s'ils ne croyoient en Dieu, leur separation seroit eternelle: ie leur ay parlé de la beauté du Ciel & des

horreurs de l'Enfer, apres m'auoirentendu, trente hommes me dirent qu'ils embrasseroient nostre creance. Dix semmes me donnerent la mesme asseurance. Tous les autres m'exhorterent de venir querir vn Pere, & qu'ils seroient bien aises de l'écouter deuant que d'engager leur patole.

Un Capitaine qui a veu la pieté des Chrestiens de Si Ioseph, se trouuant en cette assemblée, dist des merueilles de nossere creance, protestant qu'il se feroit baptiser au plustost, & qu'il ne souffriroit auprès de soy aucune personne qui n'eut volonté de se faire instruire. Voila, disoit cet Ambassadeur Chrestien, les pensées & les resolutions de mon païs; voyez si vous me voulez donner un Pere, mes gens se doiuent assembler tous en mesme endroit pendant l'hyuer prochain, pour entendre en paix & en repos la voix de celuy que vous enuoyerez.

Cette demande a paru si saincte & si raisonnable, qu'on n'a pû l'éconduire. Le Pere Gabriel Dreuillettes qui a dessa vescu parmy les Algonquins dans leurs grandes courses, est allé passer le plus fascheux temps de l'année auec ces Abnaquiois,

bien

65

bien resolu de viure & de mourir en la Croix de I e s v s-Christ. Il pourra pleinement satisfaire aux desirs qu'il a de souffrir, c'est ce qu'il peut attendre de plus constant & de plus asseuré parmy ces peuples. Les fruicts qu'on pourra recueillir de cette Mission auec le temps, prouiendront originairement des ensans du grand S. Ioseph: cette Mission a esté surnommée de l'Assomption.

Les Algonquins de l'Isle ont eu beaucoup d'occasion de prostrer de la vertu
& du bon exemple de ces premiers Chrestiens, aussi est-il vray que quelquesvns ont marché sur leurs pistes; mais
on diroit qu'vne partie de ces miserables, sont dans vn sens reprouué. Les
Hurons plus éloignez descendats vers les
François, ont admiré la Foy de ces bonnes ames, & quelques-vns ont esté tou-

chez iusques à les vouloir imiter.

Vn Capitaine de leur nation qui a passe l'hyuer à Kebec, disoit ce Printemps à Montreal, que les Chrestiens de S. Iosephestoient les vrays creans. En esset, c'est le nom que leur donnent tous les autres Sauuages, & si quelqu'vn d'entr'eux veut témoigner de la ferueur, ie m'en iray, dit

il, demeurer parmy les creans, c'est à dire parmy les Chrestiens de S. Ioseph.

Il faut confesser que si plusieurs Sauuages auoient la politesse des François, & s'ils se produisoient auec autant de graces, qu'ils rauiroient les yeux & les cœurs de ceux qui verroient le fond de leurs ames. Ils ne peuuent souffrir qu'aucun infidele demeure dans leurs cabanes, qu'il ne donne des indices de sa conversion; ils visitent ceux quiont quelque differend, leur donnent de bons aduis, leur font des presens pour les faire rentrer en leur deuoir; les parens commencent de prendre vn soin tout particulier d'apprendre les prieres à leurs enfans, de les amener à confesse, de les faire souvenir de leurs pechez. Vne bonne femme disoit à sa petite fille, mon enfant, voila les offenses que tu as commises, ne t'en oublie pas, demandes en pardon'à Dieu, & me dis au retour de confesse, si tu n'asrien oublie

Leur deuotion à la saincte Messe est toute aymable & toute particuliere, ils l'entendent tous les iours auec vne grande modestie. Il n'y a Casuiste si rigoureux qui obligeast aucun homme de se transporter à l'Eglise dans les rigueurs d'vn froidestrangement picquant, lors que la distance est notable, ny les montagnes, ny les vallées, ny la longueur du chemin, ny les glaces, ny les neiges, ny le vent, ny le froid n'empeschent ny les hommes, ny les femmes, ny les enfans de venir rous les jours à la Chappelle pour y entendre la saince Messe. Les Peres nouvellement arriues nous disent qu'on pe conçoit nullement en France ce qu'ils voyent de leurs yeux. Ces bonnes gens viennent de fois à autre pendant le jour, visiter le sainct Sacrement, ils apportent leurs enfans, les presentent à Dieu auec des tendresses veritablement amoureuses: voicy la priere de quelques parés. Toy qui as tout fait, tuscais tout, tu vois au delà bien loing tout ce qui arriuera; voicy mon enfant, situ connois qu'il ne vueille point auoir d'esprit quand il sera grand, s'il ne veut point croire en toy, prends le, deuant qu'il t'offence, tu me l'as presté, ie te le rends, mais comme tu es tout puissant, si tuluy veux donner de l'esprit, & mele conseruer, tume feras plaisir.

La pauureté des Sauuages est si grande, & leurs viures si miserables, excepté quelques jours, qu'ils tuent des animaux en

E ij

abondance, & encore en mangent-ils la viande sans pain, sans sel, & sans autre sausce que l'appetit, qu'on n'a point creu iusques à present qu'il fallut leur parler de ieusnes, ny d'abstinence de chair, si non par deuotion. Cependant ils se rendet par fois si religieux en ce poinct, qu'ils passeront des iours entiers sans manger quoy que ce soit, plustost que de manger de la chair qui en verité est pire que le plus pauure pain du monde, tant elle est seiche & dure, ayant esté boucanée à la fumée.

Si quelqu'en tombe dans quelque faute publique, où il en tire luy mesme le chastiment, ou les autres ne manqueront pas de luy en faire porter la peine & la penitence. Il n'y a pas long-temps qu'en Capitaine venant à l'Eglise, appella le Pere qui s'en alloit à l'Autel, il luy dit mon Pere, i'entendray la Messe hors l'Eglise, ie ne merite pas d'y entrer: pourquoy luy sit le Pere. l'ay beu auec des gens qui ont excedé. As-tu excedé toymesme, dist le Pere, non, mais i'ay beu auec ceux qui l'auoient fait: cela ne doit point empescher que tu n'entres en l'Eglise, ie te prie mon Pere, repart ce bon Neophyte que ie sois puny afin que les autres hayssent la boisson qui nous perd. Au resse, qu'il pleuue, qu'il gresse, que le lieu soit sale ou fangeux, ils se tiennent déscouuerts à la veue de tout se monde.

Il y auoit quelque different dans vn mesnage: la dispute se rendit publique en sorte qu'ils se vouloient quitter l'vn l'autre, selon seur ancienne coustume. Vn des principaux Chrestiens sçachant que le divorce provenoir plustost du costé du mari, que de la femme, se leua à la fin de la Messe. Arrestez-vous, dist-il à l'assemblée, nous auons icy vn homme qui deshonnore la priere, il parle de quitter sa femme, qu'il sçache que nous ne souffrirons iamais qu'il en prenne vn autre. Nous sommes Chrestiens, nous croyrons. Mais où est-il qu'il paroisse, ie le puniray moy mesme s'il ne rentre en son deuoir. Toute l'assistance approuuz ce discours, le Pere se tournant fut bien estonné d'entendre ce Predicateur, le coupable encore plus: il ne distiamais mot, il s'en retourna doucement vers sa femme: cet excés qu'on scait bien reduire à son poinct, donne plus de ioye que de tristesse. La conclusion fust que le mari & la 70 Relation de la Nouvelle France, femme se vinrent confesser & commu-

nier au premier iour.

On abeau dessendre le commerce de vin, & d'eau de vie auec les Sauuages, il se trouue tousiours quelque amellasche qui pour tirer vn peu de poil de Castor, fait passer au clair de la Lune quelques bouteilles dans leurs cabanes. Les Capitaines crient & tempestent, mais il est tres-difficile de bannir entierement ce desordre. Quelques-vns ayans donc excedé, se voulurent punir & chastier eux mesmes. L'vn d'eux à l'yssuë du sacrifice de la Messe, s'écria, mes freres, puis que vous auez eu connoissance de nostre peché, il faut que vous en voyez la penitence; çà, çà, dist-il à ses complices, payons à Dieu ce que nous luy auons dérobé par nostre offense: ie scay bien que ceux qui ne croyent pas, se mocqueront de nous, mais il ne faut pas que leurs gausseries nous empeschet de satisfaire pour nos offences: cela dit, il tire yn grand fouet, il se fait rudement fustiger par vn autre, & puis il n'épargne non plus les épaules des coupables, qu'on n'auoit pas épargné les siennes. Les femmes faisoient voir ce spechacle à leurs enfans: hé bien leur disoient-

7

elles, serez-vous méchans? mentirezvous iamais, voyez comme on traite les

desobeyssans.

Vn payen enueloppé dans la mesme faute, se presenta pour l'expier par la peine: mais on suy dist que l'Eglise, ne suy estoit point encore ouverte. Ce qui consola les Chrestiens, croyans que Dieu les preseroit aux Insideles acceptant seur

penitence,

Vn ieune garçon ayant beu auec les autres, & voyant qu'on ne luy disoit mot, s'en alla parapres se plaindre au Pere de ce qu'on ne l'auoit pas puny comme les coupables, demandant du moins la permission de se battre soy-mesme en particulier. La nature apprend aux plus barbares que tout peché merite chastiment; mais il faut aduoüer que ceux qui connoissent bien les Sauuages, qui sont éloignez depuis tant de siecles de toute soumission & de tout acte de iustice, ne sont pas peu estonnez de voir ce changement si peu attendu. Dieu vueille que cette ferueur leur dure vn long-temps.

Vn Sauuage étranger qui se trouua enueloppé dans cette penitence, demanda pour quoy les François qui commettoient

E iiij

72 Relation de la Nouvelle France, les mesmes fautes, ne subissoient pas les mesmes peines. Les autres Sauuages luy respondirent, que la Iustice où le Capitaine des François prenoit connoissance de leurs crimes, & qu'ils en auoient veu chastier de leurs yeux, mais qu'ils aymoient mieux estre punis dans l'Eglise par l'ordre des Peres.

Il est vray que ces penitences publiques sont necessaires en ces premiers commencemens, & notamment parmy des Sauuages. Premierement, pource que les Payens se scandalisent fort aysément des fautes des nouveaux Chrestiens, & si on n'en tiroit quelque chastiment public, ils attribueroient le peché, non pas tantà la personne qui le commet, comme à la do-Arine que les Neophytes embrassent, & qu'ils professent. Ensecond lieu, les Capitaines Sauuages n'ayansaucune Iustice reglée, ny aucune authorité de punir les defauts de leurs gens, nous sommes contrains de leur seruir de peres & de Iuges, empeschans les desordres par quelques. chastimens qu'ils acceptent fort volontiers; mais les dereglemens que les vaisseaux à l'ordinaire apportent par leurs boissons, nous font abandonner cette

73

charité, & remettre à la Iustice du pays la punition des yurongneries trop frequentes, pendant qu'ils sont ancrez en nos

ports.

Les Relations precedentes ont fait mention de la mort toute saincte d'vn Neophyte nommé François Xauier Nenasksmat: c'est celuy qui auec Noël Negabamat a ietté les premiers sondemens du Christianisme en la residence de S. Ioseph. Il laissa deux enfans, vn garçon & vne fille: celle-cy est mariée & mene vne vie fort Chrestienne; Son fils qui se nommoit Vincent Xauier Nipikisigan, fut miserablement blessé à mort cet Automne dernier par les Sokoquiois, dont nous auons parlé cy dessus ; ce pauure homme fut rapporté à Kebec & conduit à l'Hofpital, où il a esté receu & traité auec vne grande charité; voyant que ses playes estoient incurables, il voulut mourir auec les Chrestiens de S. Ioseph, il a rauy & en sa maladie & en sa mort tous ceux qui connoissoient les touches de son cœur. L'vne des plus estranges passions des Sauuages, c'est la vengeance contre leurs ennemis: on ne pouvoit au commencement leur persuader que ce fut bien fait

74 Relation de la Nouvelle France, de prier pour eux, ils en estoient scandalisez; Tu ne nous aymes pas, disoiet-ils au Pere qui leur donnoit ce conseil: cette priere ne vaut rien, quel bien nous peutil arriver que Dieu benisse ou secoure nos ennemis; ceux qui croyet, ont bien changé de langage: celuy-cy traitreusement massacré, sansiamais auoir commis aucun acte d'hostilité contre cette nation qu'ils ne vouloient point auoir pour ennemie, non seulement pardona à ses meurtriers, mais il pria souuent Dieu qu'il les benist, qu'il leur fit la grace de se convertir, & lors qu'on luy porta le Viatique, apres auoir reiteré les prieres qu'il faisoit pour eux, il promit d'vn accent qui touchoit tous les assistans qu'il se souuiedroit d'eux au Ciel & qu'il demanderoit à Dieu leur salut, & la connoissance de IEsvs-CHRISTà toute leur nation; cette mort a esté precieuse deuant Dieu & deuant les hommes.

Sa femme a monstré vne charité & vne constance admirable à seruir son pauure mari : elle auoit receu vn coup de hache de ces traistres, ils luy auoient enleué vne partie de la peau de la teste auec ses cheueux, bref ils l'auoient laissée pour mor-

te, mais ses blesseures n'estant pas mortelles, si tost qu'elle se peust traisner, elle donna de l'estonnement à tous ceux qui connoissent le genie des Sautuages. Si tost qu'vn mari est en estat de ne plus recouurer sa santé, sa femme le quitte & l'abandonne, le laissant entre les mains de ses parens, s'il ena; s'il n'en a point, elle luy auance ses iours pour le deliurer, & elle aussi de la peine que cause vne grande maladie: le mari en fait autant à sa femme en cas pareil: cette barbarie n'est plus parmy ceux qui reçoiuet & qui conseruent la Foy: ce flambeau leur fait voir la beauté de la charité conjugale, mais il n'oste pas pourtant les inclinations d'vne nature nourrie dedans ces habitudes depuis la naissance des siecles. Cette femme vrayement forte & sidele pansoit tous les iours son mari, souffrant la puanteur de ses playes, dont elle essuyoit continuellement le pus; Elle disoit par fois en ellemesme, ie sens bien que ie suis Chrestienne; car sans cela il ne meseroit pas possible de demeurer vn iour auprés d'vn homme qui me choque les sens si rudement, & cependant ie ne sçaurois m'éloigner de luy. C'estoit sans doute vne

76 Relation de la Nouuelle France, grace bien particuliere, & vn effet du Saerement de Mariage.

Ce pauure patient auoit vne petite fille qu'il auoit consacré à Dieu, des le iour de sa naissance, luy promettant qu'il la porteroità estre vierge toute sa vie. Il la donna des sa petite enfance aux Meres Vrsulines: il n'est pas croyable combien ces bonnes Meres faisoient estat de ce petit enfançon, elles admiroient ses bonnesinclinations, & la douceur de son naturel; on eut dit que sa plus grande recreation estoit de prier Dieu, iamaisen quelque humeur qu'elle fut, elle ne refusoit de le faire; quand elle pleuroit, comme font les enfans, sion luy disoit: prions Dieu, aussi-tostioignant ses petites mains elle arrestoitses larmes & prononçoitses prieres qu'elle sçauoit parfaitement des l'aage de trois ou quatre ans; son pere se voyant proche de la mort, la voulut voir: on la tire du Seminaire, on la conduit vers ce pauure mourat, on la luy presente. Elle estoit si gentiment vestuë, & elle le salua auec tant de graces qu'il en fut rauy. Il ne se peust contenir de l'embrasser, il la baise, il la prendsur son lict, la tient dans sonsein, luy donne mille benedictions, luy

congratule d'estre tobée en si bone main, il luy parle comme si elle cust cu cinquate ans: A dieu ma fille ie m'en vay au Ciel, ne c'attriste point de ma mort, sois bien obeissante aux filles vierges, elle sont tes plus proches parentes, ne les quitte iamais: quand tu seras grande, elles te diront ce qu'il te faudra faire. Cet amour trop ardent sit mourir cette pauure enfant, elle prist la fiebvre dans l'haleine & dans la bouche mourante de son pere, comme elle estoit fort tendre, n'ayant pas plus de cinq ans; l'air corrompu s'empara bien aysément de son petit corps, & luy causa vne maladie qui l'enuoya six mois apresau tombeau.

Son pere estant mort, on ensceut bientost la nouvelle au Seminaire où on l'auoit reportée. Sa maistresse la mena deuant le sainct Sacrement, pour la faire
prier Dieu pour son ame. Ayant fait sa
priere, elle se tourna elle-mesme vers sa
maistresse & luy dist, I e s v s sera-il pas
mon pere, puisque ie n'en ay plus? La
Vierge sera aussi ma mere, & vous serez
mes parentes, mon pere me la dit. Elle raconta aux Meres tout ce que son pere luy

auoit recommandé.

78 Relation de la Nouvelle France,

Sa fievre se faisant de plus en plus connoistre, l'allita en sorte qu'elle n'en releua plus. Elle se voulut confesser, le Pere qui l'écouta, en fut rauy, ne croyant pas qu'vn enfant qu'il vouloit consolet, cut eu iamais tant de jugement. On luy demanda si elle ne seroit pas bien aise de voir Nostre Seigneur, napik nisadkiha misi kakichitatz, répondit elle, entierement i'ayme celuy qui a tout fait; & là dessus elle expira, auecla ioye & les régrets de toutes ces bonnes Meres.

L'embarras que la venue des vaisseaux apporte, nous sit reietter le Iubile de l'an passé en vn temps plus commode pour le gagner auec plus de repos, on le publia quelques iours deuant la naissance du Sauueur. Les Chrestiens de S. Ioseph qui n'auoient point encor ouy parler de cette deuotion, s'y preparent auec vne affection toute extraordinaire. On leur dist que les dispositions pour obtenir ce pardon, estoient le ieusne, l'aumosne, & la priere ou l'oraison: pour le ieusne, ils le garderent bien aisément : car ils n'auoient pas beaucoup de choses à mager en ce tempslà, vn bon-heur neantmoins le rendit plus meritoire & plus remraquable. Vn Chas-

four ayant fait rencontre d'vn Caribou, qui n'est pas tout à fait si gros qu'vn de nos bœufs de France, le poursuiuit & le rua par terre: la famine estoit en leurs cabanes, le desir de manger de la viande fraische les tentoit fortement, iamais neantmoins aucun Chrestien n'en voulut gouster, les iours qu'on leur auoit ordonné de ieusner, non pas le Chasseur mesme, bien dauantage, quelques Payens de sa cabane voyans cet exemple, ne touche-sent non plus à cette chair, que si elle eur esté empoisonnée.

Pour l'aumosne ils auoient plus de peine: car ils ne sçauoient que donner, l'or
& l'argent n'ont point de cours parmy
ces peuples, & leur pauureté les dispensa
aysement d'estre prodigues. Si fallut-il
pour contenter leur deuotion qu'ils accomplissent cét article. Les vns apportoient quelques grains de Pourcelaine,
les autres vn petit morceau de chair; il y
en eut vn qui presenta vn petit plat d'ecorce, plein de raisins qu'il auoitachepté
des François. En vn mot, on donna toutes
leurs aumosnes à l'vn des Capitaines plus
zelez pour les distribuer aux plus necessiteux.

80 Relation de la Nouvelle France,

Quant à l'oraison, ils ne manquerent pas de faire leurs Stations, & auec cela d'assister toutes à vne Procession assez facheuse & difficile qu'ils firent depuis sainct Iosephiusques à Kebec, il y aenuiron vne lieuë & demie de chemin : elle se fit le jour de saince Estienne le landemain de Noel par vn temps extremement froid, ils marchoient tous deux à deux en bel ordre, les enfans voulurent estre de la partie. La croix & la banniere marchoient deuant, les Peres qui ont soin de cette petite Eglise, conduisoient leur troupeau, ils entonnent des Hymnes en sortant de l'Eglise, ils continuent leur Procession, recitans leur Chappelet, & faisants d'autres prieres. Arrivans à Kebec ils rauirent les François, leur premiere Station fut en l'Eglise des Meres Vrsulines, où ayans prié Dieu, & chanté quelques Cantiques spirituels, ils tirerent droità la Paroisse, où le sainct Sacrement estoit exposé. Ils furent receus auec des motets plein de pieté qu'on chanta en l'honneur de celuy qu'ils venoient adorer, lequel leur ayant donné sa benediction par les mains du Prestre, ils passerent à la troissesme Station qui estoit à l'Hospital, où semblablement blement ils prierent pour les sujets contenus en la Bulle, tousiours conduits & dirigez par leurs Pasteurs. Au sortir de là, ils s'en retournent à ieun deux à deux, come ils estoient venus, concluans la derniere action du Iubilé dans leur Eglise. Ceux qui auoient veu le pays dans sa barbarie, iettans les yeux sur vne telle deuotion, sur vne modestie si grande, voyans des Barbares faire trois lieues à pied, dans vn froid tres-piquant, & à ieun, pour gagner la remission de leurs offences, tendoient mille louanges au Dieu du Ciel, qui verse ses benedictions où il luy plaist.

De la Residence de la Conception aux trois Rivieres.

## CHAPITRE VI.

Es trois Riuieres sont l'abord de tous les peuples de ces contrées bons & mauuais : on y voit de temps en temps des Sauuages, de toutes les nations qui voguent sur le grand sleuue de saince Laurens, depuis son emboucheure ius-

82 Relation de la Nouvelle France, ques aux Hurons, & au delà: ceste estenduë fait peut-estre quatre cens lieuës, &

dauantage.

Ceramas de tant de peuples si differents fait vne grande confusion, & encore que les seuls Chrestiens soient les plus cheris des François, on est contraint de tolerer les autres, & d'attendre le moment de leur conversion.

Toutes les assemblées qu'on a faites auec les Iroquois, ont esté tenuës aux trois Riuieres: deux ou trois insignes Apostats s'y sont retirez: tous les fripons des autres endroits y sont venus passer vne partie de leurs temps: tous les curieux de sçauoir des nouuelles y abordent : ce n'est qu'vn flux & reslux qui empesche beaucoup que la Foyne prene racine. Les Chrestiens cependant n'ont pas laissé de donner des preuues de leur foy, & de leur constance, nonobstant les mauuais exemples qu'ils ont deuat les yeux, & qui font quelques fois trébucher les foibles.

Vn Infidelle cajola si bien vne femme Chrestienne, qu'il la prist pour sa seconde femme, les François indignez de ceste action, luy desfendent l'entrée du fort, & de leurs maisons : cét homme forcent

s'en va dans le quartier des Sauuages, faire vn cry public contre la priere, c'est à dire contre la Foy, vsant de menaces contre tous ceux qui sortiroient de leurs Cabanes pour aller à la Messe, ou à l'instruction. Vn Chrestienentendant ce discours de sa Cabane, en sort armé d'vne saincte cholere, il anime sa voix, il crie, il tempeste contre cét insolent, parle hautement de la foy, donne courage aux Chrestiens, proteste que les menaces des impudents ne l'ébranleront iamais, en vn mot le Payen, voyant ce torrent, se retire de peur que des paroles on ne vint à la violence, n'esperant pas trouuer tant de courage parmy les siens pour le mensonge, qu'il en croyoit dans les Chrestiens pour la verité.

Vne autre fois vn Chrestien voyant les desordres qui se commettoient dans ce mélange de toute sorte de nations, & n'ayant pas d'autres armes que sa parole, pour y resister, il sortit en public, & se pourmenant selon seur coustume, parmy les Cabanes de ses compatriottes, il

harangua en ces termes.

Escoutez, mes freres, c'est à vous tous que l'addresse ma parole, vous sçauez

84 Relation de la Nouvelle France, que le suis baptisé: si quelqu'vn l'ignore, qu'ill'apprene auiord'huy de ma bouche, ie n'ayme ny les biens, ny l'honneur, i'ayme la priere, i'honore la Foy, ie voudrois que tout le monde l'honorast, tout n'estrien: la creance est de prix, & de valeur: si vos oreilles estoient percées, la do-Arine qu'on nous enseigne, y entreroit, & si vous n'auiez les yeux fermez, vous en verriez la beauté: on ne voit qu'insolences dans nos cabanes, les ieunes gens courent toutes les nuits, l'arresterois bien ces désordres, si l'auois du pouvoir sur vous. Tenez pour constant que ces malices attireront dessus nos testes la cholere, & la vengeance de celuy qui a tout fait. Pour vous autres qui auez receu le Baptesme, & qui ne tenez pas vostre parole, vous estes des trompeurs, ou renoncez à vostre foy, ou viuez conformement aux promesses que vous auez faites en vostre Baptesme. Sil'on vous retranche de l'Eglise, si on vous chasse comme des chiens, ie me banderay le premier contre vous, si vous ne quittez vos desordres. Ses paroles poussées d'un bon accent, & par un homme d'authorité estonna les inconstans, & consolabien fortles plus feruens, & les plus courageux.

85

La nuit suiuante vn Chrestien qui auoit esté banny de l'Eglise pour vn scandale public, & qui s'estoit reconcilié apres vne bonne penitence, émeu de la force de ce discours, en sit vn autre deuant des apostats, auec vn accent tout plein de cœur. Les Sauuages sont fort retenus en leurs paroles, deuant leurs compatriotes. C'est vne chose rare qu'vn Capitaine mesme se donne la liberté de reprendre les fautes de ses gens, si ce n'est peut-estre de quelque ieunesse. Cet home parla deuant les plus huppez, & deuant les plus superbes desa nation, en cette sorte. Celuy qui a promené sa parole dans la harague qu'il nous a faite auiourd'huy, a parlé comme vne personne qui croit veritablement: son aage & sa grande authorité meritent que les fideles & les infideles obeissent à sa voix, & sa perseuerance en la Foy oblige tous les Chrestiens de garder les promesses qu'ils ont faires à Dieu: pour moy qui ay donné mauuais exemple, iene puis doner aucun poids à mes paroles; si neantmoins vous les regardez de bien prés, vous trouuerez qu'elles ne s'écartent ny d'vn costé ny d'autre, mais que leur roure est toute droite: i'ay peché, tout le

Fiij

86 Relation de la Nouvelle France, monde le sçait bien, i'en ay demandé pardon à Dieu, ie m'en suis confessé, ie croy qu'il m'a fait misericorde, & que le peu de temps qui me reste iusques à la mort. m'est donné pour faire penitence de mes crimes, ie ne puis assez admirer sa bonté. Mais ne dites pas que si vous suiuez mon exemple dans le vice, vous le suiurez par apres dans la penitence: ces paroles sont dangereuses, il les entend, il vous écoute, s'il ne m'a pas liuré au mauuais demon, c'est vne bonté qui m'estonne, de la quelle il n'a pas vsé enuers vne infinité d'autres qui se sont perdus. Ne dites pas aussi que vous aurez de l'esprit, quand vous aurez la teste blanche, le demon vous preuiendra, il ne sera plus temps de vouloir estre sage quand vous serez dans les feux, les guerres, les maladies, & la mort mesme, sont les punitions de nos offenses, & non pas de mauuais effects de la Foy & des prieres, comme disent quelques-vns:c'est la priere qui dit à Dieu, arreste ta-colere, ne decoche point tes fleches dessus nous, donne nous le loisir d'auoir de l'esprit, chasse les maladies, deliute nous de la guerre: voila ce que demandent iour & nuit les Peres pour nous autres, c'est ce

qu'ils nous conseillent de faire & de pratiquer : sans la priere de ceux qui ayment Dieu, le demon qui a enuie de nous perdré, nous auroit bien-tost precipité dans la fosse pleine de feu. Ceux-là sont bien abusez qui croyent que la priere cause les maladies & auance la mort : celuy que nous prions, c'est celuy-là mesme qui donne la santé & la vie, l'honneur qu'on luy rend, ne le prouoque pas à nous faire du mal. Sus donc, que ceux qui ont peché, facent penitence auec moy, & ceux qui n'ont point saly leur Baptesme gardent constamment leur parole iusques à la mort.

Ie crois qu'il sera bien à propos de dire icy deux mots de la conuersion de cet hôme. Estant sollicité par vne femme, il la prit publiquement auec sa legitime: Dieu l'ayat châtié par vne bonne maladie, il ouurit les yeux, mais pource que l'on craignoit son inconstance, dont il auoit desia donné des indices, on le laissafort longtemps comme vn excommunié: il enuoya querir plusieurs sois quelques-vns de nos Peres, à toutes ses demandes point de response: ensin comme on creut qu'il estoit veritablement touché, vn Pere le va voir

88 Relation de la Nouvelle France, dans ses grandes douleurs: Ah, mon Pere, luy dist-il, ayez pitié de moy: iene puis, luy repliquale Pere, te faire entrer en l'Eglise, tu as donné vn trop grand scandale: Helas! mon Pere, ie ne demande pas cela, ie ne suis pas digne d'y rentrer, ie demande que mes pechez soient effacez par la confession; ie suis extremement malade; la mort me fait peur, estant encor chargé de tous mes crimes : le Pere voyant bien qu'il n'estoit pas encor dans vn si grand danger, luy donna iour, le va trouuer au temps presix, luy preste l'oreille: ce pauure homme tire vn petit faisseau de bois come vne botte d'allumette, & le monstranțau Pere, luy dist:voila tous mes pechez, ie les ay escrits dessus ces bois à nostre mode, de peur de m'en oublier : il se confesse auec de grads regrets les yeux pleins de larmes, la bouche pleine de sanglots, & le cœur tout remply de regrets & de douleur. Apres sa confession, il raconta au Pere comme il estoit tombé dans l'abysme de ses pechez. I'ay, disoit-il, conserué long-temps la blancheur de mon Baptesme, i'ay porté long-temps le flambeau qu'on me sit tenir tout allumé sans l'esteindre: cette semme qui m'a perdu

me recherchant, ie la fuyois au commencement, mais petit à petit ie pris plaisir en son amitié: ie ne pensois en aucun mal, iusques-là que sentant que mon cœur vouloitestre meschant, ie la chassois d'auprés demoy, mais elle n'alloit pas loin; aussi-tost elle paroissoit deuant mes yeux: enfin ie commençay à l'aymer, mon cœur trembloit, me reprochant que ie quitterois la priere, ie m'allois confesser aussitost; mais ce demon me poursuiuant me perdit, ie vins à l'aymer tout de bon, & voyant bien que ie ne serois pas en repos auprés de vous autres, ie vous quittay & m'en allay à l'Isle, & de là aux Hurons: l'amour m'aueugloit; ie pechois quelquefois sans remords, le plus souuent la crainte saisissoit mon ame, ie m'en voulois quelquefois prendre à vous autres, tanrostie vous méprisois, puis ie vous exaltois, admirant vostre patience & vostre bonté: car vos freres qui sont dans les Hurons, font là haut ce que vous faites icy bas; ils pacifient toutes les dissentions, ils font des presens pour appaiser les meschans, ils enseignent le chemin du Ciel: tout cela m'estonnoit, & ie disois à mon ame, tu t'en vas dans le feu, tu desobeis

90 Relation de la Nouvelle France, à celuy qui a tout fait. Estant dans ces angoisses ie tombe malade, me voila dans des craintes épouuentables, tous mes pechez se presentent à mes yeux, comme si conme les eust dit les vns apres les autres: ie les marquay tous sur ces petits bois, ie demanday qu'on me rapportast icy bas, ie me pensois qu'à vous autres que i'auois tant méprisez: ie disois à Dieu, tu fais bien de me faire malade, ie t'ay quittéle premier, ie n'ay point d'esprit, ie sentois, des douleurs horribles, ie criois dans mon mal, i'ay merité tout cela, tu faits bien, mais ne me tuë pas que ie ne me sois confessé. le croyois à tous coups que i'allois descendre au pais des demons: Enfin quand ieme suis veu proche de vous autres, mes angoisses ont esté vn peu soulagées: carencor que vous merebutassiez, ie disois tousiours, ils ontraison, ils craignent que ie ne les trompe. Nikanis, disoit-il au Pere, prie pour moy, dis luy qu'il augmente mon mal, si iamais il me prend enuie de le quitter. On le tint encor fort long-temps dans cet estat de penitent, deuant que de le faire entrer dans l'Eglise: il y est maintenant bien resolu de n'en sortir iamais, il disoit il n'y a pas long,

semps à quelques ames froides: ah! si vous sequiez quel grand mal-heur c'est d'estre chassé de l'Eglise, & combien cela couste d'angoisses, vous vous donneriez bien de garde de commettre chose aucune qui vous sit iamais tomber dans ce precipice: Dieu luy vueille donner la perseuerance.

Pour rentrer dans nostre discours, les Chrestiens se voyans enuironnez de tant de dissiculrez, prirent resolution pour se mieux conseruer, de faire bande à part dans leur grande chasse pendant l'hyuer, & dans les autres voyages qu'ils seroient pour leur comerce. Vn François les ayant accompagnez, nous tesmoigna au retour qu'il auoit esté rauy les voyant viure en vrays Chrestiens, ne manquans iamais de prier Dieu tous ensemble, gardans aussi estroitement le sainct Dimanche, comme s'ils eussent esté proches de nos petites Eglises.

Au retour de leur chasse, ils se caperent le plus prés qu'ils puret de nostre Chappelle: les Payens s'en formaliserent, leur donans mille brocards de ce qu'ils ne s'estoiet pas voulus ioindre à eux; c'est la coustume parmy ces peuples que les filles estant malade de leur maladie ordinaire, se separent

des autres, comme faisoient les Iuisues. Les Insidelles voyant nos Neophytes vnis ensemble, leur disoient en gaussant qu'ils faisoient bien à la façon des semmes de cabaner à part, ils souffroient patiemment ces risées, portans compassion à leur aueuglement; que pouvons nous apprendre de vous autres, respondit vn Chrestien, sinon des medisances & des gausseries? ne vous estonnez donc pas si nous nous mettons à l'écart.

Il n'y a terre au monde si seche & si arideoùil ne paroisse quelque petit brin de verdure. La petite Eglise des trois Riuicres voit das ce flus & reflus des Sauuages, qui l'abordent, vne nation toute simple, toute candide & bien éloignée de la superbe: ce peuple vient du fonds de terre, il passe sa vie dans l'innocence de la chasse & de la pesche, ne voyant les François qu'vne ou deux fois l'année pour achepter quelques necessitez en contr'eschange de leurs pelteries. Ils tirent leur nom du mot Attikameg, qui signisse vne espece de poisson que nous appellons le poisson blanc, pource qu'en effetil est tout luisant, & tout blanc. Ces pauures poissons blancs se viennent ietter dans les filets

de l'Euangile ; autant de fois qu'ils approchent des riues du grand fleuve de sain & Laurens. Ils composent maintenant vne petite Eglise volante, qui n'a rien de plus ferme ny de plus constant que la Foy, & que l'exercice des vertus qu'ils conseruent d'autant plus aysément qu'ils sont éloignez des ennemis, qui les leur

pourroient dérober.

Ils portent auec eux vn catalogue, ou vn calendrier des Festes, & des Dimanches, & de tous les jours de la semaine: pas vn d'eux ne s'est trompé cette année en son calcul. Outre les prieres du soir, & du matin, ils s'assemblent touts les Dimanches dans vne cabane, pour chanter quelques Hymnes spirituels, & pour reciter tous ensemble leur chappelet. Que si quelqu'vn d'entr'eux à la parolle en main, il anime les autres à obeir à celuy qui a tout fait, & à quitter leur anciennes superstitions.

Tout l'hyuer, ils se consolent dans l'esperance qu'ils ont de se venir confesser & communier au Printemps, ils en font de mesme pendant l'Esté, se disposans de nous venir voir à l'Automne: ils découurent leur faute auec, vne candeur admi74 Relation de la Nouvelle France, rable. On diroit veritablement que le peché d'Adam n'est point paruenu iusques à ces peuples, tant ils sont éloignez des malices qui se retreuuent parmy les

plus ieunes enfans.

Leur premier Capitaine, nommé Paul de Tamerat, estant arrivé aux trois Riuieres, s'en alla visiter le Pere qui a soin de cette residence, & luy dist deuant tous ses gens. Mon Pere, sera-ce donc à ce coup que le communieray? tu m'as tousiours refusé ce bon-heur; tu m'as remis du Printemps à l'Automne, i'ay eu peur pendant tout l'Esté de mourir deuant que l'on m'ait porté à la bouche cette nourriture de nos ames. Dieu m'a conserué la vie, me voicy de retour, que diras-tu maintenant? ne m'afflige pas plus longtemps. Voyla le compliment que fit cét homme à son abord, plus aymable cent fois que ces mines, & ces grands abaissemens de la Cour qui n'ont bien souuent que de l'apparence.

La femme de ce Capitaine, ne perdit non plus de paroles que son mary: elle amene au Pere ses deux filles, le presse tant qu'elle peut d'accorder à la mere, & aux enfans ce pain de vie, elle demande

qu'on l'instruise, si elle ne l'est pas suffisament. Vn Samedy au soir, le Pere l'ayant fort examinée auccquelques autres, elles creurent que c'estoit pour Communier le landemain, elles viennent donc à la Messe en nostre Chappelle, se presentent à vn Pere pour les confesser: mais comme il n'entendoit point leur langue, illes renuoya. Elles se tirent à quartier, entendent deux Messes, demeurent en la Chappelle iusques à Vespres, le Pere, qu'elles attendoient, & qui auoit celebréla Messe, en la Paroisse, suruenant, les trouue les mains iointes deuant l'Autel. Il leur demande ce qu'elles font là. nous t'attendons, mon Pere, pour nous confesser, & communier. Quoy donc fit le Pere, ne sçauez vous pas bien qu'on ne communie pas apres auoir mangė ? (il croyoit qu'elles vinssent de leur cabanes) nous le sçauons bien, respondent-elles, nous n'auons point mangé depuis hier à midy: nous sommes icy depuis le matin, esperans tousiours que tu nous ferois communier. Mais pourquoy demeuriez vous si long-temps, voyas que ie ne venois pas : helas! dist vne bonne vefue, nous y resterions volontiers tout le iour pour

remercier le bon I e s v s des graces qu'il nous a fait : nous y viendrons souuent, nous ne sçaurions nous ennuyer en la maison des prieres. Le Pere touché iusques aux larmes leur accorda le lendemain matin, ce qu'elles souhaittoiens

auec tant d'ardeur?

Ayant donné jour à quelques-vns de se venir confesser, vne bonne semme se vint excuser demandant vn plus long terme pour se preparer. Comment, dist le Pere, ne sçauois tu pas bien des hyer que tu debuois te confesser auiourd huy? ne t'ays-je pas veu quasi toute l'aprédisnée à la Chappelle! qu'as-tu fait pendant tout ce temps-là? l'ay pensé, répond-elle, à mes pechez, i'y pensay hier quasi tout le iour, i'y veux penser iusques à demain, & apres tout peut-estre que ie ne fairay pas comme il faut. Ie voudrois bien que mon cœur ne fut plus méchant du tout, ie suis bien marrye d'auoir fasché Dieu. Au reste comme ces bonnes ames ne font point de difficulté de s'ouurir, ses plus gros pechez estoient d'auoir esté trop triste, voyant quelques-vns moins portez à prier Dieu, de s'estre voulu fascher contre eux. Elle se confessa auec vne candeur rauissante:

97

rauissante: & comme le Pere luy donnoit vne penitence trop legere a son gré, elle s'en plaignit, & luy dist: ie ne laisseray pas d'adiouster d'autres prieres; en esfet elle demeura plus d'vne heure à l'Eglise, apres sa confession.

Elleagagné son mari à les vs-Christ, cét homme qui estoit fort rude auant son Baptesme, est deuenu docile & pliable comme vn enfant : la benediction du Ciel est veritablement sur cette famille, cette bonne femme amena sa fille au Pere qui l'auoit baptisée, pour receuoirsa benediction: cet enfant qui n'a que trois ans portoit vn petit pacquet sur sa teste. La mere prit la parole, voicy mon Pere, ta petite fille qui te fait ce present, pour te faire souvenir de prier Dieu pour elle, afin qu'il luy donne de l'esprit pour bien retenir les prieres: c'estoit une peau de Cerf, gentiment accommodée que le Pere rendit à l'enfant pour luy faire vne petite robe. La veritable innocence est parmy ces peuples, ie dirois volontiers que dans la France on deuient ignorant pour trop sçauoir, & que pour trop vouloir on ne veut rien: car en verité ce qu'o poursuit auee tant de feu, n'est rien qu'vn neant.

98 Relation de la Nouvelle France,

La belle-mere de cette bonne femme, passe encore sa bru en deuotion, en candeur, & en pieté. Le sainct Esprit luya donné vne telle affection pour conseruer la pureté de son cœur, qu'elle ne manque pas de se cofesser tous les huictiours, non pas aux prestres: car elle n'en a point dans ces grands bois; mais au Souuerain Pontife. La nuiet qui precede le Dimanche, lors que tout le monde est dans vn profond sommeil, elle se leue, se met à genoux, examine sa conscience, & puis elle fait sa confession à Dieu, en la mesme façon qu'elle fait deuant vn Pere: elle demande pardon, elle fair vne penitence, elle prie Dieu qu'il luy face la grace de se souuenir de toutes ses offenses pour les dire puis apres à son confesseur. On ne croiroit pas auec quels sentimens elle les explique: ie suis, dit-elle, par fois vne vraye chienne, ie fais plusieurs actions sans diriger mon intention. Ie vay querir du bois sans penser que c'est pour Dieu. Ie suis comme ces pour ceaux qui grongnent incessament: car ie me plainds par fois d'vn mal de teste qui me trauaille, & qui me fait soussir assez souvent.

Elle a vne si grande tendresse de con-

science, que la seule ombre du peché suy fait peur. L'estime qu'elle sait des personnes qui luy parsent de Dieu, & qui l'instruisent, est si grande, que vous diriez qu'elle écoute vn Ange, quand elle preste l'oreille à vn Pere: c'est ce qui la rend ze-lée pour le salut de ses compatriores, notament de sa famille, qui est assez nombreuse.

Son mari n'a pas moins de ferueur, il fait plus pour la gloire de Nostre Seigneur, dans son pays, que le plus zelé Missionnaire de la Nouvelle-France. Il n'y a pas-long-temps que de ieunes frippons Algonquins, estans entrez sur le soir dans sa cabane, pour badiner & cajoler, il les aduertist doucement de leur deuoir: mais voyant qu'ils ne s'arrestoient point pour sa douceur, il leur dist d'vn ton sec: sortez d'icy, & apprenez qu'il n'y a personne en ma cabane qui ne croye, & qui ne craigne Dieu. Les paroles rudes sont parmy les Sauuages, ce que les bastonnades fairoient en France parmy les insolens.

La bonne vie, & le zele de ces nouveaux Chrestiens, répand la Foy de les vs-Christiens, bien auant dans les nations plus éloignées. Des personnes qui n'ont iamais ouy parler aucun Pere de nostre compagnie, nous demandent le sainct Baptesme. Quand nous les voulons instruire, nous trouvons qu'ils ont la connoissance de nos mysteres, & qu'ils sçauent les prieres, & l'exercice d'vn bon Chrestien: cela sans mentir, est de grande consolation.

Vn Capitaine d'vn pays plus haut que les Attikamegues, s'est venu presenter au Pere, auec toute sa famille, pour apprendre de sa bouche ce dont il auoit ouy parler dans les grands bois de son pays. Il est demeuré tout exprez trois sepmaines, aupres de luy, pour se faire instruire. On n'a baptisé que sa fille aisnée, à laquelle on a donné commission d'apprendre les prieres à son pere, à son mari, & à tous ceux de sa cabane. Deux Canots sont arriuez d'vne autre nation dont nous n'auons pointeneore ouy parler: ce sont des: visages nouueaux qui paroissent pour la premiere fois parmy les François. Si tost qu'ils ont mis pied à terre, ils sont venus chercher celuy qui prie, & qui instruit: c'est le nom que les Estrangers donnent aux Peres, afin, disoient-ils, d'apprendre le chemin du Ciel: cette enuie leur à

pris pour auoir veu & entendu quelques Sauuages, qui ont communication aucc nos Neophytes. Dieu est la bonté mesme, qu'il soit beny à iamais: comme il connoit qu'il n'y a force humaine qui puisse courir ces grandes forests, & ramasser ces pauures brebis égarées, & cachées dans des montagnes, dans des bois, & dans des froids épouuentables ; il les touche luy mesme, & les conduit comme par la main aux sources de la vie, qui sont les Sacrements de son Eglise.

De trente cinq Canots qui sont venus de ces contrées, on n'a baptisé que 37. ou 38. personnes. On ne sçauroit croire: combien il est important de ietter de so-

lides fondements de la Foy.

Entre ces Canots il en est venu quelques-vns d'vne nation appellée Kapiminaksetiik, lesquels nous ont assurez que leurs voisins auoient esté visitez par des Sauuages, qui iamais n'ont paru en ces contrées, & qui iamais n'auoient veu aucune des marchandises qu'on apporte en ce nouueau monde. Ils disent plusieurs choses de la multitude des hommes de leur nation, & de leurs façons de faire: nous en apprendrons des nouvelles auec

le temps: ils sont sujets du grand Dieu, ils le viendront reconnoistre aussi bien que les autres, il n'y a point de clairon si retentissant que celuy de l'Euangile, il faut qu'il se face entendre aux quatre coins du monde.

De la Mission de saincte Croix, à Tadoussac.

CHAPITRE VII.

De la pellons Tadoussa, est nomé des Sauuages Sadilege, c'est vn lieu plein de rochers & si hauts, qu'on diroit que les Geans qui voulurétautres-fois combatre les Cieux, auroient ietté en cet endroit, les fondemens de leur escalade. Le grand sleuue S. Laurens fait quass dans ces rochers vne baye ou vne ance qui sert de port & d'asseurance aux nauires qui voguent en ces contrées: nous appellos cette baye Tadoussac. La nature la rendue fort commode pour l'ancrage des vaisseaux; elle la bastie en rond & mise à l'abry de tous les vents: on comptoit au-

tresfois sur les riues de ce port, trois cens guerriers ou chasseurs effectifs, qui faisoient enuiron auec leurs familles douze ou quinze cens ames. Ce petit peuple estoit fort superbe; mais Dieu le voulant disposer à receuoir son Fils, l'a humilié par des maladies qui l'ont quasi tout exterminé: ces coups neantmoins sont fauorables, pendant que sa iustice massacroit les corps au grand deluge du monde, sa misericorde alloit ramassant les ames penitentes: nous pourrions dire le mesme auec proportion, que sa colere mettant à mort vne partie des Sauuages par les guerres & par les epidimies, sa bonté donnoit aux autres vne vie qu'il faudroit chercher au trauers de mille morts.

C'est ce que nous auons veu de nos yeux: car ces pauures gens battus de quatité de maladies & recrus des fatigues de la guerre, se sont ensin iettez au port de la vie & de la paix: ils se sont rendus à I e s v. s-C h r i s t, qui semble les vouloir repeupler par vn bon nombre de Sauuages qui abordét là de diuers endroits, pour voir de leurs yeux ce qu'ils apprennent par leurs oreilles qu'il y a des hommes bastis comme eux qui préchent & qui pu-

blient les grandeurs de Dieu, & qui enfeignent le chemin du Ciel. Il faut confesser que depuis cinq ans ces bons Neophytes ont excellé en ferueur & en deuotion, mais voulant cette année courir trop viste, ils ont bronché, excedans du costé

qu'onn'auroit pas attendu.

Ie penseauoir leu autresfois que le sieur de Ioinuille qui a escrit la vie de S. Louys, se treuuant dans vne grande tempeste sur la mer, ses soldats & ses mattelots crians que le vaisseau alloit perir, se ietterent à ses pieds & luy demanderent l'absolution de leurs pechez: mais pensez-vous, leur dist-il, que l'aye ce pouuoir ? Qui l'aura donc, Monsieur, répondent-ils, puis qu'il n'y a point de Prestre dans le nauire? A cette repartie, il éleua sa voix: Or sus ie yous absous de tout le pouuoir que i'en ay, ie nesçay pas si i'en ay, mais si i'en ay, vous estes absous. Cette bonne simplicité Gauloise, quoy que iointe auec vn peu trop d'ignorance, pouuoit estre agreable à Dieu, pour l'humilité qui l'accompagnoit. Les Sauuages de Tadoussac sont tombez cet hyuer dans le mesmeerreur: se voyans dans leurs grands bois éloignez. de leur Pere, & souhaitans d'ailleurs auec

en l'année 1646. 105

passion d'entendre la saince Messe, l'vn d'eux se presenta pour en exprimer les sainctes ceremonies, auec tout l'appareil & toute la deuotion que peut auoir vn esprit trop feruent; ce n'est pas tout, le desir dese confesser les pressant, vne semme aagée voyant que les hommes ne leur prestoient point l'oreille, se presente pour exercer cet office. Ce zele indiscret fut approuué de quelques-vns, auec plus de simplicité & d'ignorance que de Théologie: mais seulement pour les personnes de son sexe.

De cette indiscretion ils passent à vne autre: si quelqu'vn faisoit quelque faute, ils le faisoient venir publiquement en leur assemblée, & apres luy auoir reproché son peché deuant tout le monde, ils le fustigeoient auec vne cruauté qui ressentoit encorsa barbarie:

Leur jeusne passoit les deux ou trois iours sans manger: en vn mot le zele sans la science est vn mauuais guide. Leur fer+ ueur indiscrete passa de la pieté dans la police exterieure: ils se vont imaginer que pour estre bons Chrestiens, ils doiuent viure tout à fait à la Françoise, & sur cette pensée ils font les polis, ils rendent les

106 Relation de la Nouvelle France, honneurs à leur Capitaine qu'ils voyent rendre à Mr le Gouverneur par les Francois, ils font vne cabane à part pour prendre leurs repas, ils dressent des tables, ils font manger les hommes ensemble, & les femmes à part: Et comme ils auoient remarqué que les François ne mangeoient pas tout ce qui leur estoit presenté, ceux qui seruoient à table, ne donnoient pas le loisir notamment aux femmes de prendre suffisamment leur refection: personne ce pendant ne disoit mot, toutes ces singeries passoient pour des mysteres. Les Sauuages & les François en matiere de complimens tiennent les deux extremitez: ceux-là sont fades & rustaux dans le peu de respect qu'ils se portent les vns aux autres, & les François sont importuns dans l'excez de leurs ceremonies, & bien souuent dissimulez dans les trop grands tesmoignages de leur amitié. La candeur rustique est preferable à vne seinte courtoisie, l'excez ne fut iamais bon en quoy que ce soit: si ces bons Neophytes le prennent; ils enseront bien-tost las. Le Pere qui a soin de cette Mission, re-

tournant au Printemps pour la cultiuer,

trouua vn nouucau peuple: il est accueil-

ly auec quantité de reuerences & de complimés; il ne treuue plus de visages peints, ny de cheueux oints ou graissez, selon leur ancienne coustume: on le vient receuoir à la Françoise, auec vne grace & vne gentillesse qui n'estoit pas des plus accomplies, aussi ne faisoit elle que de naistre: en vn mot, il treuue que ces disciples au oient appris trois fois plus de choses qu'il ne leur en auoit enseigné. Quelques bonnes femmes disent qu'elles se sont confessées; d'autres qu'ils ont assisté à la Messe, tout le monde asseure qu'on a prié en public & en particulier tout le temps de l'hyuer; chacun rend compte de ses petites deuotions, & le pauure Perebien estonné commence à les accuser de superbe, il reprend leur indiscretion, illeur fait entendre la griefueté de leur crime, non qu'il ne vid bien que l'ignorance & la simplicité couuroit la moitié de leurs fautes, mais pour leur donner vn preseruatif pour le futur: ces bones gens bien estonez baissent la teste, ils s'en vont tous à la Chappelle pour demander pardon à Dieu: celuy qui auoit commencé cette nouueauté, prenant la parole deuant tous les autres, s'écrie: Le diable m'a

108 Relation de la Nouvelle France, seduit, & ie vous ay trompez, c'estoit fait de nous, si Dieu ne nous eut rappellé au bon chemin par la voix de nostre Pere: la Foy s'en alloit perduë dans Tadoussac,& nous custions bien-tost communiqué nostre veninaux nations du Nord qui nous viennent voir & que nous allons visiter: comme le vent se joue d'vne paille, ainsi le demon nous balotte & nous fait aller où il veut, quand nous sommes ésoignez de nos Pasteurs; c'est moy qui luy ay presté l'oreille le beau premier, c'est moy qui vous ay empestez, mes freres, mon crime est si grand que ie n'ose quasi en esperer le pardon, chassez moy de l'Eglise, ie ne suis pas digne d'y rentrer : le Ciel est fermé pour moy, i'ay trop offensé celuy qui est mort pour nous, que faut-il que ie face? que feray-je, mon Pere, pour de si grands pechez? Il parloit auec tant de ferueur qu'il n'yauoit personne en cette assemblée qui ne fut touché; les larmes couloient de leurs yeux, les regrets de leur cœur parloient vn langage bien agreable. à Dieu, tous demandoient de faire penitence de leurs pechez. Le Pereleur ayant. fait comprendre la griefueré de leur offence, place vne Croix en vn lieu de l'E-

en l'année 1646.

glise, comme on fait le Vendredy sainct, & leur ordonne d'aller faire amande honorable à Les vs-Christ, en son Image, de luy demander pardon, & de protester solemnellement qu'ils ne se laissecont plus iamais aller à de semblables nouveautez: il leur commande aussi de ieusner à la façon de l'Eglise, & de transporter vne grande Croix qu'ils auoient dressée proche de leurs cabanes, en vn lieu plus eminent & plus decent, afin d'aller là tous les Vendredis protester qu'ils reconnoissoient I es vs-Christ, pour leur Saudeur & pour leur Redempteur. Tout cela fut bien-tost executé, mais deuant toute autre chose, ils se confesserent auec vne cadeur admirable: quelques-vns portoient de petits bastos, pour se souvenir de leurs pechez: d'autres les marquoiet sur les grains de leur Chappelet: d'autres les escriuoient à leur mode sur de petits morceaux d'écorce d'arbre; ils donnoient tous des indices de leurs regrets, & de leur penitéce. La Croix que le Pere leur auoit ordonné de transporter, auoit bien enuiron trente ou trente-cinq pieds de long: le Capitaine la voulut porter luy-mesme sur ses espaules, il assemble ses gens, fair

110 Relation de la Nouvelle France, prendre les armes à quelques-vns, conduit les autres en la Chappelle, où il leur tint ce discours! Mes freres, vous sçauez que nous auons erré dedans nos deuotions, & que nostre peché nous rend indignes de pardon: mais celuy qui a esté pour nous cloué en vne Croix, est tout plein de misericorde, ie ne perdray iamais l'esperance que i'ay en luy; si nous auons quitté le vray chemin, nous y sommes rentrez, ne perdons point courage, obeissons plus sidelement que jamais. Puis se tournant vers quelques Sauuages du Nord non encor baptisez: Mes freres, leur dist-il, tous ceux qui sont égarez, ne sont pas perdus, si nostre peché vous a scandalisez, que nostre penitence vous edifie, & vous face dire en vostre pays que la Foy ny la Priere ne sont pas bannis de Tadoussac, nous serons aussi fermes en la Foy que iamais, & pour moy quand vn Ange viendroit du Ciel m'enseigner vne doctrine contraire à ce que le Pere nous enseigne, ie ne le croirois pas. Pour vous qui portez encor vos pechez dans vostre ame, faites vous bien-tost baptiser, afin que nous soyons veritablement tous freres, & que nous n'ayons qu'vn Pere &

vne mesme maison dans le Ciel.

Cela dit, il charge cette grande Croix sur ses espaules: la procession se commence, ils marchent tous deux à deux auec vne modestie vrayement Chrestienne. Arriuez au lieu où cet Arbre qui a porté le fruict de vie, deuoit estre planté, ils l'éleuent & le placent au bruit des coups d'arquebusades, qu'ils font retentir auec vne grande allegresse. La Croix estant plantée, ils se iettent à genoux, adorent le Crucisié en son Image, & pour conclusion le Pere leur fait entendre que pour les actios de ciuilité ou de police, qu'ils estoient libres de suiure leurs idées, pour ueu qu'elles ne cotrariassent point à la loy de Dieu, mais que les ordres de Dieu & de son Eglise leur deuoiet estre à jamais inuiolables.

L'ay desia dit que c'est la coustume des Sauuages, quand quelqu'vn a quelque sujet de tristesse ou de douleur, ou mesme encor de colere, qu'ils luy sont vn present pour soulager son cœur. Le Capitaine de Tadoussac, voyant bien quele Pere estoit triste & assigé de leur offense, voulut appaiser sa douleur auec cette petite harangue. Mon Pere, ce petit present vous est fait pour tirer du sond de vostre

112 Relation de la Nouvelle France, ame toute la tristesse que vous pourriez auoir conceue de nos pechez & de nostre tromperie, il essuyera toute vostre douleur, & pour moy ie vous asseure que le tiendray la main qu'vn chacun marche d'oresnauant par le chemin que vous nous auez monstré. Si quelqu'vn refusoit de toucher le present, il donneroit à entendre qu'il n'accorde pas ce de quoy il est requis, le meilleur est de le prendre & de l'employer au soulagement des plus pauures. Ceux qui en suitte de cette procession eurent le bon-heur de s'approcher de la saincte Table, s'y preparerent auec la priere & le ieusne, & non contens dese confesser vne fois, ils retournent ordinairement pour la seconde fois quelques iours apres leur premiere confession, de peur, disent-ils, qu'il ne reste quelque chose par oubly dans nostre ame. Cette candeur est fort ordinaire quasi à tous les Sauuages: 112 (12) plike for 11 (12)

Vn bon Neophyte nese pouuant contenir apres la Communion, disoit au Pere: mon cœur est tout autre qu'il n'estoit, ie sens ie ne sçay quelle douceur, ie ne sçay quelle joye que ie ne puis exprimer de parole, deuant la Communion i'estois

comm

comme vn petit animal renfermé dans son trou qui n'en ose sortir, il se presente, il sort à demy, mais la peur le fait relancer dans sa taniere voila comme i'estois de-uant que d'auoir receu ce mets sacré, la confession auoit calmé mon cœur; mais il n'osoit sortir, la crainte & l'asseurance le partageoient, si tost que mon Sauueur l'a visité, il a brisé tous les obstacles, il m'a mis en liberté, vous diriez qu'il n'est plus dedans moy, qu'il vole dedans l'air tout prest de faire la volonté de Dieu, en quoy que ce soit.

que ce soit.

Vne femme desia aagée a monstré ie ne seay quoy de plus haut que le commun dedans ses deuotions: sa ferueur luy sit apprendre en vne demie heure vne Oraison assez logue qu'on leur fait faire apres la Communion, à peine l'eut-on proferée deux fois, qu'elle la recita de mot à mot, & la sit apprendre aux autres : elle a vn extreme desir de sçauoir tout ce qu'il faut faire pour contenter Dieu, elle sort de sa cabane & se retire quelques sois à l'écart pour faire sa priere; son cœur parle vn langage que personne ne luy a appris : Vous sçauez, dit-elle, ô mon Dieu, que ie n'ayme que vous, que rout ce qui est sur la

terre, ne m'est rien, vous seul connoissez l'estonnement & la ioye que i'ay de ce que vous m'auez donné la Foy & la grace devous connoistre, il me semble que rien du monde ne me sçauroit separer de vous, ie ne crains ny la pauureté, ny la douleur, ny la mort: ie sens neantmoins que s'ayme ma petite sille, mais ie vous ayme bien da-uantage; car si vous la voulez, prenez la, mon Seigneur, ie ne vous quitteray pas pour cela, ny pour chose aucune qui soit au monde.

Il n'est pas croyable comme les Sauuages qui viennét des autres contrées à Tadoussac, sont estonnez: les peuples renfermez dans les froids du Nord, entendans parler de cette nouvelle creace, s'en viennent par petites troupes les vnes apres les autres. On en a compté cette année deux cens d'une séule nation, qui voyans que des Sauuages préchent la Foy, ils écoutent, se presentent eux-mesmes & leurs enfans au Baptesme. Le Pere en a fait Chrestiens vne soixantaine cette année, ils se font instruire, ils offrent leurs prieres à Dieu dans la Chappelle qu'ils admirent, quoy qu'il n'y ait rien de si pauure: en vn mot, ils viendront tous petit à petit

CHRIST est venu allumer dessus la terre; leur vie est estrange, ils ne paroissent que quelques mois de l'année sur les riues du grand sleuue, & quelques-vns ne s'y arrestent que fort peu de jours. Tout le restent que poissons & aux bestes: apres tout, l'experience nous apprend qu'ils menent vne vie fort innocente, & qu'ils conseruent tres-bien les graces qu'ils viennent puiser dans les Sacremens de l'Eglise, aussi faut-il auotier qu'ils sont éloignez de tout ce qui sert d'aliment au vice & au peché:

Le Pere se voulant separer de ces bons Neophytes, leur laissa cinq Liures ou cinq Chapitres d'vn Liure composé à leur mode, ces Liures n'estoient autres que cinq bastons diuersement saçonnez, dans lesquels ils doiuent lire ce que le Pere seur

a fortement inculqué l'alle de l'Alle

Le premier est vn baston noir, qui leur doit faire souvenir de l'horreur qu'ils doit ment auoir de leurs nouveautez & de leurs anciennes superstitions.

Le second est vn baston blanc, qui leur marque les deuotions & les prieres qu'ils H ij 116 Relation de la Nouvelle France, feront tous les jours, & la façon d'offrit & de présenter à Dieu leurs petites actions.

Le troisième est un baston rouge, sur lequel est escrit ce qu'ils doiuent faire les Dimanches & les Festes, comme ils se doiuent assembler tous dans une grande cabane, faire les prieres publiques, chanter des Cantiques spirituels, & sur tout écouter celuy qui tiendra ces Liures ou ces Bastons, & qui en donnera l'explication à toute l'assemblée.

Le quatrieme est le Liure ou le baston du chastiment, aussi est-il entouré de petites cordeletes : ce Liure préscrit la façon de corriger les delinquans auec amour & charité: il faut accorder à leur ferueur ce qui est raisonnable, & retrancher les ex-

cez où ils se portent aysément.

Le cinquième Liure est vn baston entaillé de diuerses marques, qui signisse comme ils se doiuent comporter dans la disette & dans l'abondance, le recours qu'ils doiuent auoir à Dieu, les actions de graces qu'ils luy doiuent rendre, & l'esperance qu'ils doiuent toussours auoir en sabonte, notamment pour l'eternité.

Ces pauures gens se retirans dans les bois, se diuisent ordinairement en trois

en l'année 1646. 117

bandes: le Pere a donné au chef de chaque escouade ces cinq Liures ou ces cinq Chapitres qui contiennent tout ce qu'ils doiuent faire. C'est vn plaisir bien innocent de voir ces nouueaux Predicateurs tenir ces Liures ou ces bastos d'une main, en tirer vn de l'autre, le presenter à leur auditoire, auec ces paroles. Voila le baston ou le Massinahigan, c'est à dire le liure des superstitions, c'est nostre Pere qui l'a escrit luy-mesme, il vous dit qu'il n'y a que les seuls Prestres qui puissent dire la Messe & entendre les Confessions, que nos tambours, nos sueries & nos fremissemés de mammelles, sont des inuentions du manitou ou du mauuais demon qui nous veut tromper; & ainsi de tous cesautres Liures de bois qui leur seruent autant que les volumes les plus dorez d'vne Biblioreque Royale: Dieu parle aussi bien aux petits qu'aux grands, leur docilité les met à l'abry des foudres qui renuersent les esprits pleins d'eux-mesmes.

## 118 Relation de la Nouvelle France,

De l'habitation de Ville-Marie, en l'Isle de Montreal.

## CHAPITRE VIII.

A paix, l'vnion & la concorde, ont fleury cette année dans l'Isse de Motreal, l'asseurance a esté parmy les François, & la crainte a trouble de temps en remps les Sauuages. Auant que d'en rendre la raison, il sera bon de remarquer que. tout ainsi que sous le nom d'Iroquois, nous comprenons diuers peuples, les Annierronons, les Onisetchangns, les Onontagueronons, les Sentearonons, & quelques autres, de mesme aussi sous le nom & sous la langue des Algonquins nous logeons quantité de nations, dont quelques-vnes sont fort petites, & d'autres fort peuplées, les sasiechkarinisek, les Kichesipirinisek, ou les Sauuages de l'Isle, pource qu'ils habitent yne Isle quise rencontre sur le chemin des Hurons, les Onontchataranons, ou la nation d'Iroquet, les Nipisiriniens, les Mataschkairinisk, les Sagachiganirinisek, les Kinschebiirinisek, & plusieurs autres depuis la paix faite entre les Annierronnons, les François & leurs alliez: il s'est trouué pour l'ordinaire quelques-vns de toutes ces nations à Montreal.

Tel chat, autrement le Borgne de l'Isle, Tasichkaron Capitaine des Onontenataronons, & Makatesanakisitch Capitaine des Mataschkairinisek, s'estoient resolus de demeurer là, d'y passer l'hyuer & d'y planter du bled d'Inde au Printemps, les faux bruits qui coururent que les Annierronnons n'auoient fait qu'vne paix feinte, donnerent l'alarme au camp & sirent déloger Telsehat & sa troupe pour se retirer aux trois Riuieres. Les Onontchataronons, dont les ancestres ont autresfois habité l'Isse de Montreal, & qui semblent auoir quelque desir de la reprendre pour leur pais, tinrent ferme, & à leur exemple, les Mataschkairinisek.

A ces faux bruits il en suruint vn autre mieux fondé, qui pensa bannir de Montreal tous ces pauures Sauuages. Les Iroquois Annierronnons leur dirent que les Onciochronons & les Onontagueronons n'estoient point entrez dans le traité de

120 Relation de la Nouvelle France, paix qu'ils auoient fait aucc les Algonquins & auecles Hurons, & partant qu'ils se tinssent sur leurs gardes, pource que ces peuples estoient partis pour surprendre les Hurons, & de là venir fondre à Montreal. La terreur en saisit quelques-vns, qui s'enfuirent comme les autres. Tessehat qui s'estoit retiré des premiers, enuoye des messagers coup sur coup, pour presser ceux qui restoient, de descendre au plustost, qu'autrement ils sont tous morts; mais la chasse, comme il est croyable, les retient: en effet elle est excellente en ces quartiers, à cause que les animaux pendant la guerre, estoient comme en vn pays neutre, où les ennemis ne battoient ny la campagne, ny les bois. Ces deux escoüades ayans pris resolution de rester, nonobstant tous les dangers dont on les menaçoit, ont passé l'hyuer sans aucun mal, massacré des animaux en abondance, & cultiué quelques terres au Printemps. Cela me s'est pas fait sans crainte & sans terreur: car de temps en temps ils prenoient des ombres pour des homes, & des phantosmes pour des veritez. Il est vray neantmoins que ces peuples dont on les auoit menacez, estoient en arme. Nous auons

appris ce Printemps qu'ils ont quasi destruit vne bourgade d'Hurons, & que Tessehat remontant en son pays, a perdu l'vn de ceux qui l'accompagnoient dans vne embuscade qu'ils luy ont dressée. C'est vn ieune homme qui estant frappé d'vn coup d'arquebuse, fut rapporté à Montreal: jamais il n'auoit receu aucune instruction, & neantmoins il ouurittellement les oreilles aux paroles de I es vs-CHRIST, qu'il sit quasi croire à celuy qui le baptisa qu'il n'auoit receu ce coup de la mort que pour passer aussi-tost dans la vie par le moyen de ce diuin Sacrement, qui le porta en vn instant de la terre au Ciel. Si ces peuples ne font la paix, comme on espere qu'ils la feront, ou si les Annierronnons ne les empeschent de passer dans leurs terres, comme on les a priez, ils ne donneront aucun repos aux Sauuages qui se retireront à Montreal. Ces barbares ont tesmoigné qu'ils estoient amis des François, mais s'ils venoient chercher des Algonquins ou des Hurons, & qu'ils n'en trouuassent point, ie ne voudrois pas qu'ils rencontrassent des Europeans à leur aduantage : car lors qu'ils viennent en guerre, ils ne prennent point

122 Relation de la Nouvelle France, plaisir de retourner les mains vuides en leur pays; ils se font bien souvent des ennemis, quandils n'en ont pas. Descendons maintenant vn petit plus en particulier: comme cette Isse est en quelque facon frontiere des Iroquois Annierronnons, elle a quasi tout l'hyuer quelques ieunes gens de ces peuples qui viennent voir par curiosité les François & les Algonquins: ce fut vn bon-heur que le Pere Isaaclogues se trouua en cette habitation, car il les entretenoit dans l'affection & dans le desir de continuer la paix, les disposant petit à petit à luy prester l'oreille, quand il les iroit voir en leur pays.

Ces Barbares regardoient les lieux où ils estoient venus en guerre, où ils auoient massacré des François & des Algoquins, où ils auoiet pris des prisonniers, & quand on leur demandoit comme ils auoient traité ceux qu'ils auoient emmenez en leur pays: nous n'estions point presens, disoient-ils, quand on les emmena das nos bourgades, on ne les a point tourmentez. Nous sçauions bien le contraire: car vn ieune Algonquin qui s'est sauué d'entre leurs mains, nous a asseurez qu'il les auoit veu brûler tout viss, que les Iroquois

n'ont iamais traité aucun prisonnier auec plus de rage; qu'ils firent tous leurs efforts pour les faire pleurer, que ces pauures François ioignoient les mains au milieu des flammes, & qu'ils regardoient vers le Ciel; que les Algonquines captiues en ce pays-là les voyant dans ces horribles souffrances, ne pouuoient contenir leurs larmes, se baissant & se cachant pour pleurer. Ce temps de fureur est passé, ces monstres se changeront en hommes, & d'hommes ils deuiendront des enfans de Dieu. Ce peuple enflé de ses victoires, est superbe insques dans le pays de ses ennemis; l'vn d'eux disoiten chantant ces paroles en face des Algonquins: Ie voulois tuer des Algonquins, mais Onontio a arresté ma colere, il a applany la terre, il a sauue la vie à quantité d'hommes, voulant signifier que sans la paix, il auroit terrassé grand nombre de ses ennemis.

Quelques autres ayans rencontré vne petite cabane d'Algonquins qui chafsoient, les femmes les ayans apperceus, s'enfuirent dans le fonds des bois, excepté vne bonne vieille, qui n'ayant plus de jambes, sit de la resolue; ces Iroquois luy crient qu'ils sont amis à la bonne heure, répond-elle, entrez dans nostre cabane pour vous delasser : les hommes arrivans sur le soir, trouverent ces hostes qui se gaussoient de la crainte des Algonquins; mais ceux-cy leur repartirent gentiment: nous ne craignons que les méchans, vous estes bons, ce n'est-pas vous qui nous donnez de la peur, mais les Onotagueronons qui manquent d'esprit, vous ayant resusé d'entrer dans le traité de paix que vous auez fait auec nous.

L'vn de ces Iroquois qui sembloit auoir quelque bonne inclination pour les Algonquins, voyant que quelques-vns d'enrreux prioient Dieu, se glissoit ordinairement parmy cux, quand ils venoient à la saincte Messe: le Pere qui la disoit, s'en estant apperecu, le voulut faire sortir, il répond qu'il croiten Dieu, & qu'il a vn chappelet aust bien que les autres. Les Algonquins voyans cela, disent qu'il est Chrestien: demandez luy, fit le Pere, s'il est baptisé, & comme il s'appelle, qu'estce, repartit-il, que d'estre baptisé; c'est, luy ditle Sauuage qui l'interrogeoit, receuoir vne cau de grande importance qui esface toutes les taches & toutes les souilleures de nostre ame: luy qui s'imaginoit

que cette eau d'importance, dont ils vouloit parler, estoit desl'eau de vie, & qu'il n'y en auoit point de meilleure au mode: Ah! s'écria-il, les Hollandois m'ont souuent donné de cette eau d'importance, i'en ay tant beu que i'en estois si yure qu'il me falloit lier les pieds & les mains, de peur que ie ne fisse mal à personne, tout le monde se mit à rire de ce beau baptesme : il adjousta que les Hollandois luy auoient aussi donné vn nom; l'ayant prononcé, on trouua que c'estoit vn sobriquet, comme nos François en donnent

quelquesfois aux Sauuages.

Pour ce qui touche les Algonquins, le Pere qui a cu soin de cette Mission, les a pressez si fortement de se rendre à Dieu & de tirer de la terre vne partie de leur nourriture, que si la crainte des Iroquois supericurs & quelque mauuais genie ne les fait remonter en leur païs, il est à croire qu'ils composeront auec le temps, s'ils sont secourus, vne petite Eglise pleine de pieté. Il ne s'est pas hasté d'en baptiser grand nombre, les Payens mesmes l'en louent publiquement, disans que rien ne les éloignoit tant du Christianisme que la langueur de ceux dont la Foy n'a point d'ame. Les sleurs & les fruicts qui se precipitent, sont souvent accueillis du froid & de la gelée.

Entre ceux qu'il a baptisez, il y en a vn qui merite vne louange tres particuliere: il a poursuiuy son Baptesme auec vne constance toute aymable, il a donné des preuues de sa Foy toutes particulieres, i'en rapporteray quelques-vnes confusément.

Sa femme luy voulant procurer le Baptesme, car elle est fort bien disposée, le louoit de sa fidelité; il ne se met point en cholere, il ne va point courir la nuict dans les autres cabanes, hé las edit-il deuant que d'entendre parler de celuy qui à tout fait, ie commettois ces fautes : mais depuis que i'ay apris que cela luy desplaisoit, ie n'y suis point tombé, il y a trois ans que ie demande le Baptesme, iene me fasche pas contre ceux qui me le refusent; mais bien contre moy: car i ay beaucoup offensé Dieu. Voulant certain iour tesmoigner le desir qu'il auoit d'estre Chrestien: ie n'ayme rien tant au monde que le petuniou le tabac, disoit-il, ie ne l'ayme plus, quand on me parle du Baptesme: c'est à dire, que si pour estre baptisé il le

en l'année 1646.

127 falloit quitter, ie n'aurois plus d'enuie de petuner: ouy, mais luy replique Mademoiselle d'Allibout, si ta femme te vouloit empescher d'estre Chrestien, que férois-tu rie ne l'ayme pas, répond-il, i'ayme le Baptesme: c'est leur façon de s'enoncer pour tesmoigner leur ardeur, ie n'ayme personne, i'ayme le Baptesme: le Pere peut bien me le refuser; mais il ne sçauroit m'empescher de prier, & quad il me chasseroit d'aupres de luy, ie ne laisserois pas de croire en Dieu, en quelque endroit que ie me trouuasse. Ses ges l'ont souvent tenté, & sollicité de se trouver dans leurs superstitions, dans leurs festins à tout manger, dans leurs sucries, ou dans leurs estuues: ils luy disoient qu'il n'estoit pas encore baptisé, que cela luy estoit permis: non, dit-il, ie ne feray iamais rien qui déplaise à Dieu, quand ie ne serois point baptisé. Comme il n'estoit pas beaucoup plonge dans le vice, ce flambeau qui éclaire tous les hommes, qui viennent au monde, luy faisoit voir quelques rayons de sa lumiere deuant qu'il eut iamais ouy parler de Dieu: allant à la chasse, disoit il, ie formois cette pensée dans mon cœur, & quelquesfois

ie la proferois de ma bouche, quiconque tusois qui determines de la vie, & de la mort des animaux, faits que i'en tue pour ma nourriture, tu me feras plaisir. De puis qu'on m'eut instruit, ie luy parlois auec bien plus d'amour, & de constance. Poursuiuant cét Automne dernier vn ours, & ne le pouvant attraper, ie m'arreste tout court, ie me mets à genoux, & fais ma prière. Mon Pere, cét animal t'appartient, si tu me le veux donner, donne le moy, ie me leue, ie le poursuis, ie l'attrape, ie luy lance mon espée & ie le faits demeurer sur la place.

Cet hyuer se treuuant mal au milieu des bois, il sut contraint de se coucher sur la neige : comme il estoit échausse, la neige se sondoit sous luy, mais le froid la tournoit incontinent en glace : se voyant dans cette extremité, il se met à genoux, pousse de son cœur ce peu de paroles : se coure moy, mon Pere, si tu veux, tu le peus faire; mais sçache que tu ne me fascheras point, si tu ne le fais pas: si i estois baptisé, ie ne serois pas marry d'estre malade, ie ne craindrois point la mort, fais moy receuoir le Baptesme deuant que ie meure. Ces paroles dites, il se sent fortissé,

il se leue, poursuit vn cerf: mais comme les forces luy manquoient, il se met de rechefà genoux, toy qui as tout fait, donne moy cet animal; si tu me le veux donner tu l'as crée, il est à toy; si tu ne veux pas me le donner, ie ne laisseray pas de croire en toy. Il n'auoit pas acheue sa priere que la beste se tourne du costé où il estoit, il se cache pour ne la point épouuanter, s'aproche de son embuscade, il la tuë sans beaucoup de difficulté, puisse mettant à genoux dessus, il en remercia

celuy qui luy auoit donnée.

Le Pere qui l'instruisoit, se trouuant mal, il le vint visiter, & luy dit: mon Pere, conserue ta vie: si tu meurs, qui nous instruira? qui me baptisera? si nous estions tous baptisez, ie ne me soucierois pas que tu mourusses, & nous aussi: car la mort n'est point mauuaise pour ceux qui croyét en Dicu, puis qu'ils vot au Ciel mais ne te haste pas tant, mon Pere, attend que nous ayons tous del'esprit, il y en a beaucoup qui en veulentauoir: car ils commencent de prier Dieu. Le Pere luy repartit, tu presses tant qu'on te baptise, peut-estre que tu ne feras rien qui vaille, quand tu le seras? peut-estre que non, respondit-il,

car ie n'ay quasi point d'esprit: mais neatmoins si ie n'auois peur de parler en superbe, ie dirois que ie tiendray bon, & que ie scray constant, du moins i'en ay bonne enuie.

Ces espreuves ont augmente sa serveur, & restably l'estime de nostre creance dans l'esprit des Payens. La doctrine de les vs-Christ est adorable en soy: mais si on ne la voit resuire dans les actions des Chrestiens, son lustre ne paroist que tenebres

aux yeux des infidelles.

Ce bon Neophyte fut baptisé le iour de sainct Iean Baptiste. Monsieur d'Allibout, qui commandoit à ville-marie, luy fit porter le nom de ce grand precurseur de les vs-Christ: les François & les principaux Sauuages se treuuerent à son Baptesme, sa modestie vrayment Chre-Lienne ne l'empescha pas de respondre d'vne voix forte & constante à toutes les interrogations qu'on luy fit, passant mesme les limites qu'on luy avoit prescrites, de peur de trop de logueur, dans les ceremonies: il donnoit à tous coups des marques de sa foy, protestat qu'il la conserueroit, & desfédroit au peril de sa vie. Quad on luy demanda s'il renonçoit à ses superrions, au lieu de respondre par vn seul mot, il les nomma toutes en particulier deuant ses compatriottes. L'ay, dit il, jetté par terre toutes ces sottises, i'ay quitté la pyromantie ou la diuination par le feu; i'ay quitté les festins à tout manger; i'ay quitté les estuues ou les sueries superstitienses, les veues des choses éloignées, les chasons agréables au demo, i'ay quitté la divination par le fremissement de la mammelle, & s'il faut abandonner quelqu'autre chose, ie suis prest de le faire : ie n'ayme rien, ie ne m'ayme pas moy-mesme, i'ayme la creance & la priere, ce sont ses termes. Vn Capitaine Huron, nommé Iean Baptiste Atironta, se treuuanta son Baptesme, demanda de parler. Apres la ceremonie, la permission luy en estant faite, il apostropha nostre Neophyteen cette sorte: Monfrere escoute moy, ie te nomme ainsi: car en verité tu es mon frere, tant pour ce que nous n'auonsplus qu'vn mesme Pere, que pour autant que nous portons tous deux le nom de celuy que les croyans honorent presentement: tenons ferme en la Foy, ne t'estonne point pour les crieries de tes gens, & ne re mets pas dans l'esprit qu'ils doiuent

132 Relation de la Nouvelle France, tous croire: car tu serois trompé, ils ne sont pastous bien disposez: si tu te regles sur eux, ruseras bien-tost ébranlé, pour moy ie t'asseure que quand ie serois persequuté de tout le monde, & que ie me verrois à deux doigts de la mort, iamais ie nereculeray enarriere. Le Neophyteluy responditen peu de paroles fort modestes, i'espere que le respecteray toute ma vie mon Baptesme, & que la mort n'ébranlera point ma creance. Cecy se passa deuant la Messe, que ce nouveau Chrestien entendit pour la premiere fois, auec vne tres-grande consolation. Comme il estoit fort feruent, on l'instruisit en sorte qu'il fut trouvé capable de communier le mesme iour de son Baptesme. Dieu n'a aucun égard aux grands ny aux petits, en la distribution de ses graces : ces deux Sacrements firent vn changement si notable en cét homme qu'encore qu'il no fut pas ordinairement bien respandu, on remarqua neantmoins vne modestie en luy extraordinaire qui luy a continué iufques à maintenant.

Sur le soir estant venu voir le Pere qui l'auoit baptisé, c'est maintenant, disoit-il, que ie ne crains plus la mort, i'ay depuis

ce matin que mes pechez m'ont esté pardonnez, vne si grande enuie de voir mon Pere, qu'il me vient des desirs de mourir; mais que ie viue ou que ie meure, ie tascheray de ne point souiller mon Baptesme.

Vn Chrestien vn peu plus aagé luy dit: mon cadet, prenons courage, le chemin du Ciel semble vn petit fascheux, mais il ne l'est pas, quand on croid fortemét: c'est vne chose bien importante de le suiure, & bien mauuaise de le quitter : ce n'est pas pour viure long-temps en terre qu'on nous baptise; ce qu'on nous promet, est au Ciel, n'ayme donc plus ce qui est ça bas, puisque tu es baptisé pour aller la haut.

l'ay donné ma parole, i'ay, sit-il, respondu à celuy qui a tout fait, ie luy ay dit que ie croirois en luy toute ma vie, ie n'ay pas enuie de mentir; ie l'aymois deuant que d'estre baptisé. S'il me venoit quelque soge, ie le priois d'empescher le diable qu'il ne me trompast. S'il me venoit vne pensée de prendre vne seconde semme, il m'en venoit vne autre que ie le fascherois, & aussi-tost ie quittois ma pensée: si i'estois malade, ie ne luy demandois la guerison que pour estre baptisé: maintenant que iele suis, mon cœur n'a autre pensée

que d'estre auec luy.

Quelques iours apres son Baptesme, vn certain Sauuage qui est en quelque considerationparmy ces ges, & qui a pris nostre Neophyte pour son fils adoptif, depuis vn assez long-temps, comit quelque insolèce que le Pere iugea digne d'vne bonne reprehension. Ce barbare extremement superbe, se voulut fascher cotre nostre Neo. phyte, l'aborda & luy dist: Si vous ne reconnoissez Dieu pour vostre pere, ie ne vous seray plus enfant: si vous luy obeissez, ie vous obeiray: si vous le quittez, ie vous quitteray: vous fuyez le Pere qui nous instruit, quand il me frapperoit, ic Pirois voir: qu'est-ce qu'il yous a iamais demandé, sinon que vous aymassiez la paix, & que vous obeissiez à celuy qui a tout fait? Son Pere luy respondit, pout toy mon enfant, tu peux croire, tu peux aymer la priere, car tu n'es point méchant; c'est en vain pour moy que ie prierois, i'ay rop de colere & trop de malice, il me audroit aller tous les jours à confesse, & encor ne pourroi-ie m'amender. Vnsien oncle desia bien aagé, estant arriué à Montreal, aussi-tost nostre Neophyte l'aborde, le préche, l'incite à écouter les discours du Pere, il l'amene doucement, & pour l'engager, il luy dist: mon oncle, iamais, si vous croyez en Dieu, ie ne me separeray d'auec vous ny en terre, ny au Ciel; vous ne serez pas si tost baptise que ie vous obeiray en tout ce que vous voudrez; que si vous perseuerez au seruice des demons, il nous faudra separer de bonne heure; escoutez le Pere, & vous apprendrez qu'il y a vne autre vie que celle que nous menons en terre, bien differente des contes qui nous disent que les ames s'en vont où le Soleil se couche. Cét oncle luy promit qu'il se feroit instruire, mais en ce temps-là on sit descendre à Kebec pour quelques affaires le Pere qui entendoit la langue Algonquine: celuy qui deuoit aller en sa place, tardant trop au gré de ce bon Chrestien, il monte dans son canot, fait enuiron soixate lieuës de chemin auec vn bon vieillard, vient trouuer le Pere, & luy dit: Tu t'en es allé sans nous dire adieu, pendant que nous estions à la chasse, nous te venous requerir, retourne, mon Pere, tout le monde est triste là haut, chacun baisse la teste, per-

136 Relation de la Nouvelle France, sonne ne dit mot: ceux qui parlent, disent que tu n'as point d'esprit de quitter tes enfans. Le Pere fut touché & leur promit qu'il remonteroit, quand les vaisseaux pour lesquels il estoit descendu, seroient sur leur depart. Ce bon Neophyte remontant à Montreal, fut saiss en chemin d'vne sievre chaude, si violente qu'il le fallut décharger du canot, comme vn corps mort. Sa femme accourt & se lamente, tous ceux qui le regardoient, crioient que c'en estoit fait deux Sorciers & Iongleurs le viennent voir, & luy font offre de leurs chants & de leurs tambours pour le guerir: le suis Chrestien, respondit-il, ie ne crains point la mort: quand vostre art me pourroit guerir, ie ne m'en voudrois pas seruir. Vn Payen qui se trouua present, & qui a quelque bonne inclination pour la Foy, luy dist: Ie te sçay bon gré, c'est ainsi qu'il faut garder la parole qu'on a donnée à celuy qui a tout fait. Ce pauure malade fut rapporté la veille de S. Ignace, & le lendemain matin vn Pere de nostre Compagnie l'allant visiter, luy dit, qu'à tel iour estoit mort vn grad Sain& qui auoit grandement aymé la conuersion de tout le monde, qu'il estoit puissant auprés de Dieu, qu'il luy conseilloit d'implorer son secours; qu'au reste il s'en alloit celebrer la saincte Messe, & qu'il se souuiendroit de prier Dieu pour luy. Le malade se confesse, il a recours à Dieu par l'intercession de S. Ignace, & la sievre en vn moment le quitte il estoit ardent comme le feu, il se trouue frais, comme vn poisson, il repose fort doucement, en vn mot il est guery. Cela le toucha si fort qu'il voulut en donner la louange à Dieu deuant ceux qui l'auoient condamné à mort, il prepare vn festin du premier bled d'Inde cultiué par les Sauuages: les conuiez croyoient que c'estoit vn festin d'adieu,& qu'il estoit aux abois: ils entrent en sa cabane, le voyent sain & gaillard, l'écoutent auec estonnement. Ce ne sont pas, dit-il, les tambours qui m'ont rendu la vie, ie n'ay plus de commerce auec les demons; c'est le Dieu du Ciel qui m'a retiré de la mort: ils confesserent tous que cette guerison estoit extraordinaire, & qu'vn trespassé, comme ils le faisoient, ne pouuoit pas resusciter de soy-mesme & en sipeu de temps.

Ie coucheray en passant vne gentille response que sit sa femme: elle se nomme 138 Relation de la Nouvelle France, en sa langue Kamakatesingsetch, c'est à dire qui a la face noire. Le Pere voyant qu'elle se cabanoit auec ses gens sur vn petit ruisseau, luy dist en riant: Ie voy bien que tu te loges exprés sur le bord de. ces caux, pour te lauer, en sorte qu'on ne te nomme plus la face noire: tu veux changer de nom, tu veux estre appellée Kasbingsetch, c'est à dire la face blanche. Helas: mon Pere, respondit-elle, il n'y a que les eaux du Baptesme que tu me refuses, qui me puissent faire changer de nom: cette riuiere ne sçauroit blanchir mon ame : ce qu'elle desiroit si ardemment, luy a esté accordé depuis peu.

Pendant que le Pere estoit absent, vn ieune Chrestien se voulant marier, s'addressa à Madamoiselle d'Allibout qui entend assez gentiment la langue Algonquine: Puisque tu nous entends bien, luy dit-il, ne pourrois-tu pas bien suppleer au dessaut du Pere nous nous sommes donnez parole vne ieune sille Chrestienne & moy, ie te supplie, marie nous publiquement en l'Eglise: car le Pere nous dessend de nous marier en secret. Cette simplicité sit rire cette bonne Damoiselle, qui luy repartit, non sans quelque rougeur

qu'il falloit ou attendre le Pere, ou des-

cendre iusques à Kebec.

Vn vieillard aagé peut-estre de 80 ans, s'est retiré à Montreal: Voicy, dit-il, mon pays, ma mere m'a raconté qu'estantieunes les Hurons nous faifant, la guerre nous chasserent de cette Isle, pour moy i'y veux. estre enterré auprés de mes ancestres. Cer homme a esté guerrier, sa pensée estoit bien éloignée de nostre creance; estant tombé malade le Pere le visite, luy parle d'vne autre vie pleine de plaisirs, ou de douleurs: mais comme il ne pensoit qu'à la terre, il n'auoit point d'oreilles ny pour le Paradis, ny pour l'Enfer. Le Pere voyat que la douceur n'entroit point dans cette ame, le préchant certain iour fortextraordinairement auec des menaces d'vn supplice eternel, cela ne l'ébranla point. Les Sauuages Chrestiens de sa cabane épouuantez de cette opiniastreté, s'écriét: Prions pour luy, mon Pere, afin que Dieu luy donne de l'esprit, il ne sçait pas ce que c'est d'estre brûle pour iamais au pays des demons. Le Pere se met à genoux, & en suitte tous les Chrestiens, & mesme encore tous les Payens, il prie d'vne voix force, il coniure celuy qui a tant soussert

140 Relation de la Nouvelle France, pour les hommes d'auoir pitié de ce pauure miserable, qu'on ne croyoit pas deuoir passer la nuict, tout le monde repete mot à mot la mesme priere. Ce pauure vieillard estoné de cette façon de faire, fut touché, les larmes luy tombent des yeux, il s'écrie en sanglotant: le suis meschant, ie n'ay point d'esprit, ie quitteray bien aisément les festins à tout manger, les chants superstitieux; mais ma colere m'a rendu meschất par toute laterre, jusques aux riuages de l'autremer : Priez pour moy, disoit-il, pleurant à chaudes larmes, afin que toutes mes malices soient effacées. Le Pere le voyat bien disposé, le caresse, le pense luymesme: En vn mot ce pauure homme retourne encor en santé, il dit maintenant par tout que le Pere l'a guery, & qu'il luy a enseigné des choses qui le font reuiure.

Quand on luy disoit qu'il seroit vn iour dans la steur de son aage, & que cette steur ne stait riroit iamais, & que le Fils de Dieu s'estant fait homme, nous auoit acquis ce bon-heur, il ne pouuoit contenir sa ioye:

O Nicanis, ce que tu dis, est admirable, parle bien haut & m'enseigne souuent, c'est tout de bon que ie veux croire.

On ne pouvoit devant cette touche, luy

en l'année 1646.

faire reconnoistre ses offenses, il estoit le plus innocent homme du monde: l'estois bon, disoit-il, deuant que tous les Sauuages qui sont sur la terre, fussent nez, il se croyoit le plus aagé des hommes. Si tost qu'il fut touché, il parla bien vn autre langage, lil se disoit le plus meschant qui fut sous le Ciel; il inuitoit tous ses gens à écouter la doctrine de I E s v s-CHRISTS on l'entendoit la nuict prier Dieu, reiterant par vn long-temps vne mesme priere toute pleine d'affection, il se faisoit instruire comme vn enfant; se glorifiant quand il retenoit quelque poinct de nostre creance, il repetoit sa leçon pendant la nui &, souhaitant de sçauoir bien-tost ce qui estoit necessaire pour receuoir le Baptesme.

Il auoit esté pris plusieurs fois des Iroquois: Ie priois, disoit-il, celuy qui nourrit & qui conserue les homes, & ie croyois tousiours qu'il m'ayderoit à me sauuer, lors mesme que mes ennemis me brû-

loient desia.

Les abysmes de la prouidence de Dieu, sont extremement profonds. Cet homme qui a passé toute sa vie dans vne liberté de Sauuage, & dans la fureur de la guerre, 142 Relation de la Nouvelle France,

deuint vn petitagneau deuant sa mort, tout prest de lauer les taches de son ame dans le sang de celuy qui a voulu estre la victime & le sacrifice pour nos pechez.

L'vne des choses que nous inculquons plus fortement aux Sauuages, est d'auoir recours à Dieu du fonds de leur cœur, de le prier dans les besoins, & dese consier en sabonté & en sa toute-puissance: voi-cy ce quelques-vns d'entr'eux nous ont

rapporté.

Deux Sauuages Payens estans affamez poursuivoient vn Cerf; l'vn le suivoit à la piste dans le bois, l'autre traversoit vne riviere glacée pour luy couper chemin, se voyant tous deux hors d'haleine, ils se mettent à genoux, l'vn sur la neige & l'autre sur la glace, sans que l'vn sceut le dessein del autre; leur priere estant faite, ils se sent fortissez, ils reprennent courage, poursuivent leur proye auec plus d'ardeur, l'ayants lassée, la tuent, & se mettent à genoux sur son corps, remerciants Dieu de leur avoir donné à manger.

Deux ieunes Chrestiens ayant poursuiuy trop opiniastrément vn Elan, sans rien porter auec eux qu'vne épée, furent quatre iours dans la neige & dans la rigueur d'vn froid estrange, sans seu & sans autre abry qu'vn meschant bout de couverture tout vse qui leur servoit de robe, de liet, de seu & de maison. Se trouvans dans cette extremité, le plus soible des deux dit à son compagnon, ie n'en puis plus, ie suis mort, se tournant vers Dieu au sond de son ame. Il nous dist apres qu'il sentit tout à coup vne chaleur qui se répandit par tout son corps, & qui luy continua toute la nuiet, & par ce moyen luy sauva la vie & à son compagnon: car il le rechaussoit par cette ardeur, qui le faisoit, disoit-il, quasi suer.

Un Sauuage Payen, & d'vn tres-mauuais naturel, voyant son enfant aux abois, vient treuuer le Pere, & luy dit: tu nous dis que ceux qui sont baptisez, vont au Ciel, & qu'ils sont remplis de delices, viens donc, ie te prie, baptiser deuant sa mort mon enfant: car ie luy veux procurer ce bon-heur, l'amour naturel auec vn petit grain de Foy, sont capables de faire sauuer vne ame. Le Pere luy dit, pourquoy ne te procures tu pas ce mesme bonheur à toy-mesme? attends, dit-il, encore quelque temps, ie suis maintenant trop meschant. Le premier iour de l'an, on tira quelques pièces de canon des le poinct du jour pour honorer la Feste: les Sauuages allarmez accourent, demandent ce que c'est, on leur dit qu'à mesme jour le Fils de Dieu auoit esté nommé I e s v s : c'est à dire Sauueur, & que le bruit des canons donnoit à entendre qu'il le falloit honorer: allons, ce dirent-ils, les vns aux autres, & luy rendons ce mesme honneur: ils chargent leurs arquebuses, & sont vne salue fort gentille.

Le iour du sainct Sacrement, ils voulurent assister à la Procession: on sit marcher vne escouade d'arquebusiers François, les Payens estoient de la partie aussi bien que les Chrestiens. Ils marcherent tous deux à deux, auec vn bel ordre & vne belle modestie, depuis la Chappelle iusques à l'Hospital, où on auoit dressé vn beau Reposoir. Il est bien dissieile de voir Les vs-Christ honoré par des Barbares, sans en ressentir de la ioye iusques

au profond du cœur.

Pour conclusion de ce Chapitre, ie diray deux mots de grande consolation. Le Capitaine Huron, dont i'ay fait mention cy-dessus, ayant veu la beauté des bleds d'Inde de Montreal, a prisresolution d'aller

en l'année 1646.

145

ler querir sa famille, & d'en amener encore vne autre pour y venir faire leur demeure; s'il continué dans sa pensée, il ébranlera beaucoup d'Hurons, & ie ne puis douter que si les Iroquois plus hauts ne descendent point iusques à Montreal, cette Isle ne se peuple de Sauuage auec le temps, & que Dieu n'y soit honoré.

Le Pere Isaac Iogues qui est retourné aux Iroquois pour y passer l'hyuer, a dans ses ordres de faire tout son possible d'inciterala paix tous les Iroquois supetieurs, qu'il verra dans les bourgades des Annierronnons; & en cas de refus, il a commission de presser fortement les Annierronnons de les empescher de venir sur la Riuiere des prairies, par où passent les Hurons bornans leurs guerres sur le grand fleuue de saince Laurent bien loing au delà de Montreal, ou du moins de leur deffendre de ne point approcher de cette Isle, ny des pays qui sont vis à vis de leurs bourgades: comme estant en quelque facon de leur district. Si Dieu nous accorde cette benediction, cette Isle sera le centre de la paix : comme elle a esté l'objet de toutes les guerres. La patience, & la confiance emportent tout.

K

## 146 Relation de la Nouvelle France,

De quelques bonnes actions, et) de quelques bons sentimens des Sauuages Chrestiens.

## CHAPITRE IX.

7N François ne pouuant tirer vangeance d'vn tort qu'il croyoit luy auoir esté fait, prit resolution de faire tomber en peché le plus de Sauuages qu'il pourroit, afin de perdre le pays, n'ignorant pas non plus que ce mal-heureux Conseiller dont il est parlé dans l'Escriture, que le moyen de perdre vn peuple, c'est de le faire bander contre son Dieu: il caiole quelques filles, les inuite à boire à dessein de les enyurer pour passer d'vn crime à vn autte. Les femmes Sauuages ne sont non plus blasmées de leurs compatriottes, pour sçauoir tenir vne tace en main que les Angloises, ou les Flamandes: celles-cy ayant beu, cét impie s'approche pour les caresser: mais vné Chrestienne qui estoit de la bande, prit la parole. Ie voy bien ton dessein, mal-heureux que

en l'année 1646. 147

tu es : c'est le peché, & non la charité qui t'anime: Va meschant, n'a-tu point de honte, toy qui es baptisé dés ta naissance, de nous porter au mal, ne pense pas nous perdre par tes bien-faits, nous craignons celuy qui a tout fait, nous ne voulons pas l'offencer. Cet homme bien estonné perdit la parole, Dieule toucha par la voix d'vne semme, il va trouuer le Pere qui a

soin des Sauuages, il s'accuse ingenuement de sa faute, protestant qu'il alloit changer de vie, & de brisee, & qu'aulieu de scandaliser les Sauuages, il féroit son possible pour cooperer à leur conuerflower with a desirable of the contract

Wninfidele aymant passionnément vne fille Carechumene, la visite souuent, luy donne des indices de son amour, mais en vain car il est tousiours constamment rebuté: Ce miserable croyant que la Foy seule conservoit la pureté dans cette ame, ne parle plus de sa passion: mais il s'efforce de saper doucement ce qui luy fait resistance. Il iette des brocars contre la Foy, il se gausse de ceux qui croyent à des estrangers, en vn mot il reuoque nostre creance en doute. Cette bonne fille découurant sa malice, luy dit stute

148 Relation de la Nouvelle France, trompes bien fort, n'ayant pû m'ébranler d'vn costé, tu m'attaques de l'autre. Scache que la priere est la chose la plus precieuse que l'ayeau monde, tu m'osterois plustost la vie que la Foy. Ce frippon cstoit nepucu d'vne femme veritablement Chrestienne qui luy seruoit de mere, elle deseichoit tous les iours voyant ses débauches. Le Pere qui la conduisoit s'estant apperceu de son ennuy, luy en demanda la raison, helas i dit-elle, si quand quelqu'vn de nos amis est pris des Iroquois pour estre brûlé, nous en ressentons de la douleur quasi iusques à la mort: comment pourrois-je viure voyant l'vn de mes plus proches, lié par les demons, qui s'efforcent de le ietter dans vir feu eternel?

Vn autre infidele secourant une pauure veusue Chrestienne, luy demanda pour recompense ce que la pudeur & la loy de Dieu dessendent de donner helas! stelle, ce que tu desires, est hors de ma puissance, ie ne puis plus fascher celuy qui a tout fait : car ie suis Chrestienne : ouy mais, repart-il, qui te prestera secours dans ta necessité ? où trouveras-tu des robes, & des viures ? la Foy ne t'en donne-

ra pas. Ta parole ne vaut rien, les robes & les viures ne sont pas d'importance, la Foy est de prix & de valeur, cela dit, elle s'éloigne de cét impudent, & Dieu

ne l'abandonna pas.

Comme elle est d'une assez belle humeur, quelque temps apres un autre l'attaqua, tu ne sçais peut estre pas luy ditelle, que ie prie & que ie suis baptisée. A
ces paroles il tire un collier de 7. ou 800.
grains de Porcelaine pour l'ebloüir, elle
luy repart en se moquant de luy, ny toy
ny tes presens ne valent rien, la parole
de Dieu est considerable, si tu te veux
damner, damne toy tout seul, n'en trais-

ne point d'autres apres toy.

Vn ieune homme Chrestien, auoit parlé dans les bois à vne autre semme que la sienne: il ne sut passi tost arriué en la demeure des François, que ceux qui l'auoient veu, l'accuserent publiquement au Pere. Ce pauure homme assez coupable demande pardon de son offence, se vient confesser auec de grosses larmes, protestant que iamais plus il ne causeroit vn tel scandale. Son seul regret sur que le Pere luy auoit doné vne trop legere penitence, il demandoit permission de se battre soy-mesme.

K iij

150 Relation de la Nouvelle France,

Vne fille assez pauure ayant esté contrainte par la necessité, d'épouser vn infidele, se voyant mal traitée pour ce qu'elle prioir Dieu, se contenta de faire ses prieres en secret, sans se mettre à genoux deuant les Payens : les Chrestiens s'en estant apperceus en sont scandalisez, I'vn d'eux se leue publiquement dans la Chappelle, & apostrophant le Pere, luy dit, Mon Pere, écoute ma parolle: cette femme que tu vois deuant tes yeux s'est Jaissée tromper par le diable, elle s'est marice à vn meschant homme, qui la renduë fole, regarde maintenant ce que tu luy doibs dire ; puis se tournant vers elle, viens ça, luy dit-il, leue toy, seras tu sage doresnauant? confesse toy, & ouure tes oreilles aux paroles, que te dira le Pere. La pauure creature qui auoit desia quitté ce Payen, souffrit cette confusion auec vn grand regret de son offense, elle se confessa si candidement, & donna tant de preuues de la douleur, & de sa constance en la Foy, que le Pere en fur tout edifié. Jen de la mariante de la come de la

Cezele fait que les Chrestiens se tiennent en leur devoir, & que les Payens respectent la doctrine de les vs-Christ, & qu'ils ne l'embrassent point qu'auec vn

desir de la garder.

On ordonna à vn Chrestien qui auoit fait quelque faute en public, de baiser trois fois la terre en la Chappelle; comme il s'en acquittoit, vne femme desia aagée, luy dist, ne fais point cela pour satisfaire à nos yeux, il faut que tu sois marry au fond de ton cœur d'auoir faché celuy qui a tout fait; & iettant les yeux sur son camarade, qu'elle sçauoit estre coupable de la mesme faute, elle luy dist, & toy vn tel, tu penses peut-estre que ton peché n'est plus dans ton ame, pource qu'il n'est pas connu du Pere; Là, là, baise la terre aussi bien que ton compagnon, tu n'es pas plus sage que luy, appaisons Dieu quand nous l'auons offensé. Ce pauure garçon n'vsa d'aucune replique, il ne se fit point tirer l'oreille, & fut plustost à terre que la parole ne cessa en la bouche de cette femme: dont on modera doucement la ferueur.

A mesme temps vn homme se leuant, s'écria: puisque nos fautes sont publiques, c'est bien fait d'en crier mercy à Dieu publiquement: mon dessein n'est pas de blesser, mais de guerir: Leuez vous vne telle,

K iiij

chacun sçait que vous estes vne acariastre. Vous mon Pere, qui determinez des prieres & des fautes, ordonnez du remede necessaire pour faire reuenir l'esprit à cette fille: elle a des compagnes, qui ne sont pas plus sages que les garçons, si elles ne s'amendent, il les saudra punir aussi bien

que les autres.

Vne pauure vefue compatissant à son fils fort malade qu'elle aymoit comme l'vnique soustien de sa vieillesse, ne sçachant à quel Medecinauoir recours, vne Sorciere se presenta pour le guerir. C'estoit puissamment tenter vne pauure femme qui n'a autre appuy que son enfant: mais la grace fut plus forte que la nature, & Dieu plus puissant que les demons. Cette bonne mere respondit doucement, nous autres qui croyons en Dieu, ne nous seruons point de demons, i'ayme mieux perdre la veuë de mon fils que de perdre mon ame & la sienne: si ie suis pauure & delaissée, ce ne sera pas pour long-temps, il faut souffrir en ce monde, pour ne point souffrir en l'autre. La Sorciere se mit en cholere entendant la response de cette pauure affligée, l'appellant vne cruelle de ne vouloir pas sauuer la vieà son enfant;

à cela point de repartie, la patience est muette, quand ces paroles donneroient

de l'aigreur.

Dieu a confondu nos pensées & renuersé les fondemens ou les principes sur lesquels nous bastissions. Nous n'arrousions au commencement que les ieunes plantes, méprisant quasi ces vicilles souches qui paroissoient incapables de porrer aucun fruict, mais Dieu les a fait reuerdir tres-auantageusemet. Nous auons veu des homes & des femmes tres-aagez aussi feruens dans le Christianisme qu'vn Nouice de vingtans dans vne maison Religieuse. Vne vieille aagée d'enuiron 80. ans, auoit vn fils tres-bon Chrestien, c'estoit le baston de sa vieillesse & l'appuy de toute sa famille, ayant esté miserablement tué, sa pauure mere apporta six peaux de Castor pour faire prier Dieu pour son ame, mais on luy fit l'aumosne de son propre bien: car à peine eut-on pû trouuer vne persone plus pauure, il n'est pas croyable combien cette femme a la conscience tendre, & combien grand est le soulagement qu'elle trouve dans les Sacremens de la Penitéce & de l'Eucharistie. C'est là qu'elle noye toutes ses angoisses & tous

154 Relation de la Nouvelle France, ses ennuys, c'est là où elle puise des forces pour souffrir l'absence de quantité d'enfans que la mort luy a rauy, l'ayant laissée seule dans l'extremité de son aage: en vn mot qui la veut resiouyr, il luy faut parler du Ciel, elle a vne confiance si simple & si droite, qu'on diroit qu'elle est toute asseurée d'y entrer. Cela ne luy est pas particulier, plusieurs Sauuages marchans dans les voyes qu'on leur prescrit, se seruans des remedes que Dieu a laissez en son Eglise, s'en vont à la mort comme à l'entrée de la vie, sans peur, sans crainte, sans aucun trouble, se tenans asseurez qu'ayans gardé de bonne foy les conditions que Dieu demande dans le contract qu'il a passé auec nous de nous donner son Paradis, cette bonté supreme ne nous manquera pas de son costé. La droiture & la simplicité donnent de grandes asseurances auxames dociles.

Vne pauure femme souffrant de grandes douleurs dans vn corps languissant, disoit à celuy qui luy demandoit, si elle n'auoit point apprehension de la mort, pourquoy la craindrois-ie? puis qu'en mourant ie verray celuy qui a tout fait, helas! c'est mon bon-heur: mais neant-

moins ie ne demande rien ; Voicy toute ma priere: tues monmaistre, dispose de moy selonta volonté, ie ne veux rien autre chose.

Ce Chapitre ressemble à ces ouurages faits à la Mosaïque, il est composé de pie-

ces rapportées.

Vn Iroquois faisant du Thrason, se mocquoit de la mort deuant les Algonquins: il vouloit paroistre vn Guillaume sans peur, ou comme vn Samson qui seul brauoit les Philistins dans leur propre pais. Vn Algonquin à qui la Foy auoit desillé les yeux & donné de la modestie, luy dit, on void bien mon cher amy, que vous ne connoissez pas bien celuy qui abaisse & qui éleue quand il luy plaist, il n'y a pas long-temps que l'ombre des Algonquins vous faisoit peur, vous les méprisez maintenant, pour ce que leurs pechêz les ont exterminez: mais ne faites pas le superbe, la main qui les a frappez est capable de les guerir & de vous massacrer. Ce langage nouueau en la bouche d'vn Sauuage, Chrestien, n'eut point de repartie en celle d'vn superbe Iroquois.

Vne femme ne pouuant se deliurer de ses couches, soussirit quatre jours

156 Relation de la Nouvelle France, des douleurs extremes: celles qui la gardoient, accourent aux Peres: car ils sont en toutes choses le refuge & le conseil de ce pauure peuple. On leur donna quelques reliques de defunct Monsseur Bernard bien connu dans la France; à peine la gisante les eut-elle penduës à son col, qu'elle accoucha d'vn bel enfant, cela donna bien de l'estonnement à tous les Sauuages; Si bien qu'yn autre estant trauaillé d'vne violente fievre, & sollicité par quelques Payens d'auoir recours à leurs superstitions diaboliques, leur ferma l'oreille pour l'ouurir aux conseils des Peres qui luy firent porter cette mesme Relique. Le pauure homme desia condamné à mort de tous les siens, parut sain & gaillard en fort peu de temps,

C'est la coustume des Sauuages, d'assister sur le soir aux prieres dans la Chappelle, & de les faire encor dans leurs cabanes deuant que de prendre leur sommeil; Vnieune garçon estant à genoux en
ce temps-là, tomba soudainement en syncope; ses parens crient, l'appellent, le tirent tantost d'yn costé & tantost de l'aute, ils luy iettent de l'eau froide pour le
faire reuenir à soy: ce pauure homme ne

branle point, il demeure iusques à minuit, sans donner aucun signe de vie : on va donner nouuelle aux Peres qu'il est mort, s'ils ne trouvent quelque nouveau remede, on luy met ces sainctes Reliques sur la poitrine, à peine les a-il touchées, qu'il ouure les yeux, reuient à soy, & donne de l'épouuante à tous les assistans, qui ne pouuoient assez remercier Nostre Sei-

gneur d'vne guerison si soudaine.

On donna la mesme medecine à deux petits enfans malades : elle n'eut pas vn mesme effet, mais peut-estre vn meilleur. Les parens ayans appellé la nuiet precedente vn Sorcier pour chanter & pour souffler ces pauures petits, se rendirent indignes des faueurs de ce grand Seruiteur de Dieu pour la santé de ces petits innocens: mais leurs ames receues au Ciel joignant leurs prieres auec les siennes, obtinrent la conuersion de leursperes & meres qui apporterent de douze lieuës loin ces petits corps pour estre enterrez aues les Chrestiens, & promirent de suiure I E S V S-CHRIST, & de iamais plus ne se seruir d'aucunes superstitions. Le Sorcier mesme ietta son tambour au feu, se sit instruire & baptiser, & de l'heure que l'escryces remarques, ils viuent tous dans la crainte de Dieu, & dans l'o-

beissance de son Eglise.

Sainct Xauier se servoit aux Indes Orietales des petits enfans, pour donner la chasse aux Idoles qu'il faisoit mettre en pieces par ces mains innocentes. Le Pere qui a eu la charge de la Mission de Tadoussac, en a fait de mesme pour trouuer les tambours & les petits manitous, ou les demons cachez dans les sacs des Sauuages. Ces enfans ont rendu tous ces instrumens de superstition si ridicules qu'il n'y a plus personne qui s'en ose seruir, si ce n'est peut estre la nuiet & dans la profondeur des bois. Ces petites creatures découurent tous les mysteres de ces charlatans, ils reprennent hardiment ceux qui font quelque action messeante. Entr'autres, vne petite fille instruite au Seminaire des Meres Vrsulines ; ne man= quoît point d'auertir le Pere des desfauts qu'elle apperceuoit parmy ses compagnes, auec vn zelê & vne douceur enfantifie toute aymable. - Year tourish to

Vn Abnaquiois estant tombé malade à sainct Ioseph, fut sais d'vne sievre chaude qui le etta bien-tost dans vn de lire. Ses discours, & ses responses n'a uoientaucune suitte: mais ce qui estonna ses compagnons, & les autres Sauuages; fut que iamais il ne perdit la connoissance des choses qui concernoient son salut, si tost qu'on luy parloit du Baptesme, sa raison estoit toute pleine, si vous entamiez vn autre discours, il fermoit les yeux, & ne rendoit aucune response à propos: il demanda le Baptesme par signes, & par paroles, & par de grands tesmoignages qu'il en connoissoit la valeur. On l'interroge, il respond nettement & sans broncher. On l'examine, il satisfait, en vn mot, on le baptise, il meurt, & nous laissant une croyance que I e s vs-CHRIST luy auoit conserué la raison quasi miraculeusement pour le faire entrer dans la terre de promission, apres auoirestélaué dans la mer rouge de son sang. Il plaide maintenant dans les Cieux la cause de son peuple qui semble se voufaire instruire tout de bon.

Vne escouade de Hurons estans descendus à sainct Ioseph, les Chrestiens estans dans vne grande necessité de viures, se demandoient l'vn l'autre, pourrons-nous bien donner à manger à tous ces gens-là? comme ils disoiet cela, en voila vne partie qui sortans de leurs petits batteaux s'en vont droit à la Chappelle, se mettent à genoux, & sont leurs prieres. Vn Algonquin qui estoit allé saluer le sainct Sacrement, les ayant apperceus, vient donner aduis à son Capitaine que ces Hurons prioient Dieu. Est-il vray, sit-il, sus, sus, il ne faut plus consulter si on leur donnera dequoy disner, ils sont nos parens, puis qu'ils croyent aussi bien que nous, & qu'ils honorent la priere. La dessus ils se caresserent à la mode de la charité, par des actions plustost que par des paroles.

Dieu nous épouuante quelquessois par des ombres, pour nous faire exercer de veritables actions. Une famille Chrestienne chassoit au Castor, le bon-heur qu'elle auoit dans la chasse, sut trauersé par vne terreur qui sit du mal & du bien. Voicy comme l'histoire nous sut racontée par vne femme fort honneste, & fort vertueuse. Ayant pris nostre refetion sur le soir, & remercié Dieu selon nostre coustume mon mari, disoit-elle, soiyt vn bruit, comme d'vne personne qui nous ayant reconnu, trauersoit la riquiere

uiere sur laquelle nous estions, il demande si tous les chiens estoient dans la cabane, se doutant qu'ils pourroient bien auoir causé ce bruit : les ayant veu proche de moy, ie luy respondis que pas vn n'estoit dehors. Il preste l'oreille, il écoute comme ce bruit continuoit. Nous sommes découuerts, il s'écrie: Sauuez vous & vos enfans, l'ennemy nous enuironne, fuyez à la faueur de la nuiet, nous soustiendrons le choc, & nous mourrons icy, pour vous donner le loisir d'euader. l'embrasse aussi-tost l'vn de mes enfans, dit cette femme, ie donne l'autre à porter à vne miene parente qui m'accompagnoit, mon mary court aux armes, le ieune homme qui chassoit auec luy, se saisit en mesme temps de son épée & de son arquebuse, & pendant qu'ils se mettent en posture de combattre pour arrester l'ennemy, s'il approchoit, nous fuyons toutes éplorées nous déchirans les pieds & les jambes nues dans les halliers, heurtans les pierres & les bois abbatus que nous rencontrions. Les tenebres augmentoiet nostre frayeur, nous auons chemine & couru toute la nuict & tout le jour : enfin n'en pouuans plus, nous nous sommes reposées sur le

162 Relation de la Nouvelle France,

bord du grand sleuue, & par bonne auanture, voyans voguer vn canot de nos gens nous l'auons appellé. Il nous a prises, & apportées icy, où il est vray que nous sommes en asseurance: mais non pas sans douleur. Mon pauure mari, & son parent sont pris, & peut-estre à demy brûlez, & à demy rostis; & là dessus cette pauure creature, & tous les enfans, & les plus proches parentes, iettoient des cris & des larmes qui auroient amolly vn cœur de bronze. Le Pere qui estoit à sainct Ioseph, entendant ces cris, y court austi-tost. Ce triste spectacle l'emeut : quoy donc, fit-il, ces douleurs & ces cris resusciteront-ils des hommes morts? il faut prier pour eux, & non pas s'affliger sans mesure: helas mon Pere, respondit-elle, ce quime trouble & ce quim'afflige iusques au fond du cœur : c'est qu'ils sont morts sans se Confesser, le moyen de ne pas pleurer vne telle mort? ne crains point ma fille, luy dit le Pere, ie connois la vertu de ton mari, non seulement il est d'vne humeur paisible, & douce, comme tu sçay: mais ie t'asseure qu'il a vne Foy tres-viue, vne tres-grande crainte du peché, & vn tres-ardentamour de son Dieu,

en l'année 1646.

163

l'as-tu iamais veu en cholere, l'as-tu veu manquer vne seule fois de faire ses prieres depuis qu'il est Chrestien? helas menny, respondit-elle, nenny; tous les matins, & tous les soirs, & à chaque fois que nous prenios nos repas, nous faissons ensemble nos prieres, nous viuions comme des enfans. Il faut confesser que cet homnne a vn don de prieres qu'il n'entend pas luymesme, & que cette famille est l'vne des plus fauorisées du Ciel, de toutes celles qui se sont données à le s v s-Christ.

Cessons de pleurer, adiousta le Pere, prions Dieu qui les fortifie, s'ils sont encore viuans, & qu'il les loge en son Paradis; s'ils sont morts; mes larmes ny mes trauaux, n'ont point empesché mes prieres, repart elle, ie t'asseure mon Pere que dans nostre fuitte, mon cœur estoit toûjours auce Dieu; ie ne pensois pas tant à mes peines que le pensois à Dieu. Ie luy disois du fond de moname, loge les auec toy, fortifie les, ave pitie d'eux, écoute leurs prieres, éleue les au Ciel, & maintenant dans tous les cris que tu as entendus, & dans mes plus fortes angoisses, Dieu a tousiours esté dédans mon cœur, ie luy disen pleurant : tu es le maistre, fais ce

que tu voudras, sauue-les, voila tout ce que iete demande, il n'importe que ie souffre, ie t'ay fasché: mais tu es bon: aye pitié de moy, ie ne puis empescher mes sarmes, mon mas est trop recent: mais ie ne voudrois pour rien du monde fascher Dieu. Prie pour eux mon Pere

afin qu'ils soient bien-tostau Ciel.

Ces sentimens donnerent de l'estonnementau Pere : comme ces ames sont toutes ieunes en la Foy, il craignoit quelque murmure contre le Ciel, ou quelque rage contre leurs ennemis, veu mesme que le diables'efforce de persuader à ces peuples: que nostre creance n'apporte que des mal-heurs à ceux qui; quittent leurs anciennes façons de faire pour la receuoir. Adjoustez à cela qu'vne femme qui est chargée de quatre petits enfans, & qui n'a pour toute richesse, que les bras & les jambes de son mari, se trouue bien desolée dans vn tel rencontre : mais la Foy est vn grand thresor, elle a de puissants effets dans l'ame de ces bons Neophytes.

Aureste si tost qu'elle eut raconté son auanture, l'vn des Capitaines de sainct Ioseph, arma bien viste vne escouade de sesgens qu'il conduisit en la Chappelle,

où ils firent cette petite priere. I es v's prends de bonnes pensées pour nous, tu sçais bien que nous ne voulons point de mal à nos ennemis, donne leur de l'espritafin qu'ils viuent en repos. Nous t'auons prié pour eux: mais ils ne te veulent pas écouter. Fortifie nous, & nous ayde à leur coupper les jambes, afin qu'ils ne viennent plus nous chercher à mort. Nous croyons en toy, regarde nous, commande à tes Anges de nous accompagner afin que nous ne te faschions point. Ces paroles dites, & quelques autres pleines de ferueur, ils courent à leurs canots pour s'embarquer, & pour donner la chasse à leurs ennemis. A peine approchoient ils des riues du grand fleuue, qu'ils apperceurent deux canots, l'vn desquels entendant le bruit qu'on faisoit, s'écria, arrestezvous, nous sommes viuans. Tout le monde accourut au lieu de s'arrester: ces deux trespassez sans mourir, ou ces prisonniers. sans ennemis, diset qu'vn loup ceruier par son hurlement, & par ses allées & venuës à l'entour de leurs cabanes, les a trompez. A ces paroles la guerre fut terminée, chaqu'vnse mit à rire, on reporta les armes & le bagage, dans les cabanes. La deso-L 111

lation de ces bonnes gens se changea en ioye, & en action de graces qu'ils rendirent à Nostre Seigneur. Ils croyoient que ces ennemis sussent non des Annierronnons ou des Iroquois auec lesquels la paix continuë: mais des Sokoquiois qui tuerent l'an passé quasi à mesme temps deux ou trois des meilleurs Chrestiens de sainct Ioseph: comme il à esté remarqué és chapitres precedens: mais on nous dit que ces peuples ne sont pas pour soustenir la guerre contre nos Sauuages, & qu'ils se tiendront en repos.

De quelques particularitez du pays, (t) autres choses qui n'ont pû estre rapportées sous les Ghapitres precedens.

## CHAPITRE X.

V Sauuage d'une nation fort éloignée de Kebec, nous a dit que quad quelque personne de consideration est morte en son pais, ceux qui ont le coustean & la hache mieux en main, taillent. son portrait, comme ils peuvent & le plantent sur la fosse du trespassé, oignant & graissant cét homme de bois, comme s'il estoit viuant. Ils appellent cette figure Tipaiatik, comme qui diroit le bois ou le

portrait d'vn trespassé.

Ils ont encore vne autre coustume remarquable en ce pays là. Vn homme estant mort, sison pere ou son frere, ou quelqu'vn de ses proches parens, ou de ses amis, est allé en quelque voyage bien éloigné, ils luy font sçauoir la mort de son parentou de son amy, en cette sorte: ils vont pendre la chose signifiée par le nom du defunct sur le chemin par où il doit passer: par exemple, s'il se nomme Piré, c'està dire la perdrix, ils pendent la peau d'vne perdrix; s'il se nomme Siksas, c'est à dire de l'écorce de bouleau, ils en attachent vn morceau à quelque branche d'arbre, pour signifier que celuy qui portoit ce nom, n'est plus au nombre des viuans. Voicy qui semble bien estrange, si le parent a reconnu le signal, il entrera dans sa cabane sans jamais parler du defunct ny demander comme il est mort, ses parens n'en feront laucune mention : car en ne parle plus des morts, de peur d'at-L ilij

trister les viuans, si toutesfois on croit qu'il n'ait pas veu le signal, on luy dira

vn tel est mort, & voila tout.

Si vn Sauuage est tombé en quelque desastre, s'il a perdu quelqu'vn de ses proches, il laisse croistre ses cheueux sur son front, pour marque de son deüil & de son ennuy: Que si vous le voulez desiurer de cette peine, faites suy vn present auec ces paroles ou d'autres semblables: voila des ciscaux pour coupper les cheueux qui pendent sur ton front, s'il touche vostre present, il couppe ses cheueux, & quitte

fon ennuy.

On a desia dit dans les Relations precedentes, que si quelque homme de consideration ou fort aymé de ses parens est mort, on le fait resusciter en cette sorte: on ossire à quelque autre le nom du defunct auec vn beau present, s'il l'accepte il quitte son ancien nom, & en prend vn nouueau, & s'il n'est pas marié il espouse la vesue, prenant vn soin de ses enfans, comme s'ils estoient les siens propres: que si la vesue ne l'aggrée pas, il ne laisse pas de se porter pour pere de ses enfans. Il n'y a pas long-temps que cette coustume nous donna vne fausse alarme & vn faux scan-

dale. Le mary d'vne femme assez ieune estant mort, on sit porter son nom à vn ieune homme qui depuis peu auoit perdu sa femme: celuy-cy prend son bagage & se valoger en la cabane de la vefue, & se place auprés d'elle & de ses énfans : comme ils estoient tous deux Chrestiens, cela nous estonna: car on disoit qu'ils estoient mariezensemble. On appelle cette ieune femme, on luy demande si elle n'est pas Chrestienne, & si elle n'apoint quitté la Foy: Ie suis Chrestienne, respond-elle, & pour rien du monde ie ne voudrois quitter la Foy. Estes-vous remariée? non; Vn telieune home, n'est-il pas auec vous dans vostre cabane souy. Le voulez-vous espouser? non. D'où vient donc que vous le logez auec vous? le ne l'ay point appellé, demandez à ceux qui suy ont donné le nom de mon mary, pourquoy ils me l'ont enuoyé. Le Pere qui faisoit ces interrogations ne dist que deux mots à sa predication de cette coustume, en l'improuuant comme trop dangereuse: aussitost deux Capitaines le vinrent trouuer, l'asseurant qu'ils faisoient cela pour secourir la vefue & ses enfans : que s'il y auoit quelque mal, qu'ils banniroient cette façon de faire comme ils ont fait toutes les autres qu'on a iugé blasmables. On leur dit que s'il se vouloient marier on les espouseroit, autrement qu'ils se deuoient separer; ce qui n'empescheroit pas que ce ieune homme ne sit du bien à ces pauures orphelins: cela sur aussi-tost executé.

On donne en France vne somme d'argent ou quelque autre chose pour marier vne sille. Icy tout au contraire vn homme voulant espouser vne sille fait des presens à ses parens. Que si la sille, se marie deuant que les presens soient faits, & que le mari tarde à les faire, les parens retirent leur sille, & le mari demeure tout seul, comme s'il n'auoit point esté marié. De plus si vn Sauuage espouse vne sille d'vne autre nation ou d'vne autre bourgade que la sienne, s'il ne la renuoye quand elle est malade pour mourir aupres de ses parens, il doit enuoyer des presens pour les consoler sur sa mort.

On a bien parlé les années precedentes de quelques mouches qui brillent la nuit pendant l'Esté: comme des estoiles ou de petits slambeaux: si vous en prenez vne par sa petite aile, & si vous la passez douen l'année 1646.

171

cement sur vn liure, vous lirez dans le fond de la nuit, comme au milieu du iour. Il est vray que ce flambeau se cache & paroistselon le mouuement de ce petit animal. Outre ceste espece de mouches, il y en a d'autres qui au Printemps, paroissent en quelques endroits en sigrande quantité qu'on diroit en verité, qu'il neiges des mouches, tant l'airen est remply: il est vray qu'elles sont innocentes, que si elles picquoient, comme les cousins qu'on nommeicy des maringoins, ce seroit vn des fleaux d'Egypte. Homme du monde n'oseroit porter le visage ny les mains à decouvert pendant quelque peu de temps que cette pluye, & ces tenebres durent: l'air en ce temps-là n'a non plus de iour que lors qu'il tombe vne neige fort druë, & fort espaisse. Ie n'ay point veu à Kebec de ces armées: mais vn petit plus haut dans quelques Isles où on trouue de quatre sortes de crapaux. Il y en a denoirs, & deiaunes fort vilains, il y en a de blancs assez gros, & d'autres assez petits qui branchent comme les oyseaux; ils grimpent sur les arbres sautans de branche en branche, leurs pates sont propres à s'aggraffer. Ils ont yn cry resonnant qui

172 Relation de la Nouvelle France, approche bien plus du chant d'vn oyseau, que du croacement des grenouilles. En effet le premier qu'o entédit, fut pris pour vn oyseau; mais l'œil nous apprit que c'estoit vn crapaux. Ie ne sçay sion a remarqué qu'il y a icy des grenouilles que quelques personnes ont prises pour des taureaux, les entendant croacer: ce bruit est prodigieux pour la petitesse de leur corps. Elles sont mediocres dans leur genre, on en voit d'autres incomparablement plus grosses quine font pas tant de bruit.

Il setrouveicy vne espece de cerfs differens des communs de France. Nos Françoisles appellent des vaches sauuages: ce sont veritablement des cerfs: leurs branches n'ont point de rapport aux cornes de nos bœufs, & leurs corps sont bien dissemblables & bien plus haut montez: ces animaux vont en trouppes: mais pour se soulager pendant l'hyuer, ils se suivent les vns apres les aurres, les premiers frayas le chemin à ceux qui viennent apres. Et quand celuy qui ropt & qui ouure la neige, est las, il se met le dernier dans la route battuë. Les cerfs en France font le mesme en passant quelque riuiere quand ils se trouuent en troupe, à ce qu'on dit, ceux-

cy ne s'arrestent guiere en vn endroit marchans tousiours dans ces grandes forests. Les Elans font le contraire, quoy qu'ils marchent ensemble, ils ne gardent point d'ordre brouttans çà & là, sans s'éloigner beaucoup d'vn mesme giste. C'est ce qui faisoit dire il y a quelques iours à yn Sauuage qui se vouloit retirer, que les Elans estoient des François, & cette autre sorte de cerfs errans des Algonquins; pource que ceux cy vont chercher leur vie deçà delà dedans ces grands bois, & les François tiennent ferme cultiuans la terre au lieu où ils font leur demeure. Outre ces cerfs il y en a de deux autres especes; l'vne qui est semblable ou qui a beaucoup de rapport à nos cerfs de France. L'autre, qu'on croit estre cet Onager ou cet asne sauuage de l'Escriture. Ce seroit vser de redites que d'en vouloir parler en cet endroit. Ces bonnes gens voyent maintenant en leur pays vne autre espece d'animaux, dont ils n'auoient iamais eu connoissance. Cesot de petits taureaux, & de petites genisses qu'on ya fait porter auec de grands trauaux: leur estonnement sera bien plus grand, quand ils verront ces animaux labourer la terre, & traisner de gros

174 Relation de la Nouvelle France, fardeaux sur des neiges hautes de trois &

de quatre pieds, sans enfoncer.

Dans ce Chapitre ie donneray place à la peur & à la force de deux femmes. Le troisième de Iuillet deux femmes toutes mouillées depuis les pieds iusques à la teste, entreret dans l'habitation de Montrealselles estoient abbatues & toutes éplos rées, on leur demande le sujet de leur tristesse; comme nous descendions ça bas moy & ma fille, dit la plus aagée, nous auons apperceu des hommes que nous croyons estre de nos ennemis; la peur nous saississant nous auons abandonné nostre petit bateau d'écorce & tout nostre bagage, marchans & courans huict iours entiers dans ces grands bois, de peur de tomber entre leurs mains. Qu'auez-vous mangé depuis ce temps-là, leur dit-on? Rien du tout que des fruices sauvages que nous rencontrions par fois, & encore ne les cueillions nous qu'en courant. Mais commentauez vous pû aborder cette Isle sans canot? nous auons ramassé des bois que nous auons lié par ensemble aucc des écorces de bois blanc, nous nous sommes mises sur ces bois ramans auec des bastons & nous confians à la mercy des caux, ayen l'année 1646. 175

mans mieux estre noyées que de tomber entre les mains de personnes si cruelles, comme sont nos ennemis. Ces bois venant à se rompre, nous sommes tombées dans le courant, & apres nous estre bien debatues inous auds ratrappé nos bois qui nous ont conduit iusqu'au bord de vostre Isle. Remarquez, s'il vous plaist, qu'elles firent plus de deux lieuës sur ces bastons flottans, n'attendant que l'heure d'estre englouties dans la profondeur d'vn fleuue qui paroist comme vne mer au déssus de cette Isle. Apres tout, il ne fallut point de saignée pour les guerir de la peur : on leur donna à manger, elles firent seicher leurs robes, & les voila hors de leurs ennuys. La perte de leur canot, de leurs marchandises, de leurs viures, de tout leur bagage, ne les affligea pas beaucoup. Ce qui ne tient guere, s'arrache aisément: comme les biens ne sont pas profondément logez dans le cœur des Sauuages, da perte en est moins amere, ils se rient dans les naufrages & se mocquent du feu qui consomme leurs biens.

l'ay desia pretendu vne excuse sur la bigarure de ce Chapitre, voicy vne simplicité innocente. Vn Atticamegue qui n'auoit

176 Relation de la Nouvelle France, point frequenté les François, voyant qu'vn Pere regardant vn papier prononcoit des prieres, ce Sauuage fut rauy, il s'imagine qu'il entendroit bien ce papier, il le demande: tu n'y connoistras rien, luy dit le Pere, comment fit-il, il parle ma langue? Le Pere luy donne, il le regarde, ille tourne & retourne de tous costez puis se mettant à rire, il s'escrie en son Montagnais, Tap de Nama Nitirinisin, Nama Ninisitazabaten, en verité ie n'ay point d'esprit, ie n'entend point par les yeux. C'est vn beau mot qu'ils ont donné pour signifier qu'on sçait lire, Ninisitavabaten: c'est proprement à dire, i'entends parles yeux. Ce mot est composé de Ninisitzten, i'entends, & de Nizabaten, ie voy, de ces deux mors ils en composent vn qui signisie i'entendsen voyant: c'est à direie lis bien, ie connoy ce que ie voy? Leurs compositions sont admirables, & je puis dire que quand il n'y auroit point d'autre argument pour monstrer qu'il y a vn Dieu, que l'œconomie des langues Sauuages, cela suffiroit pour nous conuaincre. Caril n'ya prudence ny industrie humaine qui puisserassébler tant d'hommes pour leur faire tenir l'ordre qu'ils gardens

gardent dans leurs langues toutes differentes de celle d'Europe: c'est Dieu seul qui en maintient la conduite. Au reste il nefaut pas s'estonner qu'vn Sauuage admire l'inuention de peindre la parole des hommes: c'est veritablement vn secrét digne d'estonnement. Quoy que les Saunages soient sujets à la crainte, comme les autres hommes, & qu'ils soient moins resolus, & moins courageux dans leurs attaques que nos Europeans, si est-ce qu'ils font gloire de ne point branler, & de ne point reculer, quand on les veut frapper, où tout de bon, ou par feinte. Vn François tenant vne pertuisane, & faisant semblant d'en donner vn coup à vn Sau uage, le bléça en effet, pour ce qu'il se tint roide, sans esquiuer le coup; il ne se fascha pas neantmoins, voyant que le Françoisauoit fait cela en riant: ce qui nous estonna, fut qu'il cacha sa blessure, d'où il fut par apres fort incommodé, iamais neantmoins il ne voulut aucun mal à celuy qui l'auoit offensé, disant qu'il auoit fait cela par ieu.

On auroit peu remarquer allieurs ce qui suit. Les voyages qu'on a fait aux pays des Annierronnons, & la communication qu'on a euë auec eux, nous ont appris vn exemple assez remarquable de la iustice de Dieu. Les deux Iroquois qui tuerent de sang froid vn pauure François, aux pieds du Pere Isaac Iogues sont morts d'vne mort inconnuë; l'vn des deux estoit le plus grand, & peut-estre le plus fort

homme de son pays.

mesme Pere, ne l'a pas fait longue apres cette rage, & ceux qui luy rongerent les doigts, & à ses compagnons, & qui les traiterent auec plus de rage, ont est tuez des Algonquins en leurs derniers combars. On nous dit que la mesme iustice a pris connoissance de ceux qui ont si misserablement déchiré le Pere Bressany: le pays qui a consenty à ces cruautez est affligé de maladies qui peut-estre donneront. La vraye santé à ce payure peuple.

Voicy vn rencontre nouvellement arriué. Dix-sept soldats Dononiioté s'estas mis en embuscade blesserent à mort vn ieune garçon de la bande de Tessehat Capitaine de l'Isle, comme nous auons dit cy-dessus, & en outre prirent deux semmes dont l'vne estoit dessa fort aagée: comme ils s'en retournoient en leurs pays, traisnans auec eux ces deux pauures creatures, ils apperçeurent de en l'année 1646.

179

loin vn canot d'Hurons, & furent à mesme temps découuerts par ceux qui conduisoient ce canot; aussi-tost les Hurons qui faisoient trente soldats, se desembarquent pour aduiser à ce qu'ils seroient. Ceux Dononiioté font le mesme. Les vns ne sçauoient pas le nombre des autres, les Capitaines de ces deux petites trouppes donnent courage à leurs gens, ils les exhortent à ne point reculer, & à mourir plustost que de lascher le pied. C'est la coustume de ces Capitaines quand ils se trouuent proches des occasions, de tirer des bastons qu'ils portet exprés auec eux, & de les presenter à leurs soldats pour les ficher en terre, afin de protester par cette action que ces bastons sortiront plustost de leur place, qu'ils ne tourneront visage. Il arriue neantmoins tres-souuent que les bastons demeurans fermes, les soldats ne laissent pas de s'enfuir. Ceux-cy ayans fin chébien auant leurs bastons, & juréà leur mode qu'ils mourroient plustost que de bransler dans le combat, ceux Dononiioté viennent les premiers pour attaquer les. Hurons qui estoient derriere vne pointe. A leur abord il se sit yn grand cry de part & d'autre, selo la coustume des Sauuages, à qui ce bruit sert de trompettes, & de M 11

180 Relation de la Nouvelle France, tambours ; les Hurons s'imaginans que leurs ennemis les preuenans estoient en grand nombre, s'enfuirent aussi-tost dans les bois, à la reserve de ceux qui tinrent ferme aussi bien que leurs bastons, resolus de mourir sur la place: ceux Dononiioté ayans reconnu que le cry des Hurons à l'abord estoit plus grad que le leur, s'enfuirent tous, sans qu'il en restast pas vn seul, les cinq Hurons qui n'auoient pas lasché le pied, se trouvérent sans amys ny ennemys, ils se regardent les vns les autres bien estonnez : les deux femmes prisonnieres voyans que tout le monde couroit qui deçà qui delà se délient l'vne l'autre, & se sauvent dans les bois aussi bien que les autres : comme ils fuyoient sans ordre l'vne de ces femmes va rencontrer vn Huron, ils se reconnoissent: cette pauure prisonniere raconte sa fortune, dit que ceux Dononiioté n'estoient que dixsept. Le Huron tout surpris courtaussitost aduertir ses camarades, il crie tant qu'il peut, ils se ralient, & commencent à courir & à coupper chemin à leurs ennemis: ils font si bien qu'ils en attraperent vn qu'ils ameneret à Montreal, donnant la liberté à cette Algonquine prisonniere. Sa copagne plus aagée s'en estoit fuye si loin

que iamais ils ne la purent trouuer: elle reuient quelques iours apres toute seule auec l'estonnement des François & des Sauuages, qui admiroient come vne vieille auoit pû trauerser tant de terre, & tant d'eau, sans viures, & sans batteau, n'ayant ny cousteau, ny hache, ny forces pour faire vn pont permanent ou flottant sur vne estenduë d'eau de plus de trois lieues, L'amour de la vie ou la crainte de la mort a plus de force, & plus d'industrie que le feu & le fer. Monsieur d'Allibout s'efforça tant qu'il pût, de tirer ce prisonnier des mains des Hurons, pour faire la paix auec sa nation, il offrit de grands presens pour sa deliurance: mais' voyant que ces ieunes foldats le vouloient mener en leur pays, il les pria par vn present de luy sauuer la vie, & de le ramener l'an prochainà Onontio, à dessein de faire alliance auec ces peuples par l'entremise de ce prisonnier. Quelque temps apres trois cens Hurons estans descendus aux trois Riuieres, Monsieur nostre Gouuerneur leur recommanda de ne point mal-traitter ce prisonnier qu'on auoit menéen leur pays,& de le representer en son temps, suivat la parole qu'en auoient doné ceux qui l'auoient entre leurs mains. Soixante braues Chrestiens Hurons parurent en cette assemblée,

182 Relation de la Nouvelle France, où de la part des Iroquois furent faits des presens pour marque qu'ils goustoient la douceur de la paix, & pour asseurer les Hurons & les Algonquins, que s'ils tuoient quelqu'vn de leur nation dans leurs combats auec les Suntuaronous, que le pays ne prendroit point leur dessense. Dans ce conseil les Hurons destinerent quelques presens pour les Iroquois, supplias Ondesson: c'est le nom qu'ils donnent au Pere Isaac Iogues, de porter leur parole à ces peuples: ce qui leur ayant esté accordé, ce bon Pere partit bien-tost apres pour aller passer l'hyuer au pays de ces Barbares, où l'adorable Crucifié luy a fait & fera encore jouyr des fruicts de sa Croix.

Les vaisseaux arriuez extraordinairement tard, me contraignent de mettre en ce Chapitre vne action qui meriteroit vn volume tout entier. Nous auons receu cette année vn magnifique Tableau du Roy de la Reyne, & de Monsieur : c'est vn présent Royal de cette auguste Princesse, qui ne se pouuant faire voir en personne à sessujets nouuellement conuertis à Iesvs-Christ, leur enuoye vne Image des premieres grandeurs du monde. Cette bonté est rauissante: tous les François en ont ressent des ioyes toutes pleines de respect, & les Sauuages en ont témoigné de l'admiration au delà de nos pensées. Le Pere, à qui ce Tableau estoit enuoyé pour le produire à la veue de ce peuple, ayant assemblé les principaux de ceux qui sont en la residence de S. Ioseph, leur sit vne petite harangue, témoignant que ces grandes majestez demandoient le secours de leurs prieres, pour eux & pour leurs Estats. Que ne pouuant paroistre en personne en'ce nouveau monde, ils se faisoient voir dans leurs Portraits, pour asseurer par la bouche de leur Interprete, que leur plus grand desir estoit que tous les peuples de la terre reconneussent, & adorassent I Esys-Christ. Or comme c'est la coustume de ne point parler en public que les presens en la main, Monsieur nostre Gouverneur auoit donné trois robes, & trois arquebuses, que le Pere offrit aux trois Capitaines qui se trouuerent en cette assemblée: Iene suis que l'organe, leur dit-il, de ceux que vous voyez dépeints auec tant de grace, & de majesté d'as ce riche Tableau: Ils vous presentent des robes pour conseruer la chaleur de vostre pieté & de vostre deuotion, & des armes pour proreger la Foy, & deffendre tous ceux qui l'ont embrassée, & qui l'embrasseront. L'vn des Capitaines se leuant repartit en ces termes. Mon Pere, ce que tu dis, est admirable: mais pleut à Dieu que nous puissios voir en personnes ceux qui nous rauissent en leurs portraits. Il est vray que nous les croyons quasi viuans, leurs yeux nous regardét, & vous diriez que leur bouche nous veut parler: Mon Pere, tu nous empesche d'estre reconnoissans: car tu dis des choses trop grades; qui sommes nous pour obtenir de Dieu des benedictions pour nostre grand Capitaine, & pour son frere, & pour cette grande Capitainelle leur mere? C'est à vous qui conoissez la priere, de parler à Dieu. Il n'y a que 3. iours que nous sommes baptisez, nous nesçauons pas bien ce qu'il luy faut dire pour de si grads personnages nous l'aymons neantmoins, & nous luy dirons tout ce que nous sçauons; mais nous sçauons peu.

184 Relation de la Nouvelle France,

Pour la Foy, nous la garderons & la dessendrons toute nostre vie: encore qu'il n'y aît pas long-téps que le l'aye receuë, ilme semble que le l'ay aussi forte que si l'auois esté baptizé dés ma naissince: mais, mon Pere, instruy-nous, & nous apprend ce qu'il faut direà Dieu pour ceux qui nous donnent tant de secours, nostre cœur ayme, mais nostre bouchene sçait pas ce qu'il faut dire. Là dessus ils se mirent à genoux, & sirét tout haut leurs prieres par plusieurs reprises, entremélant des Cantiques qu'ils chantoiét aucc vn accord qui n'a rien de sauuage. Cela fait, ils se leuent tous bien estonnez de que ces portraits les regardoient de quelque costé qu'ils se tournassent. Ils passoient & repassoient en diuers endroits, prenans garde s'ils ne verroient point mouuoir leurs yeux, puis se mettans à rire ils s'écrioient, en verité, ils nous suivent des yeux en quelques endroits que nous allions.

Le Pere les voyant dans l'admiration, demanda à l'vn de nos Capitaines combien de Castors il estimeroit bien vn Tableau si magnissique: si ie respondois, repliqua-il, ie dirois vne mauuaise parole: il n'y a point de prix, mais bien du respect pour des choses si grandes. Les Castors ne sont rien, cela est quelque chose. Leurs yeux ne se pouuoient souler dans les regards d'vn objet si Royal. Ils expliquoient à leur mode toutes les particularitez de ce bel ouurage, témoignans des satissactions que le papier ne peut representer. Ces actions leur donnent dans la veue, & leur sont croire que le Dieu que les Grands adorent, est grand, & que la prière passe leur estime, puisque les Roys de la terre en demandent le secours de si loin, & de leurs sujets.

# RELATION

DE CE QVI S'EST PASSE'

DE PLVS REMARQUABLE


en la Mission des Peres de la

Compagnie de l'esvs.

# AVX HVRONS,

PAIS DE LA NOVVELLE

FRANCE, DEPVIS LE MOIS de May de l'année 1645. iusqu'au mois de May del'année 1646.





## AV REVEREND PERE ESTIENNE CHARLET

PROVINCIAL DE LA COMPAGNIE de Iesys, en la Prouince de France.

### ON REVEREND PERE,

L'obligation que l'ay d'informer V. R. de l'estat du Christianisme en ces pais, & de l'employ qu'y trouvent les Peres de nostre Compagnie, demanderoit de moy vne Relation plus longue que n'en ont fourny les années precedentes, si mon dessein estoit de vous faire vn recit de toutes les graces que Dieu va continuant sur nos trauaux au milieu de cette barbarier Mais sçachant bien qu'on attend des choses nouvelles, & qu'on prendroit pour des redites les actions de serveur, & les sentimens de pieté de mos Neophytes

4 Relation de ce qui s'est passe Chrestiens, qui peuuent auoir quelque ressemblance aux faucurs que cette Eglise auroit receu de Dieu, ces premiers années; ie mesuis resolu d'obeir en cela au sentiment le plus commun, & me retrancher dans vne brieueté plus étroite, n'elcriuant qu'vne partie des choses qui pourront paroistre nouuelles. Quoy que ie n'ignore pas que le Ciel a bien d'autres veuës que la terre, que le couronnement des graces de Dieu est la continuation des melmes graces, & que nostre amour, nos ferueurs, & nos fidelitez luy sont d'autant plus agreables qu'elles sont moins nouuelles. Ainsi pour les années suivantes nous nous condamnerions volontiers au silence, s'il ne se presentoit rien de nouueau; pourueu que nous vissions toujours cette petite Eglise fortisiée de ce mesme esprit qui l'anime dans sa naissance, que les mesmes graces du Ciel découlassent sur elle; & que les cœurs des nouueaux Chrestiens conceussent les mémes, sentimens que nous aurons pû remarquer en ceux qui les ont precedé. Dieu sans doute en tireroit sa gloire, & nous aurions suiet d'estre contens en vn ouurage, où il y auroit plus du sien que du nostre; &

aux Hurons, es années 1645. 6946. 5 alors ie m'asseure que les vœux de l'vne & l'autre France, du Ciel & de la terre se verroient richement accomplis. Nous auons besoin pour cét effet des prieres de toute la France, V. R. nous les procurera s'il luy plaist, & y ioindra les siennes & ses SS. SS. de V. R.

Tres humble & obeyssant seruiteur en N. S. Paul RAGNEAV.

Des Hurons ce 1. May 1646.

CHAPITRE I.

De l'Estat du pays.

Voy qu'à vray dire cette derniere année ne puisse pas estre appellée heureuse pour nos Hurons, toutefois leurs malheurs ayans esté moins frequents que par le passé, ie les puis comparer à ceux qui ayans esté abysmez pour vn temps dans l'orage de quelque tempeste, commencent à respirer de leur naufrage. La terre leur a esté plus liberale que l'an passé, le bled d'Inde, qui est le principal de

Relation de ce qui s'est passé leurs tichesses, estant venu quasi par tout à vneheureusematurité. Les lacs & les riuieres leur ont fourny du poisson auec abondance. Le trafic qu'ils ont eu aucc les nations éloignées, ne leura pas mal reusly. Tous ceux qui descendirent l'Esté dernier au magazin de Quebec & des Trois Rivieres, ayans trouvé tout le chemin paisible, par les soings de Monsieur de Montmagny nostre gouverneur, ont remply le pais de ioye, autant que de nos marchandises Françoises, dont ils s'estoient veus dépouillez depuis cinq ou six ans, par les Iroquois ennemis, qui rendoient ce commerce impossible, ou du moins si terrible, qu'il a cousté la vie & des martyres de seu, à la pluspart de ceux qui sont tombez entre leurs mains. Les maladies contagieus equi alloient depeuplants nos bourgades, les laissent maintenant en repos.

Il n'y a que la guerre qui tient les affaires en balance: car elle continue tousiours auec les quatre nations Iroquoises plus voisines de nos Hurons, n'y ayant que la cinquielme & la plus éloignée d'icy, qui ait entré das le traité de paix qui se comé cal'an passé. Le veux dire que dans les discal'an passé. Le veux dire que dans les discalian passé.

uers rencontres que nos Hurons ont eu depuis vnanauec leurs ennemys, les succez de leurs armes ont esse partagez.

Dés le commencement du Printemps vne bande d'Iroquois estant abordée proche d'vne de nos bourgades frontieres, à la faueur d'vne nuict tres-obscure, & s'e-stant cachée dans les bois, enueloppa vne trouppe de semmes qui ne faisoient que sortir pour le trauail des champs, & les eurent enleuées si promptement dans leurs canots, que deux cens hommes en armes, qui accoururent aux premiers cris; ne peurent arriver assez tost pour en sauuer aucune, sibien pour estre les témoins des tristes larmes de leurs semmes, de leurs meres, & de leurs enfans qu'on emmenoit captifs.

Sur la fin de l'Esté, les Iroquois & nos Hurons ayans pris la campagne de part & d'autre, & s'estant trouvée au rencontre dans le milieu des bois; nos Hurons s'essentiettez d'vne contenance si resoluë sur l'ennemy retranché dans vn fort, où isauoit passé la nuict, que la victoire estoit dé-ja demy gaignée, si leur conduite eût respondu à seur courage. Les Iroquois demandent à parlementer, protestent

8 Relation de ce qui s'est passé qu'ils n'ont que des desseins de paix, ils jettent bas leurs arquebuses, & les lient en pacquet, pour témoigner que mesme ils n'ont pas dessein de combatre, quand bien on voudroit tous les massacrer: ils font paroistre de grands coliers de pourcelaine qui éblouissent les yeux de nos Capitaines Hurons, ils presentent à la reunesse plus affamée quantité d'orignac, des Cerfs & des Ours entiers qu'ils auoient pris faisants chemin; ils inuitent les plus anciens à vne conferance amiable, & distribuent quantité de petun, pour cependant entretenir le reste de l'armée.

Durant ce pour-parler vn Iroquois qui autrefois auoit demeuré fort long-temps icy captif dans les Hurons, & s'estoit naturalizé auec eux; mais depuis ces dernières années auoit esté recouuré par les ennemis, leur donna luy seul la victoire. Cét homme se détache des siens, se iette dans l'armée Huronne, où ayant apperceu quelques-vns de remarque, mescontens de n'auoir point esté appellez à ce conseil de paix, il iette la dessance en leur esprit, fait entendre aux vns qu'il ya de la trahison, corropt les autres par presens,

ensin il iouë si bien son personnage, que ceux-cy s'estans retirez de l'armée, & les autres ayans pris l'espouvante, tout se trouvant dans le desordre, l'ennemy reprit ses esprits, & se ietta sur ceux qui ayans perdu les pensées de combattre, se virent vaincus dans seur victoire, les vns estans massacrez sur le lieu, les autres entraisnez en captivité, la plus grande part n'ayant trouvé son asseurance que dans la fuitte.

Nos Hurons aussi à leur tour ont eu du succezien leurs armes, ont mis en suitte l'ennemy, en ont remporté des despoüilles, & quelque nombre de captifs, qui ont serui de victimes à leurs slames, & aux feux de ioye qu'ils en ont fait, auec les eruautez ordinaires à ces peuples.

Ie ne parle point de divers massacres qui se sont faits de part & d'autre, comme à la derobée; quoy que ie ne puisse taire deux actions de courage qui meritent de

trouvericy quelque lieu.

Nos Hurons ayans eu aduis d'une armée qui auoit dessein sur le Bourg de Sain & Ioseph, y attendoient cet ennemy bien resolu de le combattre. La ieunesse fait la garde de nui & montant au haut de

Relation de ce qui s'est passé leurs guerittes, & poussant divers chants de guerre d'vne voix si terrible, que les campagnes & les forests voisines la portants encore plustoin, on ne peut pas douter qu'on ne soit preparé au combat. Quelques auanturiers Iroquois qui nonobstant ces cris, auoient secretement fait leurs approches, firent vn coup assez résolu. Voyans que le sommeil faisoit taire ces sentinelles, l'aube du jour qui commençoit à poindre, leur ayant entierement osté les desiances de l'ennemy; vn d'eux grimpe seul comme vn escurieu, au haut de la gueritte, y trouue deux hommes endormis, il fend la test à l'vn, precipite le Teconden bas, & le iette à ses compagnons qui luy écorchent & luy enleuent la peau de la teste, tandis que le meurtrier descendoit, & se sauuerent tous d'vne course si prompte que les Hurons accourus à la voix de ceux qu'on égorgeoit, ne peurent iamais les atteindre.

Pour vanger cet affront, trois Hurons quelque temps apres, firent vn coup non moins resolu. Apres vingt iournes de chemin, ils arrivent à Sonnontouan, le plus peuplé des villages ennemys, y trou-uans les cabanes fermées, ils en percent

aux Hurons, és années 1645. 65 46. 11 vne par le costé, y entrent dans le silence & l'obscurité de la nuiet, y rallument les feux qui s'y estoient esteints: à la faueur de cette nouvelle lumiere, chacun choisit son homme pour luy fendre la teste, leur enleuent la cheuelure, à l'ordinaire des vainqueurs, mettent le seu dans la cabane & l'espouvante dans le Bourg, d'où ils se retirent auec tant de bon-heur & d'adresse que iamais plus de neuf cent guerriers ne peurent arrester leur suitte.

Cesont les guerres de ces peuples, dont le sseu n'a pas tombé sur les seuls infideles: plusieurs de nos Chrestiens ayans esté tuez ou pris dans ces rencontres, & nous ayans laissé cette seule consolation, que le Ciel se trouve chaque année enti-

chy denos pertes.

#### CHAPITRE, II.

## De l'Estat du Christianisme.

L'ite Eglise, naissante au milieu de la barbarie, est de la comparer à vne armée qui est dans le combat, & qui estant partagée

Relation de ce qui s'est passé en diuers escadrons, se void affoiblie d'yn costé, enfonce l'ennemy de l'autre; & quoy qu'elle souffre des pertes, se soustient inuincible en son corps, & demeure victorieuse dans le camp de bataille; non pas exterminant son ennemy, qui toujours va renouuelant ses combats, mais sefortifiant elle mesme aucc gloire, plus elle

est attaquée.

Nous auons changé en residences, les Missions que nous faissons aux Bourgs de la Conception de S. Ioseph, de S. Ignace, de S. Michel, & de S. Iean Baptiste, qui ont occupé cette année dix des nostres. La mission du S. Esprit ne peut auoir de. demeure asseurée, n'estant pas vne chose possible de fixer cinq ou six nations Algonquines & errantes, qui sont respanduëssur les costes de nostre grand lac, à plus de cent cinquante lieues d'icy; & à la conqueste desquels nous n'auons pû toutefois enuoyer que deux de nos Peres. Deux autres sont demeurez en nostre maison de Sainte Marie, qui est le centre du pais, & le cœur de toute nos missions: d'où nous taschons de fournir aux necessitez de toutes nos Eglises, & où trois sois depuis vnan, nous auons eu la consolation

de nous voir reunis, pour y conferer des moyens necessaires à la conversion de ces peuples, & nous y animer mutuellement à tout souffrir, & faire ce que nous pour-

rons, afin que Dieu y soit Adoré.

Pour moy qui reste le dernier de quinze de nos Peres qui sont icy, ien'ay point eu de partage arresté, afin de pouvoir me détacher plus librement, parcourir toutes les missions, & demeurer en châque lieu autant que les necessitez presentes m'obligeoient d'y faire sejour D'où en suitte l'ay eu la consolation d'estre tesmoin des ferueurs de ce nouveau Christianisme respandu au milieu de l'infidelité, d'y admirer le courage de ces bons Neophytes, & d'y voir des sentimens de piete si detachez de la nature, qu'il faut de necessité aduouer que vrayement Dieuestlemaistre des cœurs, que la Foy ne dedaigne point les barbares, & que le sain & Esprit ne met point la difference entre nos ames, que l'œil pourroit trouver entre nos corps.

En chacune de ses Eglises, nous y auons basty des Chapelles assez raisonnables, nous y auons pendu des Cloches qui se font entendre assez loin, & par tout la pluspart des Chrestiens sont si soigneux

Relation de ce qui s'est passe d'assister à la Messe qui se sonné au leuer du Soleil, & le soir de venir aux prieres, auant mesme que le son de la Cloche les en ait aduerty, qu'il est aisé de voir que cette diligence est ensemble vne des causes & vn fruit de leur ferueur.

Les Dimanches ils redoublent leurs deuotions, s'y disposans deux & trois iours auparauant, nommement ceux qui ont dessein & permission d'approcher de la Sainte Table: & tous les Chrestiens ayans pris cette sainte coustume de iamais ne passer la Semaine, sans s'estre confessez.

Sur le Midy ils s'assemblent au son de la cloche pour le Sermon ou Catechisme, & en suitte ils dissent leur chapellet, quelquesois tous de compagnie, quelquesois partagez en deux chœurs, & plus souuent se succedans les vns aux autres, asin de remplir plus sainctement tous les momens de ce Saint jour.

Cette année nous auons baptizé cent soixante & quatre personnes.

May Parada Manah

#### CHAPITRE III.

Actions remarquables du zele de quelques Chrestiens.

I Viqu'à maintenant le zele de nos Chrestiens s'estoit, ce semble, retenu dans les cabanes au milieu de quelques assemblées, du moins n'auoit-il pas paru si publiquement & auec tant d'esclat qu'il s'est fait du depuis reconnoistre: Lors que le feu embraze puissamment yn cœur, il faut ensin qu'il se sasse au dehors, pour embrazer les autres des mesmes ardeurs qui le consomment.

Tout le pais estoit assemblé dans le Bourg de S. Ignace pour y bruler vn pauure mi-serable captif, qui ayant quasi autant de bourreaux que de spectateurs, essançoit des cris esfroyables, qui alloient animants la rage & la cruauté des Hurons, bien loin de tirer de leur cœur aucun mouuement de pitié. Au milieu de ces cris & de ces

feux barbares, ce bon Chrestien animé d'un seu plus divin, s'ecrie publiquement à tout ce monde. Escoutez insideles & voyez en cét homme l'image du mal-heur qui vous accueillira pour une éternité: qui pourra de vous autres soustenir la cholère d'un Dieu, la rage des demons, & s'aprinoiser à des stammes toujours impitoyables, pour ceux qui auront resusé en ce monde d'éprouver les bontez de Dieu, d'obeir à ses loix, & reconnoistre son pouvoir?

lamais on n'auoit entendu au milieu de ces cruautez de semblables harangues: on est arresté des menaces si estonnantes de ce nouveau predicateur. Non, non, mes freres, adiouste-il; ne croyez pas que ie veille arracher ce captif de vos mains, ny procurer sa liberté: le temps de tout son bon-heur est passé, & maintenant qu'il brule dans les slammes, la seule mort peut mettre sin à ses miseres: Mes compassions sont pour vous mesmes; car ie crains pour vous, insideles, des mal heurs mille sois plus terribles, & des slammes plus deuorantes, à qui vostre mort donnera le commencement, & qui iamais n'auront de sin.

Apres auoir long-temps parle des hor-

reurs

aux Hurons, és années 1645. CF 46. 17 reurs de l'Enfer, & sur tout de l'eternité deses peines: Mes freres, leur dit il, ce n'est pas encore pour vous vn malheur sans remede: adorez ce grand Dieu qui a creé & les cieux & la terre, & tremblez à la veue de ses iugements effroyables; alors l'Enfer n'aura plus de flammes pour vous: mais si la mort vous surprend dans l'infidelité, ces fournailes ardentes, & ces feux sousterrains seront vostre partage, le desespoir vous saisira pour yn iamais, & alorstrop tard vous croirez; estans tombez dans ce malheur, que nostre foy est veritable, que les Chrestiens ont choisi le meilleur party, & qu'ils ont raison de trembler, & craindre pour vous, autant que pour eux mesmes, vn peril dont tous les hommes ne peuuent auoir assez de crainte.

Plusieurs des assistants furent touchez d'un sisiene doubte point que les Anlies maisiene doubte point que les Anges du Cielne l'allumassent puissammét, du moins parut il esticace pour le salut de ce pauure captif, qui au plus fort de ses miseres, trouua le commencement de son bon-heur.

Estienne s'approche de luy: Mon ca-

Relation de ce qui s'est passé marade, luy dit-il, ie n'ay point de flammes & de tisons en main, ny de tourmens pourtoy; ne crains point mes approches, ie ne songe qu'à te faire du bien. Ton corps est en vn estat deplorable, ton ame est pour bien-tost s'en separér, elle seule viura pour lors, & sera capable ou de bonheur, ou demalcheur, selon l'estat auquel tu te trouueras à la mort. Si tu veux inuoquer auec moy vn elprit tout-puissant, qui luy seul a creé nosames, qui veut le bien de tous les hommes, & qui les ayme; il t'aymera pour vn iamais, attirera ton ame à soy, & dans le Ciel tu seras à iamais bien-heureux auec luy. Ceux qui manquent de l'honnorer, n'ont point de part dans celieu de bon-heur, les demons qui habitent sous terre, entrainent leursames captines, & comme elles sont immortelles, ils leur font souffrir des cruautez & des tourmens, qui iamais ne trouveront de fin.

Ce pauure homme demy rosty, commence à respirer à ces nouvelles: Helas, dit-il, est-il donc vray qu'il y ayt vn lieu de bon-heur dans le Ciel, pour ceux mesmes qui sont miserables en ce monde? Quelques Hurons deceux que nous auss aux Hurons, és années 1645. 69 46. 19 brulé, nous racontoient ces choses, & se consoloient dans les flammes, attendans, disoient-ils, ce grand bon-heur du Ciel: nous pensions que c'estoient des fables, est-il donc vray que cesoient veritez?

Estienne continue à l'instruire, & trouuc vn cœur tout disposé à nos mysteres, qui ne souspire que le Ciel, & qui quatre ou cinq fois demande le Baptesme. A ces mots les Hurons infideles commencent à apporter des resistances, & à s'opposer puissamment au salut de leur ennemy, crians qu'il falloit que son ame fut brulée à iamais des Demons de l'Enfer, & que si cux mesmes pouuoient perpetuer ses peines, iamais elles n'auroient de fin. Estiennevoulant haster son coup, cherchant de l'eau pour ce Baptesme, ne trouue prés de soy que des feux & des flammes. Il fend la presse & court en haste dans les cabanes querir de l'eau : enfin ayant essuyé mille iniures & bon nombre de coups, vn chacun le poussant pour luy faire répandreson cau, sa charité fut plus forte que leur malice, & son zele se rendit victoricux de tout, & embraza si puissamment le cœur de cepauure home de douleurs, qu'il sembloit s'oublier de son mal, ayant

Relation de ce qui s'est passé receu le sainct Baptesme, & n'auoir plus de voix, sinon pour s'écrier qu'il seroit heureux dans le Ciel.

Au retour, commeles Chrestiens vouloient se coniouir auec Estienne de son
zele: Helas, mes freres, leur dit-il, ie suis
vn ver de terre, ce n'est pas Estienne qui a
fait ce Baptesme, mais nostre Seigneur
qui fortissioit ma foiblesse, & me mettoit
dans le cœur les paroles qui sortoient de
ma bouche: i'auois Communié ce matin,
& désors i'ay senti vn seu qui me brusoit,
& que ie n'eusse pap contenir en moymesme: si Dieu ne me poussoit au peu de
bien que ie puis faire, ie ne serois puissant
que pour le mal & le peché.

A propos de cét Iroquois baptizé, ie me souviens du zele d'une pauure vesue Chrestienne, nommée Anne Outennen, qui quoy que moins public, n'ayant quasi eu que Dieu seul pour tesmoin, ne me paroist pas moins aimable. On parloit de bruler un captis nos Peres auoient de la peine à trouveraccez prés de luy, les Hurons insideles apportans de plus en plus tous leurs efforts, pour empescher les Baptesmes de leurs ennemis. Cette bonne Chrestienne touchée du salut de cette

aux Hurons, es années 1645. 646.21 ame, s'estant mise à prier pour elle, se sent poussée d'aller prendre vne hache, qui luy restoit, & qui estoient ses plus grandes richesses: la va secretement offrir à ceux qui auoient soin de ce captif, tâchant de leur gaigner le cœur, afin qu'ils ne s'opposaisent plus au Baptesme de cet homme destiné à la mort. Mais sans doute que cette charité gaigna encore plus puissamment le cœur de Dieu; car en suitre nos Perestrouverent non seulement vn accez fauorable aupres de ce captif, mais luy trouuerent vne ame si disposée à receuoir la foy, qu'ils virent bien que le sainct Esprity trauailloit plus qu'eux, & qu'il falloit qu'vn si sainct zele luy cust merité cette grace.

Quelques Chrestiens du Bourg de S.
Ignace, craignans cet Automne dernier,
que les Capitaines insidéles ne sollicitassent les plus soibles de cette Eglise aux
superstitions du pais, & ne destournassent
de la soy ceuxqui n'y auroient pas encore
assez de fermeté, se resolurent d'eux mesmes de preuenir la tentation. Ils vont
trouverces Capitaines, seur portent des
presens pour le sisque public, & ses prient
de la isser leur Eglise en repos. Nos Peres

22 Relation de ce qui s'est passé en ayans appris la nouvelle, au lieu de s'en conioüiraueceux, temoignent n'en chre pas contens, & craindre au moins qu'on n'eust fait ouverture à vne chose qui peût tirer en consequence; les infideles pouuans prédre de là sujet de vexer les Chrestiens, sous l'esperance de tirer d'eux de

semblables presens.

Et quoy, Dieu ne voit-il pas nostre cœur, repartirent ces bons Chrestiens, n'est-il pas pour tenir copte de ces pertes, & nous les rendre auec vsure, & les presens que nous auons fait, sont-ils plus precieux que l'ame de nos frere? Ceux qui sont foibles cet hyuer, & pour qui nous craignons la cheute, seront plus forts auec le temps, & rendront à leur tour vne semblable charité à ceux qui en auront besoin. Tu nous as dit, & nous le croyons, que les biens de laterre ne sont que pour le Ciel, & que si nous n'en faisons vn bon vsage, ils seront nostre plus grand malheur : Les pouuons nous mieux employer que pour le salut de quelqu'vn? Si pour nous, tu as quitté la France, tes parens, tes plaisirs, tes amis, & tout le bien que tu auois : pourquoy. trouves tu mauuais que nous ayons quitté vne si petite partie du nostre?

aux Hurons, es années 1645.69.46.23

Dans vn des Bourgs des plus attachés de ces pais aux danses deffendues, & aux abominations infames, que ceux qui pafsent icy pour Magiciens, ordonnent de la part des Demons, afin de détourner les malheurs qu'ils predisent : Les Capitaines n'y voyans plus la chaleur des années precedentes, entreprirent d'y mettre remede. Ils parcourrent les rues, crians à haute voix qu'on ait pirié d'vn pays qui se va perdant, à cause qu'on neglige le anciennes coustumes: que la foy est trop rigoureuse de la maisne donner de dispense a ses loix, & qu'au moins on cesse pour vne nuiet & pour vn iour de faire office de Chrestien, Ils penetrent dans les cabanes, ils sollicitent tout le monde, & sur tout ceux qu'ils jugent les plus foibles en Ran foy.

Vn bon Chrestien ne pouuant plus long-temps supporter cet opprobre; & quoy, dit-il, le diable aura des langues gagees pour son service, & Dieu qui est le maistre, ne sera pas servy. Il sort de sa cabane tout transporté de zele, il va suivre ces Capitaines, entre dans les maisons des infideles & des Chrestiens; & par tout y va annonçant les menaces de Dieu, con-

Relation de ce qui s'est passe tre les pecheurs & leurs crimes, auec vne eloquence & vne force de raisons si pressantes, que tous les Chrestiens demeurement dans seur deuoir, & mesme plusieurs insideles, qui admiroient vne si sainte liberté, en vn homme particulier, qui n'auoit de soy aueune athorité, sinon celle que l'amour de sa soy & de son zele, suy

faisoient prendre.

Nos Peres de la mission de S. Ioseph voyans croistre le nombre de leurs morts, pour rendre leur cemetiere plus auguste, y porterent en procession vne grande croix, sortans de la Chappelle & trauersans le Bourg, à la veue de tous les insideles. Les Chrestiens qui y assistionent essurement beaucoup de mocqueries, des langues blasphemantes qui se rioient de leur simplicité, de porter aucc tant de respect vn tronc de bois, qui en effet n'auoit point de plus rare beauté, que celle qu'vne viue foy y retrouue, & qu'vn œil insidele ne peut enuisager.

Dans quelque temps de là, les enfans de cesinfideles, imitants l'impieté de leurs peres, ietterent à cette croix des pierres & des ordures qui y gatterent quelque chole. Estienne Totiri, qui en l'absence de

aux Hurons, es années 1645 69 46.33 nos Peres, sert de dogique à cette Eglise, s'estima obligé de soustenir en cette iniure l'honneur de Dieu. Le soir venu il monte en haut sur le toit de sa cabane, & pour assembler tout le Bourg, fait vn cry d'vne voix estonnante, seme blable à ceux qui servent de signal, lors que quelqu'vn vient d'apperceuoir l'en nemy, ou quelque armée qui haste ses approches. Tout le monde accourt à la foulle & enarmes, pour entendre de quel costé vient l'ennemy. Tremblez, mes freles, leur dit-il, le mal est à nos portes, & l'ennemy dans nostre Bourg. On profane le cemetiere des Chrestiens, Dieu en vengeral'insolence: cessez d'irriter sa colere, arrestez vos enfans, autrement vous participez à leur crime, & la punition en tombera également sur tous. Les corps morts sont des choses sacrées, & mesme parmy vous infideles, on leur porte respect, & on fait crime de toucher à vn auiron pendu à vn sepulchre. Qu'on rompe ma maison, qu'on me frappe, & qu'on me tuë moy-mesme ; le le verray sans reststance, & le supporteray auec amour: mais lots qu'on s'attaquera aux choses consacrées à Dieu, tandis que l'auray

quelque reste de voix, ie vous feray sque uoir l'enormité de vostre crime, & vous diray que c'est vne chose terrible de prendre Dieu pour ennemy. En vn mot il leur parla si puissamment, que du depuis les parens ont reprimé l'insolence de leurs enfans, & se sont retenus eux-mesmes en leur deuoir.

Mais le zele des Chrestiens qui nous paroist plus esticace & plus actif, est celuy qui les porte à procurer la conucrsion de ceux de leur famille. Vn Reregagnera scs enfans à Dieu, vne mere ses filles; le mari couertira sa femme, & la femme Chrestienne rendra son mari Chrestien; & souuent mesmes les enfans qui les premiers ont embrassé la foy, sanctissent leurs parens infideles, auec des attraits & des charmes, que la nature fortifiée de la grace, & le Saint Esprit leur enseigne sans autre maistre. Et le bon est, que l'experience nous apprend, que la pluspart de ceux qui sont gaignez à Dieu par cette voye, ont en leur foy ie ne Içay quoy de plus inébranlable, & qui mesme se fortifie, plustost que d'estre affoibly; par la mort tant des vns, que des autres.

Vn bon vieillard du Bourg de la Con-

aux Hurons, es années 1645 CF 46.27 ception, ayant enfin gaigné à Dieu par ses discours, par ses exemples, & plus encore par la force de ses prieres & de ses larmes, vne famille tres-nombreuse, sa femme, ses enfans, & les enfans de ses enfans; voyant vn iour en sa maison quelque fauteassez pardonnable, & plustost vn simple manquement de ferueur, qu'vn peché. Et quoy, dit-il, sont-ce là les promesses que vous auez donné à Dieu, receuant le Baptesme? Songez-vous que nous sommes Chrestiens, & qu'il faut que nostrefoy paroisse dans nos œuures? Voulez-vous en offençant Dieu me chasser d'icy? le suis vieil & sans forces, mais l'auray moins de peine de traisner vne vie miserable, errant quelque part dans les bois, que de me voir aupres de vous, si vous pensez à quitter Dieu: la mort me sera plus douce, estant abandonné des homes, que de viure en vne maison d'impieté. Ce peu de mots entrecouppez des soûpirs & des larmes d'vn pere, vaut mieux que dix mille de nos sermons. Le melme descendant l'an passé à Que-

Le melme descendant l'an passe à Quebec, pour tout Adieu à sa famille, ne leur parla que de l'estime qu'ils deuoient auoir de leur foy: & en finissant son discours

28 Relation de ce qui s'est passe Si iesuis pris des Iroquois, dit-il, n'ayez pas la pensée que Dieu m'ait delaissé; ie l'aimeray dedans ces feux, & vous croyez aussi qu'il m'aura aymé dans ces flammes. Nepleurez pas ma mort; ie verrois vos larmes du Ciel, & ne pourrois les approuuer; puis qu'alors mes douleurs seroient toutes esluyées, & que vous manqueriez, où de foy, ou, d'amour pour moy, de me pleurer lors que le serois bien-heureux: laissons les larmes aux infideles, ou du moins employons les à pleurer leur malheur, pour ueu que nous mourrions Chrestiens, & que nostreame soit pour le Ciel, qu'importe où nostre corps soit consomme, icy, ou dans le feu des Iroquois? A ces mots sa femme & ses enfans ne peuuent plus tenir leurs larmes; cé bon vieillard est luy mesme touche; la nature ne pouuant se trahir plus long temps soy mesme, ils se parlent & se respondent par leurs yeux. Enfin la plus âgée des filles, prenant la parole pour tous les autres; luy respondit: Mon Pere, si vous mourrez, attirez nous au Ciel, & obtenez de Dieu que nostre foy soit aussi viue que la vostre: pour moy ie quitteray plustost la vie;

que de m'oublier & de vous, & de Dieu.

aux Hurons, és années 1645. 65: 46.29

Les Sauuages ne sont pas si sauuages qu'on les croit en France, & ie puis dire auec verité que l'esprit de plusieurs ne cede en rien aux nostres. l'advoue que leurs coustumes & leur naturel a ienesçai quoide choquant, au moins ceux qui n'y sont pas appriuoilez, & qui les rebuttent trop tost, sans assez les connoistre. Mais si d'vni Cheual fougueux & qui n'a rien que la nature, en le domtant, on en fait vn Cheual de prix, qui ne cede en rien à tous ceux, qui d'vn long-temps sont éleuez dans le manege; peut on s'estonner que la foy entrant dans l'esprit d'yn barbare, corrige en luy ce qu'il y a de vicieux, & luy donne les sentimens de la raison & de la grace, qu'éprouvent ceux quisont nez dans le Christianisme. Hest vray que leur façon de s'enoncer est ditferente de la nostre: mais comme la parole du cœur est la mesme dans tous les hommes, on ne peut pas douter que leur langue n'ait aussi ses beautez, & ses graces, autant que la nostre. Quoy qu'ils habitent dans les bois, ils n'en sont pas moins hommes. Mais reuenons à nostre suiet.

l'ay admiré souuent la constance du

30 Relation de ce qui s'est passé zele d'vne ieune femme Chrestienne, nommée Noëlle Aouendous de la Mission de sainct Iean Baptiste, & sa pieté infatigable à convertir sa mere. Dieu l'éprouuoit de tous costez, & tous les malheurs l'accueilloient; mais au plus fort de ses miseres, il sembloit à la voir, qu'elle n'eust point de sentiment pour soy: du moins estoient ils étouffez dans les desirs violens, que sans cesse elle ressentoit, de haster cette conversion: & nuict & iour c'estoient ses entretiens, ses esperances, & le bon-heur qu'elle attendoit, pour se consoler de ses peines; son plus grand mal, & à l'entendre, son vnique afflictio, estant de voir les retardemens de sa mere dans les affaires de son salut. Mais quoy, Juy disoir-on, n'estu point affligée de te voir dans vne si grande pauurete? Nenny, respondoit-elle, ie ne puis desirer les richesses jie porte mes miseres auecioye, & ne puis demander à Dieu qu'il me mette plus à mon aise : quand il m'auroit renduë la plus riche de ce pais, pourroy-ie luy offrir quelque chose plus agreable que ma pauureté, & l'estat dans lequel il me veut?mais c'est ma Mere qui m'afflige, n'ayant pas pitié de soy-mesme, & refusaux Hurons, és années 1645. 6 46. 31 sant la foy, qui luy vaudroit, aussi-bien qu'à moy, toutes les richesses du monde.

Enfin la constance de cette bonne sille l'espace de quatre ans, ses exhortations, ses prières auoient conuerty cette mere insidele. C'estoit vne semme attachée au possible aux superstitions du païs, & qui tousiours auoit eu des auersions du Christianisme, autant que d'amour pour sa vie, qu'elle croyoit ne pouuoir estre longue, si

iamais elle embrassoit la foy.

Les iugemens de Dieu sont par tout adorables: car en effet aussi-tost qu'elle se fut renduë à la foy, vne mort si subite nous l'emporta, que les infideles nous l'ont reprochée mille fois, comme si la seule so y en eust esté la cause. Quoy qu'il en soit, celuy seul qui tient en ses mains les ames de ses éleus, & qui dispose pour leur bien des heures & des minutes de leur vie, auoit changési à propos le cœut de cette femme, que le soir mesme, auant que de mourir, comme si elle eust eu vn pressentiment de ce qui ceuoit arriver, quoy qu'elle parut en tres-bonne santé, elle adiousta d'elle-mesme aux prieres qu'elle faisoit, qu'il plust à Dieu luy donner yne heureuse most, qu'elle n'auoit Relation de ce qui s'est passé

plus aucune attache pour la vie.

Dans les larmes de toute la famille, la seule fille songeant que sa mere estoit das le Ciel, benissoit Dieu de l'auoir si tost prise à soy, & quelques iours après estant interrogée d'vn de nos Peres, quel sentiment il luy restoit de cette mort: le croy, respondit-elle, que Dieu me l'a ostée, parce que ie cherchois plus à la contenter que Dieu mesme; car quoy que ie tâchasse de luy offrir tout mon trauail, toute sois le contentement de ma mere me donnoit ce semble plus de ioye, que la pensée que i'eusse de u auoir que Dieu estoit content.

Durant son deuil, qui pour les semmes, consiste en ces pays, à ne visiter personne, à marcher la teste & les yeux baissées, à estremal vestuës, mal peignées, & auoir vn visage crasseux, & mesme quelque-fois tout noircy de charbon: Cette bonne Chrestienne ne pouuoit alors exprimer les ioyes de son cœur. C'est maintenant, disoit-elle, que ie reconnois qu'il est vray que Dieu caresse ceux que le monde méprise; car ne me restant que luy seul, auquel ie puisse & veille plaire, depuis la mort de mon mari, & de ma mere (mes freres & mes parens m'ayants abandon-

aux Hurons, és années 1645. Ør 46 33 née, à cause que le suis Chrestienne) ie voy bien que luy scul me suffit, & qu'il me tient abondamment lieu de pere & de

mere, de parens & de tout.

Finissons ce Chapitre par les larmes, mais des larmes de zele, d'vn bon Chrestien du Bourg de la Conception, nom mé René Tsondihouonne. Ce bon hommen'est rien que charité & amour pour la foy: il va parcourant les cabanes, visitant les malades, instruisant les Chrestiens, prechant aux infideles, confondant les impies; en vn mot ie le puis appeller l'appuy de cette Eglise & l'Apostre de son pais. Cet hyuers estant mis à faire oraison, en suitte d'vn recit qu'il auoit entendu des fatigues, & des souffrances de Saint Paul, trauaillant à la conversion des gentils; il ne pût contenir ses larmes; & tout transporté hors de soy, s'adressant à Nostre Seigneur, luy sit ses plaintes de foy melme, auecautant de foy & de ferueur, que s'il l'eust veu des seux. Ouy mon Sauueur, luy disoit-il, il est vray que ie suis sans zele & sans amour pour vous, & que ie porte sans effet le nom de Chrestien. Ien'ay rien souffert en ce monde, & n'ay tien fait pour vous faire connoistre.

34 Relation de ce qui s'est passe Le Paradis est bien donné à ces grands Saints, qui ont versé leur sang, & qui sont morts pour la dessence de la foy; Saint Paul l'a merité: Mais comment y puis-ie pretendre ne souffrant rien pour vous? Non, mon Seigneur, ie ne le merite pas: Deliberez de ma demeureapres la mort; ie ne lairray pas de vous benir dans les enfers, si vous m'y voulez enuoyer: I'y loueray vos misericordes, & l'amour que vous aurez eu pour moy, & ie diray que ie m'en suis rendu indigne : ie vous y aimeray, & alors ie vous y offriray mes peines: faites sur moy vos volontez: Mais puisque les grands Saints ont tant souffert pour vous des cette vie, faites au plustost que ie sois digne de souffrir ce qu'ils ont souffert, que ie patisse & que ie meure pour la foy.

Ce bon homme ne pensoit pasalors estre entendu, estant luy seul dans la Chappelle: mais vn de nos Peres qui suruint à la fin de son oraison, eut assez bonne oreille pour en recueillir quelques restes, & entrautres ce peu que ie viens de dire. Et quelque temps apres le Pere luy ayant demandé, qui

luy auoit enseigné cette priere: Personne, respondit il; mais ie sentois dans le sond de mon cœur, que Nostre Seigneur me reprochoit le peu que i'ay fait pour luy: & me faisant connoistre en mesme temps l'amour qu'il m'a porté, & l'amour que luy ont porté Saint Paul & tant de Saints Martyrs, i'auois honte de l'aimer si peu, & ne scauois où me cacher dans cette confusion, sinon dedans l'Enser; ie n'en auois aucune horreur, ne songeant alors à aucune autre chose, sinon que i'eusse tout voulu soussirir pour Dieu.

Ce bon homme sera les heures; & quelquesois les nuicts quasi entieres en Oraison, & d'ordinaire deux, trois & quatre sois le iour, au milieu de la Chappelle, nonobstant les plus grandes rigueurs du froid; la teste, les pieds & les iambes toutes nuës, couvert seulement d'une peau de quelque beste sauuage: mais quasi rousiours avec des sentimens de deuotion si tendres & si puissans, qu'il dit n'auoir point de paroles pournous les donner à entendre. Souvent, dit-il, ie parle, & ie ne sçay ce que ie dis: On me parle dans le fond

36 Relation de ce qui s'est passé de mon ame, i'entends ce qu'on me dit,& ne puis toutefois le redire: alors ie sens comme vn feu dans mon cœur, que le prends plaisir d'y sentir, & que ie n'ose esteindre: il me semble que le suis tout proche de Dieu, & qu'il est plus proche de moy, & alors ie croy qu'il y a vn Dieu, à cause que ielesens. Plus ie l'aime plus ie le veux aimer, & il m'est aduis que le nel'aimepas. le crains de quitter la priere, comme vn homme affamé, qui craindroit qu'on ne luy ostast ce qu'il mange: mais plus ie continuë, plus il me semble que je no fais que commencer.

A tout cela nous n'auons rien à dire, sinon: Beatus quem tu érudieris Domine, & de lege tua docueris eum: carce bon-homme, depuis huictans qu'il embrassala foy, nous fait reconnoistre en sa vic exemplaire & plus pleine de sain Aeté, que ne sont ses paroles, que Dieu seul est son mai-

Ace.

aux Hurons, es années 1645 & 46.37

CHAPITRE IV.

Espreuue de la Constance et du courage de cette Eglise, parmy les oppositions des insideles.

N des premiers Chrestiens de ce pais, parlant il y a quelque temps à vn nouveau Catechumene, qui luy demandoit quelque aduis auant que de receuoirle Baptelme, luy respondit; Monfrere ie n'ay que deux choses à te dire. La premiere que iamaistu ne seras bon Chrestien, si tu ne souffres beaucoup d'iniures & de calomnies pour ta foy: quand tu te verras hay des infideles, mesme de ceux qui maintenant ont plus d'amour pour toy, alors resiouis toy, & pense que vrayment tu commences à estré Chrestien. La seconde que tu prennes garde à ne te pasindigner contre ceux quité feront souffrir: prie Dieu pour eux, & dis luy dans ton cœur qu'il leur fasse misericorde, & leur donne à connoistre le mal-heur dans lèquel ils viuent.

En effet ce bon Chrestien auoit raison;

38 Relation de ce qui s'est passé car il est vray que la marque la plusasseurée que nous ayons en ces pais de la foy d'vn Chrestien, est de le voir incontinent accueilly de la calomnie: & si la foy de quelques-vns nous est douteuse, si d'aucuns apostasient, ayans réceu le Saint Baptelme, cesont ceux iustement qui viuoient le plus en repos, & comme à cou-

uert de l'orage.

Ignace Oijakonchiaronk vn des plus riches, & des plus aimez du Bourg de S. Ignace, auant qu'il cust receu la foy; ne la pas plustost embrassée, qu'il a veu les affections de tout son Bourg changées pour luy; on a cherché les occasions de l'assom-. mer, & le coup n'ayant pas reulsi, afin de pouvoir plus impunément s'en défaire, on l'a puissammet accusé d'estre du nom, bre de ces Sorciers cachez, qu'il est permis à vn chacun de massacrer, comme vne victime publique, & la cause des maladies qui tirent en songueur, & dont on ne peut obtenir guerison,

'Ce bon Chrestien ne s'est pas estonné, se voyant attaqué de si prez, en vne chose sisensible; il s'est roidy contre cette tempeste, & la tentation n'a serui qu'à faire cclatter dauantage sa foy & son cou-

aux Hurons, és annees 1645. 6 46.39 rage. Ic commence à cognoistre, a-il dit tout publiquement, que mon cœur ne me trompe pas, & que ma foy est veritable, puis qu'elle est vn obiet de haine: Si on a pris dessein de me faire perdre ou la vie, ou la foy, qu'on se haste de me massacrer au plustost. Moname ne tient point à mon corps, & ieneseray pas pour parer à ma mort; ie baisseray la teste deuant celuy qui me voudra tuer comme Chrestien. Qu'on ne cherche point de pretextes, & qu'on ait aussi peu de crainte de faire en ma personne vn coup d'essay, que i en ay de le receuoir: on verra que les Chrestiens ne pallissent pas à la mort, & que leur foy est à l'espreuue de ce qu'on estime de plus effroyable ence mondé.

Le bon est que son zele n'en demeura pas là. Il a converty sa famille, sa semme, ses enfans, ses neueux; & depuis ce tempslà, il ne cesse de publier aux insideles les grandeurs de la soy, que tous admirent en luy, mais que ceux qui n'ont pas son courage, ne peuvent se resoudre d'achepter au prix des calomnies dont ils le

voyent persecuté.

La foy ne trouve point de distinction entre les sexes. Vne semme de ce mesme

Relation de ce qui s'est passé
Bourg, nommée Luce Andorraaon, s'estant renduë Chrestienne, auoit abandonné vne certaine danse, la plus celebre
du pais, à cause qu'on la croit la plus puissante sur les Demons, pour procurer par
leur moyen la guerison de quelques maladies. Quoy qu'il ensoit, cette danse n'est
que de gens choisis, qui y sont admisauec
ceremonie, auec de grands presens, &
apres vne protestation qu'ils sont aux
grands maistres de cette Confrerie de tenir secrets les mysteres qu'on leur consie,
comme choses saintes & sacrées.

Vn Capitaine fort considerable, des premiers officiers de ces ceremonies mysterieuses, estant venu trouuer ce ce Chrestienne, qui auoit renoncé à leur danse; l'ayant tirée à part, luy dist secretement qu'il venoit luy donner aduis du dessein qu'on auoit sur elle: qu'en vn conseil secret qu'auoient tenu les principaux de cette danse, on auoit resolu de la surprendre cet. Esté prochain en son champ, & luy fendre la testé, luy enleuer la cheue-lure, & couurir par ce moyen le meutre qu'on feroit, le soupcon en deuant tomber sur les ennemis Iroquois: que l'vnique moyen de parer à ce coup, estoit

d'abandonnerla foy, & rentrer dans la danse dont elle estoit sortie.

Cette femme sit paroistre en cette occasion, que sa soy estoit plus sorte que la mort. Ils m'obligeront, luy distelle, de me saire mourir pour vn si bon suiet; & toy tu m'obliges de m'en aduertir en ami; car maintenant ie penseray auec plus de verité que iamais, que ie suis morte au monde, & que ie

dois viure à Dieu seul.

Nous verros cet Esté quels serotles effets de cette menace. Quoy qu'il en soit, les grands maistres de cette danse, n'ontpas differé si long-teps à faire paroistre les desseins qu'ilsont de s'opposer aux progrez de la foy. Ils ont sollicité plusseurs Chrestiens à renoncer au Christianisme, & se ranger de leur par ty: leurs poursuittes importunes, leurs promesses, leurs menaces, & les presens qu'ils n'ont pas épargné, en ont emporté quelques-vns des plus foibles: maisapres tout, le petit nombre qui s'est laissé tomber, nonobstant tous ces grands efforts, nous a fait reconnoistre la viue foy de la meilleure part, & a serui pour animer les bons Chrestiens dans l'atente d'une guerre plus rude, & d'un combat qui aille iusqu'au sang, & qui nous fasse des Martyrs, qu'ils voyent assez ne pouuoir leur manquer, s'ils continuent à estre side-

les à leur foy.

Mais il semble que les insideles se désient eux-mesmes de leurs forces; ou plustost ils iugent bien que la soy éleue tellement vne ame, au dessus de tous les malheurs de la terre, qu'elle ne peut auoir de crainte d'vn mal qui n'est pas eternel. Pour donc sapper les sondemens de nostre soy, ils ont tâché de les ébranler, par des fausetez qu'ils controuuent, & dont ils remplissent tout le païs.

Tantost ils font courrirle bruit, que quelques Algonquins sont retournez fraischement d'vn voyage fort éloigné, dans lequels estans égarez en des pais iusques alors inconnus, ils ont trouvé des villes fort peuplées, habitées seulement des ames qui autresois auoient vescu d'vne vie semblable à la nostre: que là ils ont entendu des merueilles: qu'on leura asseuré que ce sot fables, ce qu'on dit du Paradis & de

l'Enfer: qu'il est vray que les ames sont immortelles, mais qu'au sortir du premier corps qu'ils ont eu, elles se voyent en liberté, recouurent vn corps tout nouveau, plus vigoureux que le premier, vn païs plus heureux, & qu'ainsi nos ames à la mort quittét leurs corps, à la façon de ceux qui abandonnent vne cabane & vne terre vsée, pour en chercher vne plus neusue & de meil-

leur rapport.

D'autres foisilest venu, dit-on, des nouuelles asseurées, qu'il est apparu dans les bois, vn phantosmed'vne prodigieuse grandeur, qui porte d'vne main des espics de bled d'Inde, & de l'autre grande abondance de poisson; qui dit que c'est luy seul qui a creé les hommes, qui leur a enseigné à cultiuer la terre, & qui a peuplé tous les lacs & les mers de poisson, afin que rien ne peust manquer pour le viure des hommes, qu'il reconnoissoit pour enfans, quoy qu'eux ne le reconnussent pas encore pour leur pere: ainsi qu'vn enfant au berceau, qui n'a pas le iugemenent assez ferme, pour reconnoistre ceux ausquels il doit tout ce qu'il

A4 Relation de ce qui s'est passé est, & tout l'entretien de sa vie. Mais ce phantosme adjoustoit, disoit-on, que nos ames estant separées de nos corps, auroient alors vne plus grande cognoissance, qu'elles verroient que c'est de luy quelles tiennent la vie, & qu'alors luy rendant les honneurs qu'il merite, il augmenteroit & son amour & ses soins pour elles; qu'il leur seroit du bien à toutes, & que c'estoict des faulsetez de croire qu'il y en eust aucune destinée pour vn lien de supplices, & pour des feux qui ne sont point dessous la terre, dont toutesfois on tâche faulsement de les épouuanter.

Enfin comme il est vray que semensongé se déguise en mille saçons, &
que souuent plus qu'il y ad impudence, plus il trouve d'entrée dans les esprits; Sans chercher stau loin des nouuelles sorgées, on en a fait venir de nostre maison mesme: & ce sont celles
qui ont trouvé plus de creance, qui ont
le plus épouvant è les simples, & qui
ont fait la plus puissante rhetorique
des ennemis de nostre soy. On a dit
qu'vne Chrestienne Huronne, de cel-

aux Hurons, es années 1645. 65 46. 45 les qui sont enterrées en nostre ceme? rierre, estoit resuscite; qu'elles auoit dit que les François estoient des imposteurs: que son ame en effetestant sortie du corps, auoit esté menée au Ciel; que les François ly auoient accueillie, mais à la façon qu'on reçoit vn captif Iroquois à l'entrée de leurs Bourgs, auec des tisons & des torches ardentes, auec des cruautez & des supplices inconceuables. Que tout le Ciel n'est rien que feu, & que là le contentement des François, est de bruler tantost les yns tantost les autres; & qu'afin d'auoir quantité de ces ames captines, qui sont l'ob-iet de leurs plaisirs, ils trauersent les mers, ils viennent en ces contrées, comme en vn pais de conqueste, de mesme qu'vn Huron s'expose auec ioyeaux fatigues, & à tous les dangers de la guerre, dans l'esperance de ramener quelque captif. Que ce sont les Chrestiens Hurons, Algonquins, Montagnais, qui sont ainsi brulez au Ciel, comme captifs de guerre, & que ceux qui n'ont point vouluen ce monde se rendre esclaues des François, ny reRelation de ce qui s'est passé ceuoir leurs loix, vont apres cette vie en vn lieu de delices, ou tout le bien abonde, & dont tout le mal est banny.

Cette femme resuscitée adioustoit, disoit-on, qu'apres auoir esté ainsi tourmentée dans le Ciel, vn iour entier, qui luy sembloit plus long que nos années; la nuict estant venuë, elle s'estoit sentie réueillée dés le commécement de son sommeil: qu'vn certain émeu de compassion pour elle, luy auoit rompuses liens & ses chaisnes, & luy auoit monstré à l'écart vne vallée profonde, qui descendoit en terre, & qui conduisoit en ce lieu de delices, où vont les ames des nurons infideles: que de loin elle auoit veu leurs bourgades & leurs champs, & auoit entenduleurs voix, comme de gens qui dansent & qui sont en festin! Mais qu'elle auoit voulu retourner en son corps, autant de temps qu'il en falloit pour aduertir ceux qui estoient là presens, d'vne nouvelle si effroyable, & de ce grand malheur qui les attendoit à la mort, s'ils continuoient à croire aux impostures des François.

Cette nouvelle fut bien-tost répan-

aux Hurons, es années 1645. 6 46. 47 due par tout: on la croyoit dans le païs sans contredit: à sainct Ioseph on la faisoit venir des Chrestiens de la Conception; dans le Bourg de la Conception on disoit qu'elle venoit de S. Iean Baptiste, & lail se disoit que les Chrestiens de sainct Michelen auoient découuert le secret; mais que nous auios corrompu à force de presens, ceux qui l'auoient veu de leurs yeux, & qu'ils ne l'adoient osé dire qu'à quelques-vns deleurs intimes. En vn mot, c'estoit vnarticle de foy pour tous les infideles, & mesme quelques-vns des Chréstiens le croyoient quasi à demy.

Là dessus on disoit merueilles; & pour confirmer plus solidement cette verité, ils disoient qu'en esset le lieu du seun'est pas le centre de la terre, mais bien le Ciel, où nous voyons monter & les seux & les slammes; on adioustoit que le Soleil estoit vn seu, & que s'il se fait sentir de si loin, s'il échausse s'il brule, selon qu'il s'approche de nous; on ne peut pas douter qu'il ne fasse vn puissant incendie dans le Ciel, & qu'il ne fournisse des slammes, plus qu'il n'en faut pour bruler

48 Relation de ce qui s'est passé tous les Hurons que les François tà-

chentd'y enuoyer.

Ces faulsetez & semblables discours sont autant de nuages, dont le mensonge tâche sans cesse d'obscurcir les lumières de nostre foy; qui apres tout s'en rend toujours victorieuse, mais toutefois ne demeure iamais sans ennemy, vn brouillarts n'estant pas si tost dissipé, qu'vn autre s'éleue de terre, quelquefois plus épois & plus difficile à resoudre, que celuy qui l'a precedé.

Les infideles ayans veu tous ces ressorts, & tant de bateries, leur reussir auecpeude succez, ont eu recours à ce qu'ils ontingé de plus puissant dans la nature, & à des armes, dont ils ne pensoient pas que la foy peust parer les coups. Ils ont incité, mesme publiquement, & au milieu de leurs festins, des filles débauchées à gaigner le cœur des Chrestiens, esperant qu'ayans perdu la chasteté, leur foy n'en seroit plus si vigoureuse, & periroit dans les debauches: mais si quesqu'vn a fait paroistrede ce costé-la, que sa foy ne l'eust pas tout à fait detaché du corps, & l'eust laissé dans le nombre des hommes.

aux Hurons, es années 1645. 6 46. 49 mes; le courage de la plus-part a fait connoistre à cestisons d'enfer, que leurs feux & leurs stammes n'ont point de prise sur yn cœur, qui est possedé d'une chaleur plus sainte. Et ce qui nous a paru de plus aimable en la plus part de ces victoires, est que plusieurs en ces rencontres, apres auoir imité la pureté du tres chaste les seph, se iugeoient mesme criminels, d'a-uoir esté l'obiet d'une poursuitte infame.

Il faut, disoit vn d'eux la larme à l'œil, que depuis peu le diable ayt apperçeu que ma foy se soit affoiblie, puis qu'il cache si peu les desseins qu'il a dessus moy: nos ennemis n'attaquent pas ouvertement vn Bourg, qu'ils sçauent estre de bonne deffense, & ayant raconté à celuy de nos Peres auquelil avoit son recours, les violences qu'il venoit de faire pour se retirer des mains de quelques impudentes: Il yacinq ans que le sus pris captif des Iroquois, adiousta-il: mais alors s'eu meins de frayeur, quand les ennemisse ietterent sur moy, que ie n'en ay senti à l'abord de ces malheureuses.

Voicy à ce propos vne conversion qui me semble assez remarquable. Vne de ces silles débauchées ayant veu que tou-

50 Relation de ce qui s'est passé tes les poursuittes n'auoient rien pû sur l'esprit d'vn ieune Chrestien, rentra dedans soy mesme, & iugea qu'il falloit que nostre foy fust quelque chose d'excellent, puis que mesmeen vn âge qui n'estime que les plaisirs, elle en donnoit de l'auersson & de l'horreur, à ceux qui l'auoient embrassée. Elle s'enquesta d'vne ieune Chrestienne, & luy demanda si en effet elle croyoit qu'il y eust vn Enfer, & comment elle pouvoit estre asseurée que les François, qui les venoient instruire, ne leur dissent point des mensonges. Ie le croy fermement, respondit la Chrestienne; mais quand bien ce seroit vne chose douteuse, la seule pensée que peut-estre il y avn Enfer pour ceux qui demeurent infideles, vous deuroit faire redouter vn malheur si terrible: autrement nous auons tort allant dedans nos champs tout le long de l'Esté, de craindre les embusches cachées des Iroquois, puis que peutestre au plus fort de nos craintes, les ennemis ne songent pas à nous.

L'infidele fut tellement touchée de la response, que du depuis cette pensée ne pût sortir de son esprit, qu'au moins il pouvoit biense faire qu'il y eust dans les

aux Hurons, es annees 1645. Co 46. 11 Enfers, vn seu preparé pour les infideles, & qu'en ce cas elle séroit eternellement malheureuse. Enfin au bout de deux mois, ellevient trouver vin de nos Peres, pour luy demander le Baptelme Tu és vne débauchée, luy dit-il. L'ay enuie de ne le plus estre, respondit elle, le feu d'Enfer m'a estonné: auant-que de venir à toy, i'ay voulu m'éproduct moy-melmes & mesuis mise dans la pratique de ce que ie veux faire estant Chrestienne le ne sçay d'où peut venir ce changement; mais ie me suistrouvée toute autre, en ce qui me donnoit le plus d'apprehension de ma foiblesse: Ce que i'ay pratique deux mois, pourquoy ne pourray-je pas le continuer toute ma vie Quand maintenant vn ieune homme m'aborde, ie luy dis que i'ay desir d'estre Chrestienne, & qu'il ne doit rien esperer de moy: Si cela me sert de deffense, le Baptesme accroistra mes forces. Pour le faire court, cette nouvelle penitente ayant continué cinq ou six mois dans ses poursuittes, auec vne ferueur extraordinaire, on n'a pul la differer plus long-temps en vne si iuste demander elle a receu auec le Baptesme, le nom de in A val dias Magdelaine.

d ij

320 Relation de ce qui s'est passé

Vn ieune Huron fort craignant Dieu, qui depuis plusieurs années s'est maintenu dans le Christianisme, auec vne innocence tout à fait aimable, estant sollicité de ses parens à se marier, luy ayant esté demandé s'il connoissoit une certaine fille qu'on parloit de luy donner pour femme: le n'en regarde aucune, respondit-il à vn sien oncle : car ie sçay que Dieu l'a deffendu; ie destourne ma veuë quand quelqu'yne me paroist au rencontre: qu'on me donne, puis qu'ainsiest, qui on voudra, pourueu qu'on m'asseure qu'elle a desir de mourir en la foy, & qu'ellea horreur du peché, nos amitiez seront bientostiliées, & l'espere que ce ne sera pas pour les rompre legerement, & à la façon des infideles, puisque viuans & l'vn & l'autre, dans les desirs de plaire à Dieu, nous tâcherons de les rendre immortelics.

Pour sinir ce Chapitre ie diray que nos neges Huronnes ont esté blanches cet hyuer, de la chasteté d'une ieune Chrestien, qui sentant en son corps un seu, dont il auoit plus d'horreur que de celuy d'Enser, & des tentations si puissantes, qu'il luy sembloit que tous les Demons

aux Hurons, es années 1645. 6 48.53 d'impureté le possedassent : ne sçachant plus quel remede apporter à vn mal, qu'il e pouvoit fuyr, ne pouvant se quitter soimelme, enfintransporte d'vn saint deselpoir, il courrut dans vn bois prochain, se dépouilla tout nud, seietta dans les neges, s'y roulla vn long-temps, les baignant de ses larmes, & poussant ses prieres au Ciel, auec tant de ferueur, qu'ayant perdu quali tout sentiment, ces flammes infernalles se trouuerent entierement estein tes, & laisserent son ame aussi vigoureule apres cette victoire, qu'il trouua son corps abbatu, à peine luy restant-il assez de forces, pour retourner au lieu dont il estoit party, encore apres cela ce bon ieune Chrestien n'estimoir pas auoir eu assez d'horreur de cette tentation, & s'accusoit de lascheté, de n'auoir pas assez tost eu recours à ce remede.

I'en sçay plus d'vn qui se sont appliquez sur le corps des charbons, & de tisons ardens, pour estousser ce mesme seu d'enfer, se disans à eux-mesmes, pour sur monter la tentation; & quoy pourrois-tu malheureux supporter vn seu eternel, si tu ne peux t'appriuoiser à celuy-cy, qui n'enfert qu'vne soible peinture?

d iij

## CHAPITRE !

Bons sentimens de quelques Chrestiens.

Ly a quelques temps que les principaux Chrestiens de nos Eglises Huronnes, s'estans trouuez de compagnie, se demanderet les vns aux autres, d'où ils se sentoient plus puissamment sortifiés dans leur foy; & quel à leur auis, estoit le moyé le plus efficace, que Dieu leur eust donné pour resister aux tentations, euiter le peché, & viure vrayement en Chrestien. Les vns disoient que sortans de la Communion, ils se voyoient tout autres, & sentoient bien que Iesus-Christ estoit le maistre de leur cœur, possedoit leur esprit & les rendoit robustes. Les autres disoient qu'apres la Confession, ils estoient tout renouuelles & semblables à vn voyageur, qui s'estant déchargé d'vn tres-pesant fardeau, sentoit ses forces reuenir, & courroit mesme en yn chemin, duquel auparauant il n'eust pas pû se retirer. Mais la pluspart se trouverent d'accord, que la

que de là ils tiroient leur vigueur & leur force, qu'ils s'y sentoient animez tout d'vn autre esprit, & qu'il leur sembloit que s'ils venoient à en perdre l'vsage, ils perdroient bien tost la crainte du peché,

& en suite la foy.

Quoy qu'il en soit, nous voyons que la pluspart estiment la priere, comme la vie de leur esprit, & l'ame de leur soy. L'vsage leur en est si frequent & sissaint, qu'ils s'accusent d'auoir entrepris quelque chose, s'estre mis dans le trauail, sans lui en auoir offert les premices, & n'auoir pas ietté assez tost leurs pensées en luy, souffrans quelque douleur, receuans quelque iniure, estans saisse d'une tristesse, accueil-lis d'une maladie, ou attaquez de quelque mal.

Non, disoit à ce propos vn Huron trespauure, mais tres-riche en sa soy; Les Chrestiens seroient les plus malheureux de la terre, s'ils ne sçauoient que Dieu les void, qu'il est témoin de leurs miseres, & qu'il écoute leurs prieres: Mais quand nous pensons que toutes nos trissesses se changeront en ioye, que Dieu nous aime

d iiij

dans nos plus grandes afflictions, & que nous tirerons vn bon-heur eternel de toutes nos souffrances, pour ueu que nous les endurions patiemment; le recours que nous auons alors à la priere, nous console dés cette vie, & nous fait aimer comme vn grand bien, ce qu'on croit vn grand mal: ou du moins à la veuë que nous auons du Paradis & de l'Enfer, nous supportons auec douceur les afflictions de cette vie, dans cette pensée veritable que ne deuants pas estre eternelles, elles ne peuvent estre qu'vn petit mal.

Vne pauure Chrestienne estant interrogée si elle offroit à Dieu ses peines: Helas! respondit-elle, c'est ma seule consolation: pourroit-il bien se faire qu'vn
Chrestien qui croit sermement que le
peu qu'il endure, peut luy valoir vne eternité de bon-heur, s'il le soussire pour l'amour de Dieu, voulust perdre vne si riche
recompense, ne soussirant qu'à la façon
des insideles & des bestes farouches qui
n'ont point la connoissance d'vn vray

Dieu?

Il y en a d'aucuns qui se seruent de leur C hapelet, pour marquer combien de sois ils auront éleué seur cœur à Dieu; s'es-

aux Hurons, es années 1645. Co. 46.57 forçans d'aller se perfectionnants de jour en iour en vn exercice sissint, & qui leur paroilt si aimable: & tel se trouuera, qui dans l'espace d'vne nuict aura fait deux cents fois quelque oraison iaculatoire. Quelques-vns estans dans leurs champs debled d'Inde, afin de renouveller plus frequemment l'offrande qu'ils font à Dieu de leur trauail, prendront pour signal qui leur en doit rafraichir la memoire, quelques arbres deuant lesquels ils passent tres-souvent, & y marqueront sur l'escorce ou bien dessus la terre, vne croix qu'ils adorent chaque fois qu'ils y passent. D'autres se contenteront d'estre fideles à Dieu, autant de fois qu'il les attirera à soy dans le fond de leur ame: & il se trouuera quelquesfois que tel d'entr'eux aura esté quasi tousiours en oraison, sans penser y estre.

le n'ay point d'esprit, disoit, il y a quelque temps un excellent Chrestien, du Bourg de la Conception, nommé lo-seph Taondechoren: si toussoursie vou-lois prier Dieu, ie serois sans cesse auce luy; car ie sens bien que toussours il attire mon cœur à soy: ie le luy donne au mesme moment, & me contente de cela, mais

58 Relation de ce qui s'est passe

luy ne s'en contente pas : ie sens qu'il me dit derechef dans le fond de mon ame, qu'il veut que le sois tout à luy; le luy répond qu'ilscait bien que iene veux estre gu'à luy seul, qu'il fasse sur moy ses volontez, & qu'il dispose de ma vie: plus ie me donne à luy, plus il me presse de ne pas luy refuser ce qu'il demande. Tout homme qui me traitteroit de la sorte, me seroit importun, & ses empressemens me le rédroient insupportable: & toutesfois ie ne puis & n'oserois me plaindre de la rigueur dont Dieu me traitte: ie voy bien que ce n'est qu'amour & bonté, & qu'il n'y a point en ce monde de plaisir semblable à celuy que ie sens, lors qu'il me laisse le moins en repos, & me contraint mille fois de luy dire, que ie suis tout à uy.

Vn autre nommé André Ochiendarenouan, nous disoit que la chose vnique en ce monde, qui luy donnoit vne plus viue idée du grand bon-heur du Paradis, estoit de penser que si dés cette vie, en disant ces deux mots, Iesus taiteur, Iesus ayez pitié de moy; il ressentoit tant de contentemens en son cœur, qu'ils surpassoient tous les plaisirs ensemble, que iamais il eust ressent, depuis soixante & dix ans qu'il estoitau monde; il falloit bien que dans le Ciel il y eust des contentemens inessables; puisque Dieu sérescrue alors à nous faire iouyr de ses misericordes, & que les plaisirs que nous goustons, disants à Nostre Seigneur qu'il ait pitié de nous, ne sont que dans l'attente de ce grand bien, que nous possederons dans le Ciel, dont la seule esperance remplit si doucement tout nostre cœur dés cette vie.

Vne bonne Chrestienne, dans vn semblable sentiment, estonna puissamment vne de ses parentes infidele, qui l'exhortoit à renoncer au Christianisme, & l'asseuroit qu'il estoit hors de doute, que tout ce que nous leur prechios du Paradis, n'estoit rien que des fables. Laisse-moy, ie te prie, mourir paisiblemet dans mo erreur, luy respondit cette bonne Chrestienne; quand bien ie serois trompée, ce qui n'est pas, ce seroit vne tromperie bien aimable: Pourquoy veux-tu me rauir vn veritable bien, qui n'est pas seulement dans l'attente, & dont ie suis en possession dés maintenant; car il est vray que l'esperance du Paradis me console dés cette vie, & m'adoucit tout ce qui sans cela nous y se60 Relation de ce qui s'est passé

röit insupportable.

Vn de nos Peres voyant vn bon homme fort simple, mais excellent Chrestien, qui d'ordinaire passoit vn tres long-temps en ses prieres; luy en demanda la raison? Ce bon homme luy respondit fort simplement, que la cause de cette longueur prouenoit de ce qu'il ne sçauoit pas encote bien prier Dieu, qu'il estoit souvent remply de distractions; & qu'afin que le diable negagnast riensur luy, & selassast de l'interrompre, il recommançoit ses prieres, autant de fois qu'il se voyoit auoir esté distraict. Bien rarement, adioustoit ce bon homme, mon esprit arrive iusqu'à Dieu: & alors ie ne m'apperçois pas du temps que ie mets en ma priere, car mon cœur est si transportehors desoy, que ie nesens ny chaud, ny froid, ny douleur, ny ennuy, & n'ay pas melme vne pensée des choses de la terre; mais seulement que Dieu est bon, & qu'il est bon d'estre auec luy.

Le Pere continua à luy demander à quoy estoit semblable ce grand plaisir qu'il ressentoit alors. Ie n'ay rien de semblable, respondit-il, tout ce que i'ay conçeu de contentemens en ce monde, n'est

aux Hurons, és années 1645. 25 46. 61. rienau prix d'vn seul moment de ces delices, que Dieu me fait gouster: ny les festins, ny les richesses, ny les plaisirs, dont i ay maintenant de l'horreur, & lesquels autresfois i'estimois les plus grands du monde. Si toutefois, adioustoit-il, on me contraignoit de dire quelque chose, ie ne voy rien qui me semble si approchant de ces plaisirs du Ciel, qu'estoit celuy que ie ressentois autressois estant le plus aspreà la chasse, lors que ietrouuois quelque cerfarresté dans mes pieges, ou ayant terrassé quelque ours, que i avois poursuiuy long-temps auec bien des fatigues.

Le mesme faisant voyage auec son fils, & ayant veu que ce ieune homme passoit l'ennuy de son chemin, chantant
quelques airs indisferens: Mon fils, suy
dit-il, ie voy bien que Dieu n'est pas le
plus grand maistre de ton cœur; tes pensées seroient toutes à suy, & d'vn téps auquel pas vn ne te peut interrompre, tu en
prositerois pour le Ciel: les vents ont emporté ton chant, & ont en mesme temps
dissipé tes plaisirs: si tes entretiens eussent esté auec Dieu, la grace que tu eusses
acquise par tes prieres, te sut demeu-

62 Relation de ce qui s'est passé

rée pour vne eternité.

Dansce mesme esprit d'oraison, d'aucuns se mettans en chemin, euiteront les compagnies, & prédront des routes écartées, afin de s'entrétenir auec Dieu, & n'estre point interrompus: car disent-ils, ce n'est pas icy comme en France, où ceux qu'on auroit au rencontre, ne nous parleroient que de Dieu. Ces bonnes gens s'imaginent qu'en France tout le monde n'y respire que la saincteté, que l'entretien des compagnies n'est que de Dieu, que le vice s'y tient caché, & n'oseroit paroistre, & qu'il est autant difficile d'y trouuer vne personne débauchée, tout le monde y estant Chrestien; qu'il est icy dans vn monde infidele, d'y rencontrer des compagnies, qui n'ayent leurs affections que pour le bien. Quoy qu'il en soit, leur vertu ne manque pas d'espreuue de ce costé la & ceux qui veulent paroistre toûjours ce qu'ilssont, ont besoin de courage.

Vn Chrestien s'estant trouvé faisant voyage, dans vne cabane d'insideles, où par rencontre on tenoit des discours de raillerie sur nostre soy, sut tenté sortement de ne prier Dieu qu'en secret, le temps du repas estant venu: mais s'estant

aux Hurons, es années 1645 C. 46.63 apperceu de la tentation, voulant la surmonter, ilse mit à crier si haut son Benedicite, que toute la compagnie en fut surprise. Cessez de vous estonner, leur ditil; il faut que vous sçachiez que i'ay esté combatu de deux hontes bien differentes: la premiere estoit de vous autres; dont ie craignois les railleries; la seconde a esté de moy-mesme, & de Dieu qui me regarde, deuant lequel i'ay eu honte de n'oser paroistre Chrestien: Celle cy a esté la plus forte, & à cause que la premiere me portoit à ne prier Dieu qu'en secret, la secondem's poussé à prier Dieu si haut, que tout le monde sceust que ie suis, & veux mourir Chrestien, que ce dont vous vous mocquez est ma gloire & le plus grand bon-heur que l'estime en ce monde.

Aatio, s'estant trouvée en vn voyage auec quatité d'insideles, n'obmettoit iamais de prier Dieu matin & soir, deuant & apres le repas, & de faire le signe de la croix sur deux petits gemeaux qu'elle allaitoir, chaque fois qu'elle les faisoit traitter, quoy que les insideles la monstrassent au doigt, & s'en mocquassent d'elle. Son mary, qui n'estoit pas Chrestien, se mit

aussi de la partie contr'elle, disant qu'elle estoit affamée de prier Dieu, & qu'estant dans leur Bourg, elle courroit aussi viste à la Messe, dés le premier son de la Cloche, que si on l'auoit inuitée à vn festin, quittant tout-là, quelque trauail qu'elle eust en main.

Ne croyez pas que ie doiue rougir de cereproche, respondit cette bonne Chrestienne; vous pouniez dire, pour assenre mieux vostre coup, non seulement que ie vais aux prieres, comme si on m'auoit in-uitée à vn festin, mais que i'y cours encore plus viste: car en estet les festins ne me sont quasi rien, depuis que ie sçais que nous auons vne ame plus precicuse que nos corps. Si vous autres insideles quittez tout pour vn bon morceau, sçachez qu'vn bon Chrestien iamais n'aura de honte de tout quitter pour la priere: vous ne songez rien qu'à la terre, & nos pensées sont pour le Ciel.

La melme allumant du feu, vn matin qu'il failoit fort froid, remercioit Dieu, de ce qu'il auoit creé les forests, & les bois dont les hommes pussent se chauffer. Son mary voulut se mocquer d'elle: Ton pere, luy dit-il, pour lequel tu allumes ce feu, feu, ne te remercie pas, quoy qu'il te voye; comment es-tu si simple, de remercier Dieu que iamais tu n'as veu? Ie suis obligée à mon pere, repartit la femme, & le peu que ie fais en cela pour luy, n'est pas considerable: mais les faueurs que Dieu nous fait sont cotinuelles, & luy n'a pû rien receuoir de nous, qui l'oblige à nous faire tant de bien: c'est asse que nous sçachios qu'il nous entend, & qu'il nous void, quoy que nous ne le voyons pas, afin d'estre obligez à luy faire nos remerciemens.

A ce proposieme souviens d'vne repartie, autant pleine d'esprit que de
foy, que sit il y a quelque temps vn
Chrestien, nommé Charles Ondaaiondiont, au blaspheme d'vn insidele.
Cét insidele reprochoit aux Chrestiens que si Dieu estoit tout puissant,
& si ialoux de son honneur, il deuoit
s'estre rendu visible, asin d'estre reconnu ce qu'il est; & qu'il eust deu d'vn
costé ouurir son Paradis, à nostre veue,
& de l'autre l'Enser; asin qu'en esset
oneust redouté ses menaces, & desiré ses recompenses, qui alors nous
eussent paru veritables & n'eussent

point laissé nostre esprit dans le doute: Mais que Dieu s'estant tenu caché, où il manquoit d'amour pour nous, & ne recherchoit pas d'estre honnoré des hommes, ou que plustost il falloit conclure de la, qu'il n'estoit point de Dieu au monde, & que nostre soy ne subsi-

stoit que dans l'erreur.

Omal-heureux, luy repartit ce bon Chrestien, si tu estois aueugle, tu dirois donc qu'il n'y a point de Soleil dans le Ciel? mais plustostine deuroistu pas croire ceux qui le voyent, & tâcher de recouurer la veuë, asin de iouir d'vn semblable bon-heur? Quittez vos vices & la corruption de vos mœurs; Alors vous cesserez d'estre insideles, & vous auouèrez auec nous, que vrayement il y a vn Dieu: vous l'aimerez plus que ses recompenses, & vous iugerez raisonnable, que quiconque est siosé de l'offenser, merite des peines eternelles.

Mais quoy, luy repliqua cét infidele, auez vous donc la veuë de ce Dieu que vous adorez? Non, luy respondit le Chrestien; mais nous voyons toutes les choses de ce mode qu'il a creées, & nous pouvons aussi peu douter qu'il est vn Dieu; qu'vn homme sage pourroit douter que le Soleil est dans le Ciel, lors qu'il est couvert de nuées, & qu'il éclaire ce bas monde, quoy qu'on ne le voye pas: Nous le verrons à découuert, lors que les nuages seront dissipez, que nos ames seront dépouillées de leurs corps.

Mais pourquoy ne Sest-il pas dés maintenant rendu visible? Afin, respondit le Chrestien, que des personnes corrompues comme vous, ne pus-

sent pas le voir.

Les anciens du pais estoient assemblez cet hyuer pour l'election d'un Capitaine fort celebre. Ils ont coustume en semblables rencontres de raconter les histoires qu'ils ont appris de leurs ancestres, & les plus éloignées; asin que les ieunes gens qui sont presens & les entendent, en puissent conter à leur tour, lors qu'ils seront deuenus vieux, pour ainsi transmettre à la posterité, l'histoire, & les annales du pais; tâchans par ce moyen de suppléer au désaut de l'escriture, & des

68 Relation de ce qui s'est passé

liures qui leur manquent. On presente à celuy duquel on desire entendre quelque chose, vn petit faisceau de pailles d'vn pied de long, qui leur servient comme de jettons pour supputer les nombres, & pour aider la memoire des assistans; distribuant en diuers lots ces mesmes pailles, selon la diuersité

des choses qu'ils racontent.

Le rang estant venu à vn vieillard Chrestien de raconter ce qu'il sçauroit; Il commence à deduire la creation du monde, des Anges, des Demons, du Ciel & de la terre, auec vne suspension pleine d'esprit, qui tenoit en attente toute son assistance, estant bien auant en matiere, & toutefois n'ayant pas encore nommé le nom de celuy qui auoit fait ce grand chefd'œuure. Lors qu'il vint à le nommer, & dire que Dieu, que les Chrestiens adorent, estoit le Createur du monde. Le plus ancien Capitaine des assistans luy arrache les pailles des mains, luy impose silence, & luy dit qu'il a tort de raconter les histoires des François, & non pas celles des Hurons: Mais que luy va raconter la pure verité, & com-

aux Hurons, es années 1645.69 46.69 ment il est arriue que la terre, qui estoit submergée dans les eaux, en aix esté poussée dehors, par vne certaine Tortuë d'vne prodigieuse grandeur; qui la soustient & qui luy sert d'appuy; sans lequel la pesanteur de cette terre la feroit abismer derechef dans les eaux, & causeroit en ce bas monde vne desolation generalle de tout le

genre humain.

Ce bon Chrestien, auquel on auoit imposé silence, & qui exprezauoitattendu à faire paroistre son zele; ayant donné quelque temps audience à la fable de ce Capitaine infidele, luy arrache aussi à son tour les pailles de la main: Tay-toy, toy-mesine, luy distil, i'ay voulu t'écouter & me suis teu sans resistance, croyant que tu nous deusse enseigner quelque chose de meilleur, & aussi veritable que ce que ie disois: mais voyant que tu ne racontes que des fables, qui n'ont point de fondement que le mensonge, i'ay plus de droit de parler que toy. Où sont les escritures qui nous fassent soy de ce que tu dis? Estant permis à vn chacun de controuuer ce qu'il voudra, est ce merueille que nous ne sçachions rien de veritable, puisque nous deuons auouër que les Hurons ont esté menteurs de tout temps? Mais les François ne parlent point par cœur, ils conseruent de toute antiquité les liures Saints, où la parole de Dieu mesme est escrite; sans qu'il soit permis à aucun d'y alterer le moins du monde, s'il ne vouloit s'exposer à la confusion de se voir dément y de toutes les nations de la terre, qui cherissent cette verité plus qu'ils n'ont d'amour pour la vie.

Vn Magicien des plus fameux de ce pais, apres auoir vomy mille blasphemes contre Dieu, se vantoit insolemmet qu'il estoiten son pouvoir de procurer les pluyes en temps de secheres se les arrester, lors qu'elles seroient trop abondantes, d'empescher les gelées qui pourroient nuire à leur bled d'Inde; en vn mot il se faisoit l'arbitre des saisons de l'année, pour ueu qu'on eust recours à luy, & qu'on rendit homage au Demon qu'il inuoque. Ce su perbe voyant qu'vn Chrestien là present, ne témoignoit pas comme les autres aucune marque d'estonnément,

aux Hurons, es années 1645. 65. 46. 71 au recit de tant de merueilles; il le prit à party, & luy distassez grossierement qu'il estoit sans esprit, de n'admirer pas son pouvoir, & que c'estoit vne marque de sa folie de s'estre fait Chreftien.

En effet, luy repartit doucement le Chrestien, ie n'ay eu que de la compassion pour toy, entendant ton discours: ie nesuis pas toutesfois opiniastre, & suis prest d'admirer tes merueilles, pourueu que je les voye. Fais naistre icy vne montagne, à la veue de tout le monde qui nous entend; alors i auoueray que vrayemet ton pouuoir est grand: Mais si tu ne le peux pas faire, laisse moy adorer celuy seul qui a fait toutes les montagnes : enseigne nous icy les principes de ta sagesse, nous verrons si elle est plus adorable que la sienne: Du moins si tu seais ses commandemes, tu auoiteras qu'ils sont plus equitables que les tiens. Ce pauure Magicien fut contraint de se retirerauecsa confusion, & depuis n'y est pas retourné.

Mais ce qui estonne le plus les infideles en semblables rencontres, est qu'ils voyent que plusieurs, qui leur sembloient auparauant des esprits assez mediocres, paroissent tout changez lors qu'ils sont deuenus Chrestiens. Et en effet la foy éclaire beaucoup vn esprit, le soustien d'vne bonne cause, fournit la bonté des raisons, & nos Sauuages prennent affez aisément vne tres-sainte liberté, lors qu'estans deuenus Chrestiens, ils pensent qu'ils n'ont plus à craindre en ce monde que Dioceste la craindre en ce

monde que Dieu & le peché.

Voicy vn trait de foy qui m'a pleu. Nous auions icy auerty quelques-vns d'vn eclipse de Lune, qui arriua le trentiesmede Ianuier, & dont le commencement nous parut à dix heures, & quarante six minutes. l'estois alors dans le Bourg de la Conception. On ne manque pas de sortir des cabanes, pour voir si en effet l'éclipse seroit telle que nous l'auions predite. Vn bon Chrestien se mit à prier Dieu, durant tout ce téps-là. Le lédemain les autres luy demandans pourquoy il n'estoit point sorty pour voir vne eclipse si remarquable? Parce, respondit-il, qu'il m'est venu alors, dans la pensée que

aux Hurons, es années 1645. Cr 46.73 Dieu nenous auoit point inuité à aller voir les eclipses; mais bien qu'il nous auoit promis qu'il auroit plus d'amour pour nous, plus nous donnérions de temps à la priere. A quoy repliquant vn autre Chrestien, que pour luy il l'estoitallévoir, à dessein de se confirmer dans la creance qu'il auoit, que ce que nous leur enseignions de la future resurrection, se trouuera vn iour autant veritable, que ce que nous leur auions predit de cette eclipse, auant qu'elle parut. Et moy, respondit le premier, ie croy si fermement tout ce que Dieua reuelé, & ce qu'on nous enseigne des choses de la foy, que ie n'ay point besoin d'aller madier dans la Luneaucun motif de ma creance. Si nous croyons ce qu'on nous dit des villes & des richesses de la France, sans jamais en auoir rien veu; pourquoy ne croiray-ie pasce que Dieu a reuelé du Paradis, & qu'vniour nous resusciterons. Il faut que ceux qui nous viennent enseigner en soient plus asseurez, que des choses qu'ils ont veu en France; puisque ce n'est que dans la veuë du Paradis qu'ils ont abandonné leurs pa74 Relation de ce qui s'est passe rens, leur patrie, & tout cequ'il peut y auoir de plus aimable au monde, pour venir icy auec nous traisner vne vie miserable.

Le Pere François Ioseph Bressany, que nous attendions depuis quatre ans, arriua enfin icy aux Hurons au commencement de l'Autonne dernier.S'iln'eut point esté pris captif des Iroquois en son premier voyage, il scauroit desia la langue Huronne, & seroit vn ouurier sormé: Mais il saut auouer que les prouidences de Dieu sont aimables. Les cruautez que luy ont veu souffrir aux Iroquois quelques Hurons qui en sont échappez, & ses mains mutilées, ses doigts couppez l'ont rendu meilleur Predicateur que nous ne sommes, des le point de son arriuée, & ont seruy plus que toutes nos langues, à faire conceuoir plus qué iamais à nos Chrestiens Hurons, les veritez de nostre foy.

Il faut, disoient les vns, que Dieu soit bien aimable, & merite vrayement luy seul d'estre obey, puisque la veuë de mille morts, & des supplices mille sois plus esfroyables que la mort,

aux Hurons, es années 1645. OF 46.75, ne peuuent arrester ceux qui nous viennent annoncer sa parole. S'iln'y auoit vn Paradis, disoient les autres, pourroit-il se trouuer des hommes, qui trauersassent les feux & les flammes des Iroquois, pour nous retirer de l'Enfer, & nous mener auec eux dans le Ciel? Non, s'écrioient plusieurs, ie ne suis plus capable d'estre tenté sur les veritez de la foy; ie ne sçay ny lire ny escrire; mais ces doigts que ie voy tronçonnez, sont la response à tous mes doutes; car ie ne puis douter que celuy-là ne soit bien asseuré de ce qu'il vient nous enseigner, qui ayant essuyé de si horribles cruautez, sy est exposé pour la seconde fois, aussi gayement que sil n'auoit trouué dans son premier voyage, que des delices en son chemin. Monstre nous seulement tes playes, adioustent-ils au Pere; elles nous disent plus essicacement que tu ne pourras faire, quand tu sçauras entierement parler de nostre langue, que nous deuons seruir & adorer celuy, dont tu'attends vn iour qu'il te rendra & la vie que tu as exposée si franchement pour luy, & les doigts qu'on t'a brulé si cruelle,

ment, enuoyant icy pour son service.
C'est ainsi que la providence de Dieu tire sa gloire de nos pertes, & que la foy de ces bons Neophytes va s'affermissant de sour en iour de nouveaux motifs de croire les veritez que nous venons leur annoneer.

René Tsondihouanne, parlant vn iour du tres faint Sacrement en vne assemblée de Chrestiens; ouy, mes freres, leur disoit-il; croyons sans aucun doute que Icsus-Christest en l'Hostie, qu'il est proche de nous, & dedans nous, lors que nous Communions. Il s'est voulu cacher, comme vn enfant nouvellement conceu dans le ventre de sa mere: Si la mere ne croyoit pas que son enfant eust vie, lors qu'il est caché à ses yeux, & qu'elle eust trop de curiosité pour le voir auant terme, iamais elle ne le pourroit voir que mort, & se feroit mourir soy-melme: Ainfiquiconque refusera de croire que Iesus-Christest en l'Hostie, s'il ne le void; iamais ne meritera de le voir. Attendons que luy mesme veille se découurir; & alors nous l'enuisagerons auec autant de iove, qu'vne mere void son enfant, dont elle a patiemment attendu les momens, sans les precipiter.

aux Hurons, es années 1645.65, 46.77.

Cette pensée me surprit beaucoup, l'entendant de la bouche de ce bon Chressien: mais ce qui m'estonne le plus, & ce qui me seroit incroyable, si ie ne le voyois de mes yeux, est ce que ie puis asseurer auec verité, que telles pensées viennent pour la pluspart d'elles-mesmes à ces bonnes gens, sans que iamais ils les ayent entendu d'iallieurs. Ce qui me fait auouer que vrayement leur soy est vn ouurage de Dieu seul, & que sa main n'est pas racourcie en ce monde nouueau, aussi peu que dans le reste de la terre.

En passant iediray que nos Chresties ne trouuent aucune peine à croire le mystere du tres-saint Sacrement. Les doutes leur viennent quasi vniquement touchant les veritez du Paradis, de l'Enfer, & de la Resurrection; Depuis que i'ay creu que ie resusciteray, nous disent la pluspart, ien'ay aucune peine à croire le reste des veritez de nostre soy: celuy qui peut ramasser les parties dissipées d'un corps reduit en cendre, n'a plus rien qui

luy soit impossible.

Ensuitte d'vne foy si viue, on ne pourroit croire sans le voir, quelle est l'innocence de la pluspart de ces bons Neophytes, & l'horreur qu'ils ont du peché, iusques la que plusieurs nous demandet souvent, si c'est vne chose possible de croire vn Paradis & vn Enfer, & auec cela pecher mortellement. Si qu'ayans veu quelque Chrestien commettre quelque faute notable, nous en venans faire le rapport; au lieu de nous dire qu'ils ont veu son peché: Helas, nous disent-ils, vn tel a auiourd'huy perdu la veue du Paradis & de l'Enfer; il s'est oublié de sa foy, & qu'il y a vn Dieu; nous l'auons veu reduit au rang des insideles, qui croient que nostre soy ne soit rien que des sables.

Il y a enuiron trois ans, qu'vn Capitaine des plus considerables de tout le païs, nommé Maurice Hotiaouitaentenk du Bourg de la Conception, se sit Chrestien. Tout le païs est estenné de voir le courage & la constance de cét homme en sa soy, & plus encore son innocence, qui se conserve entiere, au milieu des occasions cotinuelles qui l'inuitent au peché. Quelques Chrestiens luy demandoient vn iour, comment il pouuoit viute au milieu de tant de dangers, auec vne si grande innocence. Mes freres, leur dist-il, la riuiere qui descend d'icy à Quebex n'est

aux Hurons, és années 1645. 69 46. 79 rien que precipices, & toutefois nous y failons peudenaufrages, parce que nous sommes toujours sur nos gardes, & à chaque pas nous craignons de perdre & nos biens & nos vies: plus qu'vn canot est chargé des marchandises precieuses, plus on a l'œil à esquiuer les rochers & les goufres qui s'y rencontrent. Depuis que l'ay receu lesainct Baptelme, tout mon thresor est dans mon cœur, ma foy sont mes plusaymables richesses: ie redoute plus le peché, que nous ne craignons les naufrages, à chaque pas ie songe que i'ay beaucoup à perdre, & que ie conduis vn foible vaisseau, mais chargé toutefois des richesses qui viennent du Ciel; ie preuoy les dangers, ie prie Dieu qu'il m'assiste, ie me desie de moy, & me consie en sa bonté; & iamais ne me croiray en asseurance, que le ne sois arriue dans le Ciel. Qui n'auroit rien, ou peu de chose à perdre, tomberoit assez aisement.

Nous auons commencé cette année durant le Carelme d'exposer à nos Chressiens l'Euangile de chaque iour, & les fruits nous en ont paru tres-sensibles. Vn bon vieillard ayant entendu l'Euangile de la femme adultere, ne pût pas reprimer n'y

80 Relation de ce qui s'est passé ses cris, ny ses larmes. Les assistans en sont émeus d'vne saincte frayeur: mais ce bon homme ne songeant à rien qu'à Dieu, s'abandonnoir à sa douleur auec autant de liberté, que s'il cust esté seul. Estant reuenu à soy, on l'interrogea quelle chose l'auoit touché? La souvenance, respondit-il, despechez que ie commettois anant que deconnoistre Dieu! O que ne sçauois-ie point lors qu'il me voyoit, iamais ien'eufse eu le cœur de l'offencer. l'ay senty dans le fond de mon ame qu'il me disoit le melmequ'à la femme adultere, qu'il ne me condamneroit pas pour ce qui est de ma vie passée: & le moyen de contenirses larmes, de voir apres tant de pechez, que nonobstant il veut m'aimer, & me faire misericorde, autant que si l'eusse emploié toute ma vie en son amour?

Vn autre s'estant laissé tomber en quelque faute de surprise, vint trouuer dés le point du jour celuy de nos Peres qui l'instruisoit. Le te prie d'auoir pitié de moy, luy dit-il, & dé m'essacer au plustost mon peché, i'ay passé toute la nuict en prieres & en larmes, sans auoir pris vn moment de sommeil. Ceux de ma cabane qui ont veu monpeché, ont esté témoins de mes

larmes:

mais Dieu que i'ay offensé, a connu celles demon cœur qui ont esté les plusametes: i'espere qu'il me fera misericorde.

Ayant receu l'absolution, il sit sessina dés le iour mesme, auquel il appella les Capitaines insideles, ses parens, & tous ceux qui auoient esté ou la cause, ou témoins de sa cheute. Le vous ay assemblé, seur dist-il, pour vous faires cauoir les regrets que i'ay de ma faute; & que si i'ay peché, i'ay appris qu'vn Chrestien ne peut plus auoir de repos, ayant offensé dieu, pour aggréer aux hommes: Sçachez que de ma vie ie ne suis plus pour obeir en rien, de ce que vous, & qui que ce soit, me demandera contre Dieu.

Les larmes sont si rares en ces pais, pour ce qui est des hommes, que ie ne me sou-uiens pas, depuis prez de neuf ans que ie vis parmy les Sauuages, en auoir veu au-cun pleurer, sinon dans des sentimens de pieté, & d'vne componction si viue, qu'il faut auoüer que la grace est plus puissante sur vn cœur animé de Dieu, que toute la

nature.

A propos de cet esprit de contrition, ie me souviens d'vn auis que nous donna vn bon Chrestien, nommé Pietre Ahanda-

Relation de ce qui s'est passé tion, qui m'a paru considerable. Nous leur recommandons souuent vne priere dans laquelle estoit refermé vn acte de de contrition. Si vous nous connoissez dans le fond de nos ames, nous dist ce bon Chrestien, vous ne nous diriez pas que pour hair plus parfaitement nos pechez, il faille plustost se seruir d'vne priere que d'vneautte: Ce n'est pas icy comme en France, où vous faites conscience de mentir, mesme aux hommes: mais icy nous sommes accoustumez de tout temps au mensonge; & en suitte vous deuez craindre que nous ne mentions à Dieu melme, luy disans faussement que nous détestons nos pechez, à cause qu'ilsoffensent sa bonté vniquement aimable; quoy qu'en effet nostre cœur ait encore son attache au peché, ou qu'au moins nous ayons plus de crainte du feu d'Enser, que nous n'auons deveritable amour pour Dien. Maisplustost, sans nous donneraucune forme de priere; Dites nous que nous detestions nos pechez de tout nostre cœur, & de toutes nos forces, & que Dieu ne regarde pas sur nos lévres, mais qu'il penetre dans le fond de nos ames, sans qu'aucun le puisse tromper :

Alors ne nous contentans pas d'une priere qui sortiroit de nostre bouche, mais employant tous les efforts de nostre cœur à hair sans feintise, l'enormité de nos pechez, Dieu nous sera, ie croy, misericorde, & nous efforçant de l'aimer, il nous donnera la grace de l'aimer tout de bon.

Finissons ce Chapitre par les sentimens d'vne mere, en la mort d'vn enfant qu'elle auoit vnique. Mon Dieu, luy disoit elle, ie ne puis me plaindre de vous: mille fois ie vous ay offert & ma vie, & celle de ce mien entant, que l'aime plus quemoy; si vous preniez & l'vn & l'autre, ie verrois la fin de mesmaux, & la mort me seroit aussi douce, qu'elle me semble maintenant amere. Mais s'il vous plaist vous contenter de la moitié de mon offrande, que puis-ie dire en ma douleur, sinon que vous estes le maistre, & que c'est à nous d'obeir; Ce m'est assez que ie viue dans l'esperance qu'vn iour vous me ferez misericorde dans le Ciel, afin que ie croye désmaintenant, que tout ce qui me peut arriver en ce monde, venant de vostre part, ne peut estre que par amour, & pour mon bien,

Non, disoit d'autres sois cette payure

Relation de ce qui s'est passé mercassigée; ie croy que Dieu me veut éprouuer de la sorte, afin de me contraindre de recourrir à sa bonté. Hors l'affliction, i'estois come assoupie & souvent is m'oubliois de luy: du depuis, ie ne songe qu'à luy, à cause qu'en luy seul ie retrouue le soulagement de mes peines. D'autresfois elle se disoit à soy-mesme, dans le plus fort de sa douleur: Puisque Dieu preuoyoit que ma fille deuoit mourir au at l'vsage de raison, pour quoy l'auoit-il renduë siaimable? pour quoy ne la prit-il à soi déslors qu'elle parut au monde & qu'elle eut receu le Baptesme? Ma douleur en eust esté plus supportable, & mon enfant eust esté plustost dans le Ciel: Mais sans doute qu'il à voulu que monamour creust auecelle, afin que me la rauissant, ce me fust vn coup plus sensible. Apres tout, disoit-elle, que ses saintes volontez soient faites; ie desire qu'elles soient les miennes, & m'y soûmets de tout mon cœur.

Le sentiment de Ioseph Taondechoren, oncle de cette pauure mere affligée, ne me paroist pas moins aimable; lors qu'apres la mort de deux de ses petits enfans, luy estant demandé en quel estat estoit soncœur, il respondit, que depuis qu'il estoit Chrestien, il n'auoit iamais respenty la mort d'aucun de ses parens; si bien leurs douleurs & leurs maladies, ausquelles il ne pouvoit ne pas compatire mais qu'aussi-tost qu'il les avoit veu morts, sa douleur avoit entierement cessé, dans la pensée qu'ils alloient estre heureux dans le Ciel, qu'ils prennoient le deuant d'un chemin qu'il esperoit faire luy-mesme, & qu'au iour de la Resurretion, Dieu les reuniroit tous ensemble, pour iamais plus ne se voir separez.

## CHAPITRE VI.

Pronidence de Dieu sur quelques particuliers.

IL pappartient qu'à Dieu de faire le choix de ses éleus, & nous voyons en ces païs, autant qu'en lieu du monde, que sa providence est si forte dans ses conduites, & si douce dans son execution; qu'aucun ne perira de ceux qu'il a voulu est re l'obiet de ses misericordes, sussent en vu feuls au milieu des tenebres, & en vu

Relation de ce qui s'est passe lieu abandonné de tout secours.

Quantité de captifs Iroquois, que nous auons baptilé au moment de leur mort, nous en font foy lors qu'au milieu des slammes, ils ont trouvé la vie, & se sont veus enfans de Dieu heureux dans leur malheur, dans lequel cette divine prouidence les auoit amoureusement engagez, pour tirer leur salut de leur

perte.

Il ya sept ou huictans, que nous auions icy baptisé vn Andastoëronnon (ce sont peuples de la langue Huronne, qui demeurent à la Virgmie, où les Angloisont leur commerce.) Depuis ce temps-là, cét homme estant retourné en son païs, nous croyons que sa soy eust deu estre estouf-fée au milieu de l'impieté qui y regne, & n'ayant plus aucun support, au milieu d'une nation tout insidele, & tellement éloignée de nous, que mesme neus n'a-uons pû depuis cinq ou six ans, en sçauoir aucune nouvelle.

Cét hyuer nous auons appris d'vn Huron qui en est retourné; que la foy de cét homme estranger est aussi vigoureuse que iamais, qu'il en fait profession publique, & continue en son deuoir autant que s'il viuoit parmy vn peuple tout Chrestien.
Nous luy auions donné en son Baptesme,
le nom d'Estienne, son surnom est Arenhouta.

Le Pere lean de Brebeuf, alla sur la sin de l'Automne en vn lieu nommé Tangouaen, où demeurent quelques Algonquins, & où quelques cabanes de Hurons sesont refugices, pour y viure plus à couuert des incursions des Iroquois: car c'est vn pais écarré, & entourré de tous costez delacs, d'estangs & de rivieres, qui font celieu inaccessible à l'ennemy. Ce fut vn voyage extremement penible au Pere, & à vn ieune homme François qui l'y accopagnoit: mais leur consolation surpas. sa de beaucoup leurs peines, de trouver au milieu de ces forests perduës & de ces vastes solitudes, vne petite Eglise qu'ils estoient allez visiter: ie veux dire vne famille entiere de Chrestiens, qui trouuent Dieu dedans ces bois, qui y viuent dans l'innocence, & qui receurent ces deux hostes comme enuoyez du Ciel. Le chef de la famille, sa femme & leurs enfans ne pouvoient se contenter de ioye, de voir que leur cabane se faisoit la maison de Dieu. Tous firent deuotement les deuoirs

finj

88 Relation de ce qui s'est passé de Chrestiens, y receurent les Sacremens, & estimerent comme sacrez tous les momens d'vne visite si heureuse: aussi pour les remplir vtilement, tous leurs discours ne furent rien que du Ciel; ils proposent leurs doutes au Pere, ils le tourmentent auec amour & de iour & de nuict, ils l'importunent saintement, & quelque fatigué qu'il puisse estre, d'vn voyage de cinq ou six iours, à peine luy veulent-ils permettre deux ou trois heures derepos. Echon, luy disent-ils (c'est le nom que donnent les Huronsau Pere) tu es venu icy pour nous; nous sommes affamez, c'est à toy à nous rassasser & nous faire festin: tes discours nous donnent la vie, Dieu parle auec toy, & il nous dit au cœur ce qui sort de ta bouche.

Le Pereayant passé quelques iours en cette solitude, sut pressé de haster son retour, craignant d'estre surpris des glaces & de l'hyuer qui commençoit, & qui en esset l'arrestal en chemin, & le mit en danger de mourir & de saim & de froid, & de perir dans les lacs & rivieres qu'ils auoit à passèr. Ce ne sut pas sans de bien grands ressentiments de part & d'au-gre, que se sit cette separation: mais le

Pasteur qui a vn troupeau dispersé, est obligé de ne pas s'arrester en vn lieu; il doit ses peines également à toutes ses brebis; & en de semblables rencontres, nous auons la consolation de sçauoir & de voir par esfet, que Dieu qui seul est le grand maistre du troupeau, supplée en nostre absence, & que ses graces & ses lumieres ne manquent point à ceux qui entendent sa voix, qui s'ont suivie, & qui veulent

luy estre fideles.

Ie dois icy rapporter entre les prouidences de Dieu, celle qui nous a paru en l'appelà la foy, de deux Athista ëronnon, c'est vne nation de la langue Algonquine, extremement peuplée, que nous appellons la Nation du feu, qui iamais n'ont veu aucun European, & où iamais le nom de Dieu n'a penetré: mais il falloit qu'elle rendit homage à Iesus-Christ, & luy offrit quelques premices de ce que nous esperons qu'elle sera vn iour, toute Chrestienne. Dieu seul en connoist les momens, & nous les attendrons auec patience, puisque c'est son affaire, plus que la nostre. Cependant il nous a choisi entre mille deux ieunes hommes de cette nation, qu'il a tire de leur pais, &

qu'il appellé à la foy par des voyes toutes pleines d'amour. Nous auons donné à l'vn, le nom de Louys: le second s'appelle Michel, du nom de la Mission de Sainct Michel, dans laquelle il demeure, son surnom est Exouaendaen.

Ils sont tous deux captifs de guerre, qui ayans esté pris assez ieunes, ont esté conseruez en vie, & ont trouué en cepais le bon heur de la foy, qui leur fait cherir leur captiuité, plus que iamais ils n'ont senty d'amour pour leur patrie. Sur tout la conduite de Dieu sur le second, nous a

paru aimable.

Il fut touché au cœur des la premiere fois qu'il entendit parler de Dieu: mais comme ceux qui l'auoient adopté pour fils, estoient tous insideles, nous ne nous hastions pas de luy parler si tost du Baptesme, crainte qu'il n'y sust pas assez saintement disposé; & luy n'osoit le demander, s'en estimant indigne, ou du moins ne iugeant pas qu'estant un pauute abandonne, nous voulussions ietter les yeux sur luy, pour une grace dont il voyoit que nous témoignions tant d'estime. Il tombe là dessus malade d'une langueur qui l'alloit consommant, & d'une espece

de paralysie, qui nous obligea de luy parler comme à vn homme, qu'il falloit au plustost disposer pour le Ciel. Ce sont, respondit-il, les desirs de mon cœur: & si vous attendez à me baptiser, que ie meurre; volontiers ie verray la mort auiourd'huy, pour me voir au plustost Chrestien.

Ses pensées depuis son Baptelme, n'estoient plus que du Ciel, il ne goustoit que nos mysteres, & n'aimoit plus d'autres entretiens sinon de Dieu. Sa maladie alloit tousiours croissant, & pour luy rauir dans le plus fort de ses miseres, l'vnique consolation qui luy restoit en terre; Dieu permit que le Pere qui auoit soin de cette Mission, fust obligé de s'en absenter bien long-temps; sans que nous pussions y suppléer par autre voye; plusieurs de nos Peres estans tombez en mesme temps malades, & les autres necessairesautres part. Durant tout ce temps-là, ce pauure languissant fut tellement abandonné des parens mesmes qui l'auoient adopté, que tres souuent il passoit les iournées entieres, sans auoir rien de quoy manger, non pas mesme quelquesfois de l'eau, pour esteindre sa soif, durant les

ardeurs plus excessives de l'Esté. Dieu mesme qui se cache souvent à ceux qu'il aime dauantage, sembla se resirer de luy, ou au moins il ne voulut pas qu'alors ses surses lus su sont se se sur ses lus sus sur se se sur se sur

graces luy fussent si sensibles.

En cét abandon si extreme, vne tristesse lesaisist, qui le mit quasi au desespoir, n'ayant pas mesme vn homme, auquel il peustse plaindre de son mal. Pour lors il ietta ses yeux vers le Ciel, & se ressouucnant de Dieu, il luy dist d'vne voix plaintiue, & vous aussi mon Dieu voulez vous donc m'abandonner. A ce mesme moment il entendit comme vne voix interieure, qui luy dist pour response: Michel ne te mets pas en peine des miseres de ton corps, souviens toy que ta demeure eternelle n'est pas icy, mais dans le Ciel. A ces paroles il se sent tout d'vn coup consolé, & tous ses ennuis dissipez: & dist par apres au Pere qui le retourna visiter. qu'alors vrayment Dieu auoit pris possession de son cœur, qu'alors il auoit commencé vrayment de le connoistre, & que tousiours depuis il n'enuisageoit ses miseres qu'auec ioye, se souvenant qu'en effet ilseroit heureux dans le Ciel. Sur tout il auoit conceu vne affection

aux Hurons, és annees 1645. 646.93 tres-tendre envers la Sainte Vierge, & ne manquoit pas vn iour de reciter son Chapelet, mesme dans le plus fort de son mal.

Dans les discours qu'on luy auoit tenu, il auoit esté fort touché des guerisons miraculeuses qui se font à Nostre-Dame de Laurette, & on luy auoit dit qu'en nostremaison de Sainte Marie, nous y gardions vne tres-belle image de cette Sainte Vierge. En suitte de cela il conceut vne viue esperance que s'il pouuoit s'y traisner, ou y estre apporté, il y esprouueroit les misericordes de Dieu. Il prend sontemps vn iour d'Esté, & se hazarde à faire, ce qu'il n'auoit pas entrepris depuis deux ans : il sort de son Bourg & se traisne le mieux qu'il peut, tantost à quatre pates, tantost sur des potances; Mais les forces luy manquent bien-tost. Il s'adresse à la Sainte Vierge, & selon qu'il va redoublant ses prieres, il sent ses forces revenir, auec vn surcroist de consiance & de courage. Enfin il arrive chez nous, ayant employé plus de quinze heures à faire trois lieuës de chemin.

Entrant dans nostre Chapelle, son cœur est tout remply de ioye. C'est icy, pense-il, la maison de Dieu: c'est icy qu'il me fera misericorde: Mais toutessois il n'ose demander la santé. Mon Dieu, distil, vous estes tout-puissant, faites vos volontez, & n'ayez pas d'égard aux miennes. Mais ie croy, & ne doute point que vous ne puissez me guerir. C'estoit là toute sa priere, qu'il repetoit sans se lasser, auée vne ferueur & vn respect, qui en donnoit à tous ceux qui le consideroient.

Quoy qu'il en soit, l'effet de sa priere nous sit paroistre qu'elle auoit esté exaucée: il se trouua parfaitement guery, & ce qu'il estima luy mesme, plus que sa guerison, il sut alors si éclairé & si remply de Dieu, que iamais il n'auoit veu la soy si belle, iamais n'auoit veu si clairement la vanité de cette vie; iamais n'auoit tant estimé le bon-heur qu'il possedoit d'estre Chrestien: Aussi estoit-ce de ces graces interieures dont il se coniouïst auce nous, & dont il remercioit Dieu, plus que de sa santé.

Il retourna en son Bourg des le lendemain, sans baston & sans ayde, d'vn pied & d'vne démarche aussi ferme, que si iamais il n'eust eu aucun mal, & du depuis sa constance, son zele, sa deuotion, & l'aaux Hurons, és années 1645. 6 46.95 mour qu'il a pour ceux qui l'enseignent, & qui luy ont appris, dit-il, à cognoistre son Dieu; en vn mot sa vie exemplaire, & vrayement digne d'vn Chrestien, en vn âge dans sequel la nature n'a de pante qu'à la débauche: tout cela nous fait esperer qu'il n'en démeurera pas là, & qu'il pourra vn iour estre Apostre de son pais, & porter vn seu plus diuin dans la nation du feu.

Quelques vns le rangent à la foy quali d'eux melmes; les autres ne le rendent qu'après de longues resistances; les vns en recherchent long temps l'entrée, & auec bien des peines, les autres se verront dans le Ciel par vn rencontre inopine, & comme par hazard. La prouidence de Dieu est égale pour tous, mais elle nous paroist plus aimable en ceux cy, à cause que nous y voyons ie ne sçay quoy de plus diuin.

La conversion d'vn bon vicillard âgé de quatre-vingtans, du Bourg de sain & Ioseph, est de ce nombre. Vn de nos Peres estant en vne cabane d'infideles, entend sonner la cloche, qui appelloit les Chrestiens à la Messe: Il faut, dist-il, que l'aille aux prieres; & adiouste en riant,

96 Relation de ce qui s'est passé pour vn tel (nommant ce vieillard) il n'a pasenuie d'y venir. Pour quoy non, respondl'infidele: ça que l'aille auectoy! Le Percest surpris de voir cet homme qui le suit, & se presente pour entrer auec les Chrestiens: mais comme il croit que ce ne soit qu'vn trait de gaillardise, il le renuoyepour vne autrefois. Le vieillard attend patiemment à la porte, & la Messe finie, demande qu'on ayt pitié de luy, & qu'au moins on luy apprenne quelque mot de priere. Le soir il se represente, & continue sans se lasser des delays qu'on luy apportoit. Enfin sa constance luy fait trouver entrée au lieu destiné pour les Catechumenes. La feste de Noël estant venuë, cét homme presse qu'on le baptise: le Pere voulant éprouuer dauantage sa foy, & differer plus long-temps son Baptesme, le renuoye à nostre maison de saincte Marie, s'il desire estre baptisé, c'estoit l'obliger à vne condition, impossible au iugement du Pere, l'engageant à faire vn chemin de cinq ou six lieuës, dans le temps le plus rigoureux de l'année, & par des neiges haultes de trois & quatre pieds, d'où souvent les ieunes gens les plus robustes ont peine de se retirer. Mais la.

la foy de ce bon vieillard luy donna des forces, & toutes ces montagnes de neiges, ne peurent esteindre sa ferueur.

Se voyant baptisé, il ne songe plus qu'à la mort: il quitte les festins & les autres diuertissemens les plus licites, crais gnant de s'y voir engagé en quelque faute de surprise: ses pensées ne sont que de Dieu, tâchant d'apprendre les prieres, & se faisant instruire auec vne simplicité d'enfant, quoy que ce fut vn homme d'excellent iugement & de consideration parmy les siens. Sa memoire luy estant infidele, en vn âge plus propre à oublier, qu'à apprendre; sa bonne volonté luy. fournit vn moyen qui luy seruit de liure & d'escrirure. Il eust recours à ceux de sa cabane, quoy qu'infideles: Tu me feras resouuenir de ces trois mots, disoit-il à sa femme; & toy, s'adressant à sa fille, n'oublie pas cestrois autres; & ainsi alloit partageant à diuerses personnes ce qu'il vouloit apprendre; se le faisant repeter tressouvent, & retenant pour soy ces deux mots, lesovs taiteur, lesus ayez pitié de moy; qui estoit son aimable priere, & qu'il repetoit mille fois la iournée.

98 Relation de ce qui s'est passe fort des ceremonies diaboliques, & d'vne solemnité superstitieuse, que les infideles nomment Onnonhouaroïa, c'est à dire, folie publique & renuersement de teste: il arriua vne puissante émeute contre les Chrestiens, & desia on auoit leué la hache sur celuy de nos Peres qui a soin de cette Mission, si vn Chrestienne se fust ietté entre deux; pour parer ou receuoir le coup: & en effet quelques-vns furent rudement frappez, & la hache des infideles donna quasi à cette Eglise vn martyr; mais elle ne fit son coup qu'à demy, n'ayant tiré que le sang, & non pas la vie toute entiere, d'vn bon Chrestien, nommé Laurent Tandoutsont.

Ce bon vieillard fraichement baptisé, à la nouuelle qu'il eut de cette esmeute, se mit à chanter incontinent à
la façon des captifs qui sont destinez
pour les flammes, accourut vers la
Chappelle où estoit le plus fort de la
sedition, disant pour le suiet de sa
chanson, l'iray auiourd'huy dans le
Ciel, ie mourray en la compagnie de
mes freres, Iesus aura pitié de moy.

Eneffet, il estoit proche de sa mort,

aux Hurons, es années 1645. 65 46.99 mais non pas d'vne mort si violente. Il tombe après cela malade, & aussi-tost enuoye querir le Pere, le prie de le disposer à mourir en bon Chrestien, disant qu'il ne craignoit que le peché, ou que venant à perdre le iugement, sa femme & tous ses parens infideles, n'eussent recours pour sa santé au diable & aux superstitions du pais. Il les appella tous, les exhorta à embrasser la foy, & leur témoigna qu'il renonçoit à toutes les choses dessenduës aux Chrestiens, qu'il desiroitestre enterré en terre Sainte, qu'il mouroit volontiers, & dans vne ferme esperance d'estre à iamais bien-heureux dans le Ciel: qu'ils redoutassent le feu d'Enfer; qu'il ne desiroit plus qu'on suy parlast d'aucune chose de ce monde, qu'il ne vouloit songer qu'à Dieu. Et en effet, ilne rendit plus du depuis aucune response à sa femme & à ses enfans, à plusieurs questions qu'ils luy firent; son cœur demeurant tout entier pour les choses du Ciel, & sa langue luy estant sidele en ce poinct, iusqu'au dernier soûpir, qu'il rendit apres ces paroles, qui estoient celles de son cœur,

100 Relation de ce qui s'est passé

Iesus ayez pitié de moy.

Vn peu auant que de mourir le Pere estant seul prez de suy, ce bon Chrestien luy demanda qui estoit vn ieune homme d'vne rare beauté, qui se tenoit à son costé, & qui seulement à le voir, luy rauissoit le cœur de ioye. Le Pereluy respondit qu'il n'y auoit personne. Non, non, repartit-il, ie n'ay perduny les yeux, ny le iugement, ie le voy tout proche de toy, il t'accompagne, & ie connois à son visage, qu'il vient pour m'assister à bien mourir: ayez tous deux soin de moname. Nous n'en sçauons pas dauantage, mais nous n'ignorons pas que les Anges Gardiens de ces bons Neophytes, ne trauaillent bien plus que nous à conduire leurs ames au Ciel.

Voiey vn coup de la misericorde de Dieu. Vn des plus grands ennemis de la foy, dans la Mission de Saint Ignace, se trouuant proche de la mort, se sent touché du Ciel, à la premiere veuë du Pere qui alloit pour luy parler de son salut. Helas, dit-il au Pere, que Dieu est bon, mesme aux impies, puis qu'il t'amene icy pour me saire vne

aux Hurons, es années 1645. Or 46.101 grace à la mort, dont ie m'estois rendu indigne: Ie luy demande pardon de tout mon cœur, & à toy ie te demande le Bapteime, ie deteste les pechez de ma vie passée, & ie croy fermement les veritez que vous preschez, autant que cy-deuant i'en ressentois d'horreur, & que ie blasphemois contr'elles. Haste-roy de me baptiser, car si l'ay vescuen impie, ie veux mourir en bon Chrestien. Le Pere est heureusement estonné; & la maladie le pressant, il ne peut differer plus longtemps le Baptesme, apres lequel le malade tomba bien-tost comme en vne agonie mortelle.

Vneheure auant qu'il rendit l'ame, les infideles ayans pris à party le Pere, & le voulans chasser dehors, ce Moribon retourne tout d'vn coup à soy, recouure la parole, prend la cause du Pere, & son zele luy donna bien assez de forces, pour dire à ces impies d'vn accent vigoureux, qu'ils eussent euxmesmes à sortir; qu'ils allassent à leurs semblables, leur annoncer, que Dieu faisoit misericorde à celuy qui auoit blasphemé plus qu'eux, qu'ils redou-

tassent ses slammes d'Enfer, s'ils n'y vouloient bruler pour vne eternité: que pour luy, son ame s'en alloit au Ciel, qu'il y seroit à iamais bien-heureux, & qu'il mourroit dans cette viue consiance des infinies bontez de Dieu. Apres cela il tourna ses paroles & ses yeux vers le Ciel, auec des colloques tout remplis de soy & d'amour, & en sinissant ses prieres, il acheua sa vie. Il se nommoit François Saentarendi.

## CHAPITRE VII.

## De la Mission du Saint Esprit.

Leonard Gareau, qui auoient hyuerné auec les Algonquins, sur les riuages de nostre grand lac, & au milieu des neiges qui couurét ces païs plus de quatre ou cinq mois, suivirent ces mesmes peuples tout le long de l'Esté, sur les roches nuës qu'ils habitent, exposezaux ardeurs du Soleil, & ainsi passerent auec eux quasi toute l'année dernière. aux Hurons, es années 1645. 6 46. 103

Dieu voulut signaler le commencement de leur course par vne grace qu'il leur sit, les retirant tous deux des portes de la mort. Ils nous au oient quitté à la fin du mois de Nouembre: apres quatre ou cinq iournées de chemin, qu'ils eurent à combatre les vents, les neiges, & les glaces qui commençoiet à se former de toutes parts, ils se virent contrains de quitter leur canot; encore éloignez plus de trois lieuës du lieu où ils pretedoietaborder. Ils se iettent dessus ces glaces, qui pour vn téps les soustiennent auec assez de fermeté: mais qu'elle asseurance sur vin paué si insidele? En vn moment tout creue sous leurs pieds, & se trouuent dans vn abisme d'eau sans fond. La terre leur manquant, ils ont recours au Ciel, & à l'assistance de la tres-Sainte Vierge: A ce mesme moment vn ieune homme de nos domestiques, qui les accompagnoit, & vn de leurs Chrestiens Sauuages, qui tous deux auoient pris le deuant, sont estonnez regardant en arriere, de les voir abismez dans ces glaces: ils craignent de perir eux-mesmes, plus qu'ils n'ont d'esperance de

guij

104 Relation de ce qui s'est passé pouuoir leur donner secours, ce lieu estant inaccessible. 'Ils leur iettent quelques cordes du plus loin qu'ils peuuent; mais chaque effort qu'ils font pour les retirer du naufrage, ils les voyent retomber plus lourdement dans de nouvelles ruines de cette mer glacée. Enfin Nostre Seigneur les assista lors qu'ils auoient quasi perdu toute esperance; ayans trouvé vn glace assezferme, qui les receut heureusement, d'où par apres transpercez d'eau de toutes parts, & demy morts' de froid; ils trouuerent toutesfois le moyen de se traisner de glace en glace, de danger en danger, en vn lieu d'asseurance.

Il falloit qu'ils deussent tous la vie à la tres. Sainte Vierge. Trois iours apres ce ieune homme François, qui les auoit secouru si charitablement, s'égara dans les bois ayans perdu ses pistes, & les chemins que la neige nou-uellement tombée auoit entierement couuert. La nuict venue augmente son mal-heur: d'arrester, c'eust esté pour le trançir de froid: plus il auance, plus il s'égare, ne sçachant plus où il

aux Hurons, es années 1645.60 46.105 marchoit, Il est errant toutela nuict, & iusqu'à deux heures apres midy du lendemain, iour de l'Immaculée Conception de la Vierge. Enfin n'en pouuant plus de froid, de faim, de l'assitude, il s'arreste resolu à la mort. Mais pour mourrir dans les sentimens de devotion, qui alors possedoient dauantage son cœur, il eut recours à cette Mere de misericorde, luy recitant: Sub tuum præsidium confugimus sancta Dei genitrix: En mesme temps ilapperçoit deloin, vn petit rayon de chemin, & se sent vn surcroit de forces, autant qu'il en falloit, pour suiuant cette route égarée, sortir de son égarement, & enfin retrouuer les deux Peres, & les Algonquins, qui desia l'auoient desesperé, l'ayant esté chercher par tout, & n'ayans pû le rencontrer.

Là ils se sirent pour eux trois vne petite cabane d'écorces de bouleau, sous laquelle ils demeurerent iusqu'à la sin des neiges, qui sut le septiéme de May, & das laquelle ils surent consolez en leur extreme pauureté, de n'y passer aucun iour sans y dire la Messe, la constance & la serueur de leurs Chrestiens, anima leur courage; leur ioye s'acreut à la veuë de quelques enfans qu'ils envoierent au Ciel, apres les ainct Baptelme: & pour recompenserabondamment toutes leurs peines, il plût à nostre Seigneur les benir d'un petit commencement qu'ils donnerent à l'Estisse des Ashirie

l'Eglise des Achirigouans.

Outre les Nipissiriniens, auquels de puis quelques années on auoit annoncé lafoy, & dont quelques-vns de remarque estoient desia Chrestiens, il se trouua par bon-heur dans cét hiuernement, vne autre nation d'Algonquins, nommez Achirigouans; dont le pais tire vers l'Occident, approchant des peuples du Sault, des Aoueatsiouaenronnon, c'est à dire qui habitent les costes de la Mer; & d'autres nations tres nombreuses, auec lesquelles ils ont leur principal commerce, & detres-grandes habitudes. Nous souhaitions depuis long-temps de gaigner à la foy quelqu'vn de cette nation, afin par ce moyen de donner entrée à l'Euangile verstous ces autres peuples, qui iamais n'en ont eu conneissance: Mais il falloit que ce sust Dieu qui fist le coup, & qui choisist son temps, lors que nous y pensions le moins.

Vn de ces Achirigouans, qui auoit en

aux Hurons, es années 1645. Co 46.107 tendu quelque chose de nostre foy, vint se presenter à nos Peres. Ie nesçay qui me pousse, dist-il, ie nesçay qui m'éclaire, & qui me touche au cœur, mais ie voy bien que la foy est aimable, ie voy bien qu'il y a vn Dieu, & ie me sens des forces assez pour meresoudre à l'honnorer, & à luy obeir en tout ce que vous me direz de sa part: Ie suis à vous, parce que ie veux estre tout à luy: Dites-moy ce que i'ay à faire, & resusez moy de m'instruire, si iamais ie resuse de vous obeir.

Nos Peres, en l'instruisant, trouvent. vn esprit tout disposé à nos mysteres, vne volonté qui ne refiste à rien, & vn courage qui surmonte & qui rompt désce premier moment, tout ce qui peut s'opposer à sa foy: ils voyent bien que le sainct Esprit est son Maistre plus qu'eux, & que rendant vn cœur si souple, il ne demande point des longueurs, ny les retardemens ordinaires. Ils le baptisent au bout de six sepmaines, quoy que nous attendions en la pluspart, des épreuues d'vn & de deux ans, ils luy donnent le nom de Leonard, sonsurnom Algonquin est Mixisoumat. & pour dire de luy beaucoup, & quasi tout, en peu de mots; du depuis on n'a pas ap108 Relation de ce qui s'est passé perçeu en luy aucune ombre de faute.

Le lendemain de son Baptesme, il plût à Dieu l'éprouuer assez rudement: vn sien fils vnique encore à la mamelle, tomba griéuement malade: tous ses parens songentaussitost à recourir au diable, & aux superstitions du pais. Ils reprochent à ce nouueau Chrestien, que sa foy commence bien tost à attirer le malheur dessus sa famille, qu'il quitte la priere, & que son enfant guerira. Non, non, dit-il; mais bien plutost mes prieres le gueriront, si Dieu le veut. En effet il se mit en priere, & son fils recouura vne santé si prompte, que nos Peres ont jugé que la foy de ce bon Neophyte auoit merité cette faueur du Ciel.

Sept ou huit mois apres ce mesme enfant retomba vne autre sois malade; Ce
bon Chrestien voyant sa semme & tous
ses parens desolez, eût recours au mesme
Medecin: Le soir en faisant ses prieres,
Mon Dieu, s'écria-il, Mon sils est plus à
vous, qu'à moy, disposez comme il vous
plaira, soit desa vie, soit de sa mort, car
rien ne vous est impossible: le lendemain
matin l'enfant se trouua parfaitement
guery.

aux Hurons, es années 1645. & 46.109

Vn autre iour faisant chemin sur les glaces de nostre grand lac, auec vn infidele, tous deux chargez de bled, autant qu'ils pouuoient en porter; son compagnon tomba si rudement, & se blessa si fort, que demeurant estendu sur la place, & saiss d'vn assoupissement profond, ce bon Chrestien nesçauoit plus quel conseil prendre, sinon de quiter là sa charge, & traisner comme il pourroit dessus les glaces, cét homme estropié. Il se jette à genoux au milieu de cette campagneglacée, & leuant les yeux vers le Ciel: Mon Dieu, dit-il, vous pouuez le guerir, ie vous en prie, si vous agreez ma priere. A l'heure mesme ilse vit exauce. Son camaradereuient à soy, & se leue aussi vigoureux que si sa cheute & sa blessûre n'eust esté rien qu'vn songe. L'estonnement les saisit également tous deux: mais le Chrestien prend la parole, & reconnoissant bien la main qui faisoit ce coup de merueille; Mon camarade, luy dit-il, i'ay prié Dieu qu'il eust soin & de toy & de moy; c'est luy qui t'a gueri, commence auiourd'huy à reconnoistre son pouuoir, & si tu veux qu'à iamais il te fasse misericorde, suy moy dedans la foy, & fay toy instruire

dés que nous serons arrivez. Ils se mettent en prieres, ils reprennent leur charge, poursuivent leur chemin: & cette guerison si extraordinaire fut seelée de la marque de celles qu'on doit attribuer à Dieu seul, rame nant à nos Peres vn bon catechumene d'vn mauuais insidele.

Mais la ferueur du zele qui anima l'Eglise des Nipissiriniens hyuernante en ce mesme lieu, me paroit vn effet non moins sensible des graces abondantes du Saint Esprit, sur cette Mission qui l'a pris nommement pour son protecteur, & qui porte son nom.

Tous les Demons & tout l'Enfer s'estoient ce semble déchaisnez contr'elle: les insideles & tous les parens des Chrestiens s'opposoient à leur soy auec tant d'opiniastreté; qu'vniour se voyans tous ensemble, également lassez de tant d'attaques, ils sembloient perdre cœur & succomber dedans ces peines. Leur silence prosond à tout ce que nos Peres pouvoient dire pour les encourager, leurs visages abbatus, & leurs soûpirs plains de langueur, qui estoient toute leur response, mon-

aux Hurons, és années 1645. 65 46. III troientassezla violence de la tentatió, & le peu de resolution qui leur restoit pour soustenir le reste de l'oragequi alloit tousiours augmentant. Nos peres voyans que leurs paroles n'entroient pas iusqu'au fond de l'ame, ont leur recours à la priere & à l'assistance du Ciel. Apres vn long silence de part & d'autre, voila tout d'vn coup ces Chrestiens éclairez tous ensemble d'vne lumiere qui leur descend du Ciel, qui remplit leur esprit, & anime leur cœur d'vn courage quileur est inconnu. Ex quoy! dirent-ils tous de compagnie, ou sommes nous? Que pensons-nous? Puisque Dieu se metauecnous, pourquoy craignons-nous nos foiblesses? Allons trouuernos Capitaines & tous les infideles; & qu'ils sçachent ce que nous sommes maintenant, ce que nous voulons estre, & quels doiuent estre ceux qui apres nous embrasseront la foy.

En vn mot, le Saint Esprit les posseda si plainement, & la ferueur de leurs resolutions les poussa si auant dans la nuict, qu'ils passerent quasi entiere à s'animer de ce zele qui les emportoit; ne trouuans plus que des douceurs, des plaisirs, & les delices de leur cœur, en tout ce qui auparauant leur paroissoit insupportable. En suite de cela ils se presentent d'eux-mesmes à faire vne confession generale. Ce sut bien assez à nos Peres de suiure les mouuemens du Saint Esprit: lors que Dieu parle au cœur, il vaut mieux que les hommes se taisent.

Apres leurs de uotions, ils se leuent, tous animez, ils vont trouuer les principaux de leur nation; & le plus considerable des Chrestiens, nommé Eustache Alimoueckan, prennant la parole pour tous, poussa ses sentimens auec tant de ferueur, qu'il sut aisé de voir que Dieuseul auoit fait ce changement si prompt, qui n'auoit rien de la nature.

Vn autre bon Chrestien, nommé Estienne Mangouch, voulant rendre cette resolution encore plus publique, sit vn sestin sort solemnel, auquel il appella les plus notables des insideles, & ceux-là nommement, qui ont soin parmy eux des ceremonies diaboliques, & qui consultent les Demons.

aux Hurons, es années 1645. 6 46.113 Ie vous ay appellez, dit ce feruent Chrestien, pour vous faire sçauoir nos desseins, & quels nous sommes maintenant. Nous estions des demy-Chrestiens, lors que vos calomnies & la crainte des hommes, nous donnoient de la peine. Perdez maintenant la pensée d'ébranler la fidelité que nous deuons à Dieu, nous serons Chréstiens tout à fait, & n'aurons plus de crainte que de Dieu seul, & du peché. Il leur fit vn discours bien long des excellences de la foy, du Paradis & de l'Enfer, & des commandemens de Dieu, adioustant à chaque chose dessendue, que pour iamais ils renonçoient à ce peché, & que plutost on leur arracheroit l'ame du corps, que de leur cœur vn consentement à vne offense contre Dieu.

Quelques infideles ayans voulu proposer seurs sentimens contre la foy, receurent des reparties si promptes & si
pressantes, que pas vn n'osant plus s'opposer à eux, en sut contraint de louer seur
courage; n'ayant, dit-on, qu'vne chose à
se plaindre d'eux; de ce que seurs parens
après seur mort, ne pourroient plus enseuelir seurs corps, selon seurs anciennes
coustumes. Peu nous importe de ce qu'on
fera de nos corps apres la mort, respon-

dirent ces bons Chrestiens: quelque part où nous puissions estre, Dieu sçaura nous resusciter: C'est-là l'appuy de nostre foy, & l'vnique pensée que nous ayons pour

nos corps, apres cette vic.

Depuis ce temps là, cette petite Eglise a toussours augmenté sa ferueur, & sur tout est entrée dans des sentimens d'une deuotio particuliere, à l'endroit de nostre Seigneur. Quand quelqu'un me demande quelque chose, où ie voy du peché, disoit un iour un d'eux, ie le resuse & m'en retire auec horreur, parce que l'aime Iesus: & quand on me prie de quelque chose que ie puis accorder, ie me porte à faire plaisir, parce que l'aime Iesus, & ieson-ge que c'est à luy seul, que ie veux plaire iusqu'à la mort.

Nos Peres n'ont pas reueu la pluspart de ces bons Chrestiens, depuis l'Automne, qu'ils furent contrains de les quitter à plus de quatre-vingt lieues d'icy: les Nipissiriniens ayans pris dessein de se dissiper dans les bois, tout le long de cet hyuer

dernier

Le Pere Gareau tomba malade en mesme temps, d'une sorte sièvre, & d'une dyssenterie, à quoy le Pere Claude Pijart & le François qui les accompagnoit, ne

aux Hurons, és années 1645. 6 46. 115 peurent apporter autre remede, en vn lieu abandonné de tout secours humain, sinon de trauailler quassau dessus de leurs forces, ramant & deiour, & souvent dans la nuict; portant sur leurs espaules leur canor & leur bagage dans les saults, où souuent on a assez de peine à se porter foy-melme; pour haster au plustost le retour dece bon Pere, que sa maladie n'auoit pû dispenser de ramer quelquesfois, pour surmonter la rapidité des torrens qui se trouvent en chemin; & qui l'espace de douze ou treizé iours que duraleur nauigation, auoit esté continuelle. ment exposé aux ardeurs du Soleil, aux pluyes, aux vens, aux iniures de l'air, & tousiours le pied dedans l'eau. Aussi arriua-t'il icy tellement abbatu, que le mal surmontant nos remedes, nous le vismes en peu de jours si proche de la mort, que le iugeans tombé dans l'agonie, qui dura plus d'vn iour entier, son cercueil estoit fait, lors qu'il plust à Nostre Seigneur nous le rendre comme resuscité, apres vn vœu que nous luy filmes en l'honneur de la tres-Sainte Vierge.

## CHAPITRE VIII.

De ce qui s'est passe à Miskou.

D'Eux familles de Sauuages Chre-stiens, composées de seize personnes, estoient dés l'an passé habituées en celieu, en deux maisons separées, & basties à la Françoise, vne troisième plus nombreuse nous est venuë trouuer au commencement de Septembre, en dessein de jouir du mesme bon heur; quelques autres nous ont promis de la suiure au plustost, & plusieurs personnes particulieres out receu le Saint Baptelme dans l'extréme necessité en cette maniere. Le premier iour de May le Pere André Richard estoit parti de Nepigiguit dans vne chalouppe, accompagné de deux François, & d'vne famille de Sauuages. Le beautemps, & le prompt depart des glaces avoit fait croire que toute la coste seroit libre, comme en effet, il la trouuz iusqu'à l'entrée du Havre de Miskou, qu'il vit fermé d'vn grand banc de glace. Deretourner il ny auoit moyen, le vent qui estoit saulté furieusement au Nordouest arrestoit la chalouppe, & l'entouroit cependant d'vne infinité de glaces

aux Hurons, es années 1645 65 46.117 contre lesquelles il falloit continuellement combattre, la nuict survient là dessus vn danger euident de perdre la vie: lyn des Sauuages qui n'estoit encore bapțisé, quoy que suffilamment instruit demande le Baptesme, le Pere le luy accorde, puis tous d'vn commun consentement ont recours à Dieu par l'entremise de Nostre Dame, à laquelle ils font vœu de jeusner & Communier en son honneur, s'ils échapoient de ce danger. Ioseph Nepsuget reprend là-dessus courage, allege la chalouppe, iette quelques barils de viure sur les glaçons flottans, & saultant sur les glaces, fait des pesées, auec le mast soubs la chaloupe: le vent s'augmente, & presse si bien les glaces qu'elles semblerent assez seures pour se sauuer à terre; ils y fierent leurs vies, laissants le reste à l'abandon, puis à la faueur de la Lune, & de leurs auirons, qui leur seruoient par fois de pont dans le deffaut des glaces, cheminerent enuiron vne lieuë, & arriverent à la pointe du iour à Miskou pour y remercier Dieu, & la Sainte Vierge de la faueur receuë: ce qu'ils sirent tout à loisir dans nostre Chapelle. Ce fut icy que nostre Neophyte ne pouuant se contenir, entretenoit le Pere h'iii

Relation de ce qui s'est passé des sentimens de son cœur. Il est mainte. nant temps, disoit-il, de viure en homme debien, puisque i'ay lebon heur d'estre du nombre de ceux qui prient: ie t'asseure que tu verras par effet, l'estime que je fais de la priere. Il a tenu sa parole iusques à present, & s'est monstré constant en de fascheuses occasions; quelques libertins l'ont importuné, leurs risées pourtant, & leurs mocqueries, quoy que picquantes, & sensibles, ne l'ont point ébranlé, on a voulu l'obliger à manger de la chair és iours defendus par l'Eglise, luy refusant touté autre nourriture, mais en vain; la faim & toutes les importunitez, n'ont serui qu'à faire paroistre sa constace: il fue noméPierre lors qu'on luy confera les ceremonies de l'Eglise en nostre Chapelle.

La seconde personne baptisée cetteannée, est vne petite fille aagée enuiron de deux ans: sa maladie nous sit consentir au desir de ses parens, qui nous l'apporterent; elle sut nomée Louyse, pieu voulut cette petite creature pour soy, & l'appella quelque temps apres: c'est l'vnique qui est mor-

te apres son Baptesme,

La troisième est vne ieune semme Montagnaise, qu'on trouua dans vne de nostiuieres, si indisposée de son corps, & si bien disposée pour ce qui touchoit l'ame, qu'on n'osa luy dénier le bien qu'elle souhaittoir, & que son mari qui est de nostre baye, luy procuroit instamment auec dessein de le receuoir luy mesme, au

plustost,

Un autre Sauuage des plus anciens de nos costes, nomme Nictouche auoit vn bras sienslé, & remply d'viceres que les Chirurgiens François de plusieurs nauires, & les Sauuages deselperoient de sa vie, à moins que de luy couper promptement le bras, crainte que la gangrene ne gagnast iusqu'à l'espaule: ce qu'entendant l'infirme dit resolument qu'il aimoit mieux mourir, que de permettre mettre qu'ole luy coupast. Il nous demande le Baptesme, & ne l'eut pas plustost receu, qu'il commença à se mieux porter auecl'estonnement de tous; il iouit maintenant d'vne parfaite santé, & a promis de s'habituer aupres de nous, afin qu'on dispose toute sa famille à receuoir le Saint Baptesme. Le Capitaine de nos costes qui est desia suffisamment instruit auec sa famille, nous a promis de faire le mesme.

de nos familles Sauuages habituées, vnemaison, ou plustost vne cabane de chari-

h iiij

Relation de ce qui s'est passé té establie proche de nous, contre nostre attente, & lors que nous y songions le moins; toutes fois comme elle est compofée en partie de personnes estropiées, & qui ne peuuent plus marcher, elle doit estre plus sedentaire que toutes les autres; lesquelles s'éloignent de nous presque tout le long de l'hyuer pour chasser à l'eslan, & vne bonne partie des autres saisons de l'année pour chasser aux Castors. En voicy le commencement. Vn ieune esclaue aagé d'enuiron 23. ans, Esquimau de nation, pris en guerre, il y a treizeans, seruoit de valet à vne famille de Sauuages; ce pauure captif tombe malade en la cabane de son maistre, proche de no-Are nouuelle habitation, & est reduit à telle extremité qu'il ressembloit plustost à vne squelete, qu'à vn homme viuant: les os auoient desia persé la peau en quelques parties de son corps, & pour comble de son mal-heur, quelqu'vn de ceux qu'il auoit nourry par l'espace de plusieurs années, par ses farigues de la chasse, auoit par vne cruelle compassion preparé vne corde pour luy oster ce qui luy restoit de vie : le Pere Martin Lyonnes qui estoit seul en nostre maison auerti de cette resolution, s'oppose courageusement à ce

aux Hurons, es années 1645. 6 46.121 qu'elle ne fust executée, remonstre que Dieu estoit griefuement offensé par semblables actions, & craignant que quelque funeste coup de hache ne tombast sur la teste de ce pauure languissant, le fait promptement porter dans nostre maison, le place sur vn lict, l'instruict, & en eut vn tel soin qu'il commença dans peu de semaines à se mieux porter: il demande de retourner en la cabane de son maistre, où il n'eut pas seiourné quelques iours, qu'il retombe plus malade qu'auparauant : son infection le rendoit insupportable, on le iette hors la cabane, & est abandonné des siens, il a recours au Pere, le fait demander, on l'assiste, i'arriuelà dessus à Nepigiguit, nous visitons ce pauure abandonné, qui persiste à demander le Baptesme, nous acquies çons à sa demande, & de plus luy faisons promptement dreffer vne cabane dans nostre petite cour auec vn feu entretenu : ce qu'ayant consideré son maistre qui estoit sur le poinct de partir, nous dit en presence de plusieurs Sauuages, qu'il ne pouuoit emmener quand & soy son esclaue, sans le mettre en euident danger de mourir en sa chaloupe, qu'il nous le donnoit, & nous transportoit tout le droit, qu'il

auoit sur luy, que nous en eussions soin, & qu'il seroit toussours nostre, s'il retournoit en santé. Cecy se passa sur la fin du mois d'Octobre, & trois mois estant écoulez, il recouura vne si parfaite santé, que l'ayant presté à vne de nos familles Chrestiennes, il tua sur la fin de l'hyuer plus d'vne douzaine d'essants.

Lesoin que nous prismes de ce pauure abandonné donna occasion à quelques Sauuages de degrader à vn jet de pierre de nostre maison, deux femmes fort vielles, & incommodées que nous auions baptisées yn peu auparauant, l'yne desquelles voyoit iusqu'à la troisséme generation; & sila veuë ne luy diminuoit notablement tous les iours auec l'esprit, elle verroit dans peu de temps iusqu'à la quatriéme: l'autren'estoit pas si aagée; mais pour le moins aussi incommodée à raison des vlceres qui luy mangeoient vne iambe, l'une & l'autre estoient dans l'impuissance de marcher: nous ne voulus mes pas les laisser mourir de misere deuant nos. yeux, ny faire instance qu'on les rembarquast, crainte que le refus, que nous eussions fait de les assister, n'eust donné occasion à ces barbares de leur décharger plustost yn coup de hache sur la teste, que

aux Hurons, es années 1645.65 46.123 de prendre la peine de les traisner sur la neige tout le long de l'hyuer; on leur dresse donc vne cabane, puis nous les pouruoyons de nourriture, & de quelques autres commoditez; mais comme la nourriture n'est que la moitié de la vie en ce pais, où l'hyuer est froid extraordirement, & que nous n'auions que deux ieunes seruiteurs pour nous fournir de bois, & faire les autres choses necessaires, nous fusmes contrains de changer nos plymes en des haches, pour apprendre le mestier de buscheron, afin d'entretenir iour & nuict vn feu capable déchauffer des personnes, qui sembloient tousiours porter vn fais de glaçons. Que leurs parens furent trompez au commencement de l'Esté, lors qu'ils trouverent en assez bonne santé celles qu'ils croyoient auoir estémises en terreil y auoit plusieurs mois, ils les emmenerent quand & eux à l'Isle persée, & à grande peine la plus vieille eut elle esté portée à terre, que ses plus proches la rembarquerent, & l'emmenerent. en nostre maison, pour luy faire dés le milieu de l'Esté reprendre son quartier d'hyuer. Vne autre estropiée des deux iambes dés son enfance nous fut emmenée en mesme temps, & huict iours apres

124 Relation de ce qui s'est passé vn estropié d'vn bras: voila le commenment de nostre cabane de charité qui peut tenir lieu d'vne quatrieme famille, qui sera plus assiduë aupres de nous que toutes les autres. Retournons au chef de nostre troisième famille, nommé en Sauuage Quandagareau, qui a esté en son Baptelme appellé Ignace, par Monsieur Desdames, qu'il a choisi pour son parain, au nom de Monsieur l'Abbé de la Magdelaine, & desautres Messieurs de la Compagnie de Miskou, qui nous entretiennent nostre nouvelle habitation, establie seulement pour la conversion des Sauuages. Cét homme auoit desia procuré par avance le Baptesme à sept des enfans, & maintenant il possede auec sa semme son fils aisné, & son cadet, le mesme bien, qu'il auoit procuré à ses autres enfans. Le bon exemple des Montagnais auec lesquels il a accoustumé de passer vne bonne partie de l'Esté, luy a esté vn puissant motif pour s'assujetir aux loix de l'Euangile. C'est vn homme fort doux, moderé, estimé tant de ceux de sa nation, que des Montagnais, ennemi des débauches, & amy de tous les François: ce qui l'a fait choisir ce Printemps auec le Capitaine de Tadoussac, & le Capitaine de la Baïe

aux Hurons, és années 1645. 65 46. 125 des Chaleurs, pour estre mediateur de la paix entre les Betsiamites qui habitent les terres du costé du Nort à 60. lieuës au dessous de Tadoussac, & les Sauuages de nos costes, & de celles de l'Acadie, qui se portoient yne haine mortelle. Cette paix fut conclue à l'Isle Persée, au commencement du mois de Iuillet, où par bon-heur ie me rencontray, à dessein d'assister tant les Sauuages, que les equipages de huict Nauires Fraçois destitués de tout secours spirituel. Voicy quelle fur la disposition plus prochaine pour rédre cette paix de longue durée.Le Capitaine de Tadoussac nomé Simon Nechabeouit, ou autrement Boyer, mevint trouuer le Samedy dernier iour de Iuin, pour me prier de le reconcilier le lendemain matin luy & toute sa troupe auec Dieus parlemoyen du Sacrement de Per nitence: l'aquiesce à sa pieuse demande, à condition toutesfois, qu'il aduertiroit ses gens de s'expliquer en la langue Algonquines & non Montagnaise, la quelle ien'estimois entendre suffisamment pour leur denner satisfaction; à grande peine auoisje paré l'Autel dans la tente de l'Admiral des Nauires pour y celebrer la sain Ete Messe, que ce bon Capitaine se jette à mes pieds, les mains iointes auec yne grande

125 Relation de ce qui s'est passé modestic, les autres Sauuages plus âgés le suiuent, puis les ieunes gens, & enfin les femmes; ils assistent apres s'estre confesses, à la saincte Messe, à la fin de laquelle quelques-vns communierent auec les François: ic leur fis chanter en suitte leurs prieres en langue Algonquine, & afin que les Sauuages de nos costes n'eussent occasion de se plaindre, quoy qu'ils fussent peu de Chresties presents, ie ne laissay pas de leur faire chanter les mesmes Prieres en leur langue, & sur les mesmes chants. Nos François nouvellement arrivés de France quin'auoient iamais veu de Sauuages frequenter les Sacrements, & encore moins entendu chanter les Prieres ordinaires de l'Eglise en langue Sauuage, pour ne frequenter nostre nouuelle habitation éloignée de trentelieues de l'Isle Persée, furent si sensiblement touchés de deuotion que plusieurs en pleuroient de tendresse: d'autres disoient qu'il leur sembloit estre transportés en quelque Convent de Religieuses, tant les Sauuages chantoient melodieusement: quelques-vns asseuroient qu'ils ne se fussent ennuyés de les entendre chanter depuis le matin iusques au soir. Ces nouueautez sont fort agreables du comencement; mais pour nos François hy-

aux Hurons, es années 1645 6. 46. 127 uernans qui demeurent en nos habitatios, & sont accoustumés à voir & entendre choles semblables, & à affister quelquesfois aux instructions qu'on fait toutes les Festes & Dimanches, aux Sauuages de Nepigiguit, ils s'ennuiroient à la fin desi longues deuotios. Apres que ces bos Chrestiens eurent satisfait à leur deuotion, ils se disposerent à traiter de la paix plus par effer, que par paroles, le Capitaine des Sauuages de nos costes auec Ignace Ouaudagareau chargent vn ieune homme d'vn sac de pourcelaine; deux autres portent sur leurs espaules deux douzaines de couverres neufues, quelques-vustreizebelles arquebuses, de la pouldre, du plomb , & quelques épées plus longues, & larges, que les ordinaires; puis firent tout porter dans vne grande cabane, où plusieurs Sauuages Montagnais, Algonquins, trois de la natio des Sorciers, & deux Betsiamites estoient assembles. Le Capitaine de nos costes prend la parole, au nom des Capitaines de l'Acadie, & de la Baye de Rigibouctou son parent, desquels il dit auoir commission de traiter la paix, asseurent qu'ils auoient tous banny de leurs cœurs l'ancienne inimitié, en confirmation dequoy ils offroient tous ces presens pour témoigner leur bonne af-

08578

128 Relation de ce qui s'est passé, &c. fection. Simeon Boyer qui seruoit comme de truchement aux Betsiamites, respond, qu'ils acceptoient les presents, qu'ils ne seroient à l'aduenir qu'vn cœur: puis fit apporter bon nombre de paquets de peaux de castors, dont il sit present. Le reste de la iournée & quelques autres suivantes se passerent en dances, & festins; nous esperons que cette paix contribuera beaucoup à augmenter la gloire de Dieu, veu que tous nos Sauuages semblent auoir de l'inclination à receuoir le sainct Baptesme, qu'ils recherchent comme vn souverain remede à leurs indispositions, & maladies. C'est ce que i'ay recognu en deux Missions que l'ay fair à l'Isle Persée, comme aussi le Pere André Richard en celle qu'il fit ce Printemps en la Baïe des Chaleurs, & le Pere Martin Lyonnes en celle de la Baïe de Miramichi, d'où il retourna tres satisfait des Sauuages, qui se plaisent par tout à entendre parler des mysteres de nostre saincte Foy. A section of the sect

FIN. Segrina

ACADON STATE OF THE STATE OF TH

mo in the land of the contract of

